

**NATIONAL ASSEMBLY OF  
SEYCHELLES**

*Wednesday 22<sup>nd</sup> November  
2023*

*The Assembly met at 0900am*

*National Anthem*

*Moment of Reflection*

*Mr Deputy Speaker in the Chair*

**MINISTRY OF LOCAL  
GOVERNMENT AND  
COMMUNITY AFFAIRS**

**MR DEPUTY SPEAKER**

Bonzour tou Manm Onorab, travayer, Sekretarya Lasanble e tou manm piblik ki pe swiv nou travay pour sa Merkrede le 22 Novanm. Nou kontiny nou travay dan Staz Komite lo *Appropriation Bill, 2024*, e ozordi nou enteraksyon pour avek sa bann antite swivan:-

Minister Gouvernman Lokal e Zafer Kominoter, Lazans Proteksyon Sosyal, e sa i pour osi enkli bann benefis e bann program ki aprouve pour Lazans Proteksyon Sosyal e nou pour osi enterakte avek Zidisyer.

Pour nou komanse nou ava demann *parliamentary reporter* pour apel delegasyon *Local Government*.

Nou ava *welcome* delegasyon ki'n fek zwenn nou. Delegasyon sorti kot Minister *Local Government and Community Affairs* dirize par Minis Rose-Marie Hoareau.

E Minis Hoareau i akonpanyen par son Sekreter Prensipal pour *Local Government and Community Affairs* Mr Kevin Perine, osi lo *head table* i Ms Marlene Valentin ki *Financial Controller*, e lo *side table*, nou annan Mr Daniel Adeline ki Direkter Zeneral pour Fasilite Distrik avek Kominote.

E nou a note prezans osi *Chief Operations Officer* sorti kot *Seychelles Infrastructure Agency*, sa i Mr Keith Arnephy.

Avek nou osi i annan de zofisye Minister Finans e *Deputy Comptroller General* Mr Jude Commettant avek Mr Antoine Barbe ki *Director for Public Budget Management*.

*Now Local Government* son travay i annan son bann proze, ki mon mazin en i bokou Manm pour demann kekyon lo la, me i osi annan bann lezot proze ki *SIA* i travay avek li, *so this is why* Mr Arnephy i avek nou.

So si nou annan kestyon lo sa bann *headings* koumsa, ki nou pour fer? Parey nou ti fer avek *STA* yer, nou pran tou bann kestyon ki konsern inikman *Local Government and then* si bezwen fer en sanzman, Mr Arnephy ava vin lo *head table* pour kapab *advise* Minister avek *PS* pour larepons.

Aprè – zot konpran ki mon pe dir. Donk ki nou pour fer la se ki nou ava envit Minis pour fre en lentrodikeyon *as brief as possible*, apre pour nou komans pran enteraksiyon avek bann Manm.

Ler Minis pe koze, zot kapab lev zot lanmen touzour pour endike lekel ki pour pran laparol. Mersi. *Minister* ou kapab *proceed*.

**MINISTER ROSE-MARIE HOAREAU**

Mersi Mr Chair. Bonzour Mr Chair. Bonzour tou Manm Onorab e tou dimoun a lekout. Mr Chair dan Bidze pour lannen 2024, Minister Gouvernman Lokal ek Zafer Kominoter, in ganny en alokasyon 151.5 milyon e sa i reprezant en logmantasyon zeneral R19 milyon konpare avek lannen 2023.

Mr Chair, an gro, sa i ganny klasifye *comme* swivan: -

Bidze pour saler i R61.6 milyon; sa i reprezant en logmantasyon 7 milyon.

Bidze pou *goods and services* i 34.6 milyon. Sa i demontre en rediksiyon R3.5 milyon.

Bidze pour *PSIP* i 55.2 milyon e sa i reprezant en logmantasyon R15.6 milyon.

Mr Chair, Minister i touzour konsyan bon zesyon Bidze ki i resevwar, e fer son mye pour fonksyonnn avek sa sonm ki i gannyen. Avek bon zesyon, nou osi kontribye pour met larzan dan Kof Leta, atraver koleksyon reveni ki nou ranmase lo bann fasilite ki nou lwe.

Pour lannen 2023 ziska la, nou'n anmas R2.4 milyon. Menm si nou'n kolekte en sonm signifikan i enportan pou dir ki Minister pour kontinyen asiste gratwitman bann groupman tel parey;

Trwazyenm-az, bann groupman Otreman Kapab, e kontinyen asiste tou *MDAs* avek desantralizasyon zot bann program, ki tousala i benefisyè lakominote.

Mr Chair, pour 2023, nou'n akonplir bokou, me par kont, nou realize ki i annan bokou travay pour nou fer ankor. Minister Gouvernman Lokal ek Zafer Kominoter, i

premye pour anpoy son prop lekip sekirite. Menm si sa legzersis in vin avek plizyer defi, nou'n kapab sirmonte e fer en *savings* signifikan dan nou Bidze apepre R9 milyon.

En alokasyon R2.6 milyon, in ganny met dan Bidze pour adres bann ka *emergency* dan distrik. Sa i reprezant en logmantasyon R600 mil ki ava ed nou pli byen reponn a bann ka dirzans.

An sa ki konsern *PSIP*, Minister in ganny en alokasyon R55.2 milyon pour bann proze distrik. Sak distrik, pour ganny en alokasyon R1 milyon pour bann proze kominoter. Sa i fer en logmantasyon R260 mil par distrik konpare avek 2023.

Mon remersye bann Manm Onorab ek bann *Das*, pour sa travay ki zot in fer, pour arive soumet zot lalis proze pour 2024 a ler. Sa i a permet nou demar nou bann proze boner lannen prosenn.

Mr Chair, i enportan pour note ki pour lannen 2023, nou target ti pour fer 140 pti proze. E mon fyer poudir ki nou'n sirpas sa target e nou'n kapab konplet 155 pti proze, ziska la.

Mr Chair, R10 milyon in ganny mete spesifikman, pour konstriksyon bann *feeder roads*. Pour plizyer lannen konstriksyon bann *feeder*

*roads*, in reste enn parmi bann pli gro defi pour adrese.

Se pour sa rezon, ki Gouvernman in vwar li esansyel pour kree en nouvo *budget line* separe avek proze dan Bidze 2024. Sa i ava ed nou fer en premye pa pour adres sa gran demann ki deza egziste.

Pour 2024, en sonm R5 milyon in ganny mete dan Bidze pour komans konstrir en nouvo batiman Ladministrasyon Distrik e Sant Kominoter Cascade.

Adisyonnelman en sonm R4 milyon in ganny bidzete pour konstriksyon nouvo lofis Ladministrasyon Distrik Bel Ombre.

Apré plizyer lannen zabitan Ile Perseverance, pour finalman kapab vwar konstriksyon en lofis Ladministrasyon Distrik apropiye, ensi byen ki en sant kominoter. En sonm R4 milyon in ganny bidzete pour komans sa travay.

Touzour lo lenfrastriktir, en sonm R2 milyon in osi ganny bidzete pour komans travay lo en nouvo *day care* Les Mamelles. Sa i ava sertennman anmenn en gran soulazman, pour bann paran dan sa distrik, ki pour plizyer lannen pe esper sa fasilite.

Mr Chair, bokou plis loportinite i ganny ofer ver devlopman personnel *staff* Minister Gouvernman Lokal ek Zafer Kominoter a tou nivo.

Pour lenformasyon Lasanble, Minister in deza pe met an pratik e pe servi *mechanism RDM (Result Base Management)* koman sa zouti pour mezir konpetans *staff*, osi byen febles avek bi amelyor performans ki a permet nou delivre en pli bon servis dan kominote.

Mr Chair, pour terminen, mon oule pran sa loportinite pour remersye bann dimoun ek lorganizasyon swivan;

Tou nou bann *partners*, bann endividi ek lorganizasyon ki'n aktiv lo nivo distrik, kominote biznes e nou bann *sponsors* ki'n ed nou dan en fason ou en lot pandan 2023.

Tou bann volonter ki'n vin donn en koudmen dan distrik, espesyalman bann manm brigad ki touzour pare pour reponn sa lapel sak fwa nou bezwen zot.

*Staff* Minister Finans pour zot gidans e lasistans relye avek preparasyon sa Bidze; tou *staff* Minister Gouvernman Lokal ek Zafer Kominoter pour zot devouman e langazman pandan sa lannen. Avek en mansyon

spesyal pour nou bann travayer simityer.

Mr Chair mon ti a osi kontan eksprim en senser remersiman pour tou Manm Onorab pour zot soutyen pandan sa lannen. Mon swe se ki nou kontinyen ansanm dan sa parkour ki nou'n komanse e ki nou fer bokou plis, an 2024, avek resours ki nou'n resewar.

Mon profit sa lokazyon pour swet zot tou en Zwaye Nwel e Bonn ane. Mersi Mr Chair.

### **MR DEPUTY SPEAKER**

Mersi Minister. Pour nou kontinyen mon ava demann *Sergeant-at-Arms* pour met nou dan Staz Komite silvouple. Mersi.

Pour benefis Manm, Bidze Gouvernman Lokal i lo paz 357-362 e son bann proze *PSIP* i lo paz 30. I annan bokou Manm ki'n lev lanmen, mon a zis pas briyevman lekel bann dimoun an ka i annan non ki mon'n manke.

Lo kote *US* mon'n *note* non Onorab Lemiel, Uranie avek Vidot. Lo kote *LDS* mon'n *note* Onorab Roucou, Onorab Philip Arissol, Labonte Labrosse, Mondon, Bastienne, Porice, Arissol, Onorab Sandy Arissol, Onorab Monthy, Woodcock, Hoareau, William, Naidu, sa ki

mon'n - *ok* si an ka i annan okenn non ki mon'n manke, *this is the time to raise your hand*. Ok. Mersi.

Vwala, mon krwar mon'n ganny tou bann non. Mon ava envit premyer entervenans Onorab Michel Roucou.

### **HON MICHEL ROUCOU**

Mr Speaker bonzour. Mr Chair, bonzour. Bonzour Minis ek ou lekip, bonzour tou bann Manm Onorab e tou dimoun ki pe ekout nou dan lakour.

Mr Speaker, si ou permet mwan, koman *MNA* pour distrik Mont Fleuri, mon le zis demann avek zabitan mon distrik e osi tou bann lezot Manm Onorab e osi bann zanmi Mr Louis Gopal, ki ansyen *MNA* Mont Fleuri, pour mazin li dan zot lapriyer akoz mon'n aprann - bomaten mon'n koz ek son garson ki in deza admit lopital i pa tro byen.

E ansanm e koman *MNA* Mont Fleuri nou pe mazin zot dan nou lapriyer e nou pe donn zot tou nou soutyen. Mersi Mr Speaker.

Minis, mon le remersye ou ansanm avek ou lekip, akoz ou Minister i enn parmi bann *partner* ki nou travay tre pre ansanm pour sa lannen, pour bann travay ki nou'n kapab akonplir ansanm. Mersi bokou.

Minis, mon kestyon ki mon pe al demann ou, i anba ou '*current challenge*' ki *lack of support from the MDAs to action on the district issues*.

Sa i en problem ki bokou nou, nou vwar i enn parmi bann *issues* ki bezwen ganny amelyore dan bann distrik. Akoz enn ler souvandfwa, nou dan distrik nou depan lo bokou bann lezot Minister pour ed nou fer sa travay dan distrik, ki souvandfwa i pa fasil.

E ki mon pe demande anba zot Bidze la, ki zot pour gannyen pour lannen prosen, ki travay ki zot pour fer ek zot bann larestan Minister, bann departman pour ed nou lo nivo distrik pour nou kapab fer sa travay, ki pour byennet nou bann zabitan?

E zis an pasan mon vwar poudir i annan 2.5 milyon, mon konnen poudir i annan en travay pour ganny fer lo *day care* ki deza la, dan distrik. Si ou kapab zis donn nou en pti pe kan ki *day care* pour komanse, pour ki travay pour komanse lo *day care*?

E ki bann mezir ki zot pe met an plas, akoz nou konnen poudir *day care* i deza operasyonnel la. E si zot pour profit dan bann letan ki *day care* pour fermen ki dan Desanm? Mersi bokou.

**MR DEPUTY SPEAKER**

Mersi Onorab. *Panel?*

**MINISTER ROSE-MARIE HOAREAU**

Mersi Onorab. Mersi Mr Chair. Onorab, *regarding* travay avek bann lezot *MDAs*, wi, Minister Gouvernman Lokal i *rely* bokou lo bann lezot *MDAs* pour ed nou kapab akonplir sa ki nou, nou pe fer.

Nou kontinyelman pe koz avek bann lezot *CEOs*, avek bann lezot *PSs* avek bann lezot Minis. Nou an - konversasyon regilyerman pour nou kapab fer pli byen e – non, me mon bezwen dir ki nou annan bon korperasyon avek tou sa bann *MDAs*.

Me parfwa i zis resours imen ek letan, ki met sa bann lezot landrwa an retar, sa bann lezot *MDAs* an retar. Me solman korperasyon i bon. Nou travay byen ek zot, nou toultan an dyalog avek zot, e nou pour kontinyen pour 2024 lo sa menm laliny travay fortman ansanm.

Lo size *Day care Center* Mont Fleuri, sa mon ti a prefere kit Mr - *Deputy CEO* Mr Arnephy e Mr Adeline pour reponn pli tar. Mersi Mr Chair.

**MR DEPUTY SPEAKER**

Mersi Minister. Savedir bann Manm ki annan sa bann kestyon *SIA*, pa oubliye akoz a lafen nou pour envit reprezantan *SIA* lo *head table* pour kapab reponn. Onorab ou annan klarifikasyon lo *MDAs*?

**HON MICHEL ROUCOU**

Wi, wi. Minis, mon konnen poudir i annan sa *district team* ki zot fer, konmela in vin rezyonal, souvandfwa nou vwar ki laplipar bann Minister zot pa pran sa serye, kot zot pa *attend* sa bann *meeting*, kot la plizyer bann *issues* i ganny pase. Petet plis ranfor i kapab ganny mete lo la osi. Mersi.

**MR DEPUTY SPEAKER**

Mersi. Onorab. Ou le fer komanter lo la Minis?

**MINISTER ROSE-MARIE HOAREAU**

Wi, wi Mr Chair mersi. Mersi Onorab. Egzakteman sa enn bann konversasyon ki bann dyalog ki nou pe fer zisteman la, a se moman ki nou komans 2024, lo en lot lanpler. Mersi.

**MR DEPUTY SPEAKER**

Mersi Minister. Onorab Philip Arissol.

**HON PHILIP ARISSOL**

Mersi Mr Chair. Bonzour Mr Chair. Bonzour Minis avek ou delegasyon. Minis, mon a ti a kontan remersi ou pour travay ki ou'n fer *so far* dan distrik. Mon kestasyon solman mon krwar i pour plis al pour Mr Adeline dan kote *SIA*.

Mr Chair, mon kapab demann mon kestasyon la konmela apre i ava reponn pli tar?

**MR DEPUTY SPEAKER**

Wi.

**HON PHILIP ARISSOL**

Minis, mon ti a kontan konnen akoz mon fouray dan *PSIP* mon pa'n vwar okenn alokasyon pour *renovation of Recreational Center* Anse Louis avek son *playing field* dan *round*.

Alors, mon ti a kontan konnen ki zot plan pour sa landrwa, dan 2024? Mersi. Mersi Onorab.

**MINISTER ROSE-MARIE HOAREAU**

Mersi Onorab. Mon a les Mr Adeline reponn, lo pli tar. Mersi Mr Chair.

**MR DEPUTY SPEAKER**

Mersi Minister. Mon ava pas laparol aprezan avek Onorab Lemiel.

**HON SYLVANNE LEMIEL**

Mersi Mr Chair. Bonzour Minis avek ou delegasyon. Minis lo kote - mwan mon pour vin koz lo kote lenfrastruktir, sa ki konsern lenfrastruktir dan distrik, nou konnen poudir Ladministrasyon Distrik Anse Royale i enn parmi bann pli vye Ladministrasyon Distrik. Lannen pase ou ti vini, nou ti koz lo la.

2 an konsekitiv in annan larzan ki'n ganny mete dan Bidze pour Ladministrasyon Distrik. *Reroof* ennler nou ti pour rearanze. Ozordi Minis mon ti a kontan konnen ki *status* Ladministrasyon Distrik Anse Royale, an sa ki konsern swa our *renovate*, or swa ki parey nou ti'n ganny enformen pour kraze, refer fer li vin *Government House*?

Akoz nou tou nou dan dout. Nou pe ganny dir - lannen pase nou ti'n ganny dir komans rod nou landrwa pour nou bouze, akoz landrwa pe vin ganny rearanze.

So, mon ti a kontan konnen ozordi kote nou *stand* avek sa ki konsern Ladministrasyon Distrik Anse Royale. Ki zot plan?

An menm tan son *ground* deor. I annan proze ki'n ganny *submit*, ki nou rearanze akoz i en basen delo letan lapli i tonbe.

Minis, mon krwar ou'n vwar, *PS* i mont dan sa semen toulezour, lapli ler i monte i vwar. I annan proze ki'n ganny *submit*. So ki zistans osi nou ete, an sa ki konsern pour nou amelyor sa *ground* deor aköz distrik ti'n fini *come up* avek en proze ki'n soumet kot zot. Mersi.

**MR DEPUTY SPEAKER**

Mon ava envit *panel* pour larepons?

**MINISTER ROSE-MARIE HOAREAU**

Mersi Onorab. Mr Chair mon a demann *PS* pour reponn sa kestyon silvouple.

**MR DEPUTY SPEAKER**

Mersi *PS*.

**PS KEVIN PERINE**

Mersi Mr Chair. *Good morning* tou bann Manm Onorab. Bon, Onorab Lemiel a ler aktyel i annan bann diskisyon ki deza ganny fer. Parey ou'n deza mansyonnen ki Anse Royale pe ganny konsidere posibilite dan lefitir pour li vin *Government House*.

I ankor an diskisyon, napa nanryen ki'n ganny akonplir so *far*, e se pour sa rezon ki ou vwar bann proze ki'n ganny

soumet pa ankor kapab vreman ganny adrese.

Akoz *until* ki nou konklir avek diskisyon, si vreman i pour *turn into Government House*, or i pour ganny *renovate* e reste sant kominoter parey i ete pour kapab deservi servis piblik Anse Royale. Mersi.

**MR DEPUTY SPEAKER**

Son *ground*. In demann osi kestyon lo *ground*...

**PS KEVIN PERINE**

*Ok ground* deor. Tan ki zot la, mon panse ki zot pour bezwen adres *ground* deor pour fer sa lavi, tou dimoun ki akse sant kominoter dan en fason pli agreab. E sa i en proze ki ava ganny konsidere pour 2024, pour kapab amelyor son sirfas deor.

**MR DEPUTY SPEAKER**

Ou annan klarifikasyon Onorab?

**HON SYLVANNE LEMIEL**

Wi Mr Chair. Be letan ki desizyon pa ankor ganny pran, e Minis mon krwar ou okouran poudir sa – menm si *day care* la i la, sa sant kominoter ler lapli i tonbe i koule. Sa bann pti zafer, sa bann pti piti la i dan lapli letan – letan lapli.



So eski de tan zot diskisyon, pli nou ale, pli nou prolonze, pli sityasyon i *get worse*. So eski zot annan dan Bidze, serten laranzman ki zot pe mazin - *it will be major!* Letan ou pour gete, *ok?*

So eski zot in met larzan dan Bidze pou zot kapab *cater* pour sa pour 2024? Mersi.

Me selman Minis mon ti a kontan met lanfaz lo sa *grounds please let's do something next year. Thank you.*

### **MR DEPUTY SPEAKER**

Mersi Onorab. *Panel* i annan en...

### **MINISTER ROSE-MARIE HOAREAU**

Mersi Onorab. Non, mon agree avek ou, ki *for as long as* ki nou pe servi lo koman en biro distrik - *administration district* ek son *community center*. Nou pour bezwen fer keksoz avek devan, nou a bezwen rod en pti larzan pour fer sa avek.

Mon pa kapab dir ou kan, me solman mon ava *discuss* avek *SIA* petet, zot a kapab donn nou en lendikasyon pli tar. E nou pour bezwen osi petet pran kont depandan kan desizyon pour ganny fer, si pour *move Government House* ouswa non.

Nou pour bezwen asize avek *SIA*, avek bann lezot - *other powers that be* - pour nou kapab konnen si nou pour bezwen retap en pe keksoz ki *right now* i pa dan en tro bon leta.

Sa osi i enportan e sirtou ler ou pe mansyonn zanfan, nou pe bezwen fer sir ki zot dan en landrwa konvenab. Alor nou pour bezwen fer omwen *some sort of* amelyorasyon, wi, e deor osi tou.

Akoz zisteman ler i vin - bann dimoun i vin la, i pa byen poudir zot bezwen antre kot dan en basen delo alor nou ava fer nou mye. Mersi.

### **MR DEPUTY SPEAKER**

Mersi *panel*. Onorab Labonte.

### **HON ANDY LABONTE**

Mersi Mr Chair. Bonzour Minis ek ou *panel*. Mon swet ou labyenveni isi dan Lasanble Nasyonal. Mon kestyon – Minis mon koman en Manm ki'n ganny elekte pour distrik La Riviere Anglaise, e ki annan lentere e byennet mon distrik e zabitan a ker.

Ler mon vwar sa Bidze, R151 milyon ki'n ganny *allocate* avek *Local Government*, mon annan bokou kestyon. Me selman, Mr Speaker i pour

permet mwan pour zis en kestyon pour lemoman.

So dan byennet mon zabitan, mon kestyon i baze lo ‘*major achievement*’, nimerò 6, *right?* Kot i dir ou'n ganny en rikord logmantasyon dan reveni, ki ganny zenere ou lwe bann fasilite kominoter.

Mon kestyon i vize plizoumwen lo aktivite ki an relasyon avek – parey dan ou lentrodiksyon ou'n dir poudir, i annan en logmantasyon ki zot in fer.

Me i toultan pa kler, dan bann alokasyon ler nou pe fer bann aktivite lo nivo distrik. Par egzant mon pour donn ou, zis la Desanm nou'n ganny dir poudir, nou pe ganny nou zis 100 zouzou.

Konmsi i toultan pa kler konbyen larzan ki ganny *allocate* dan Bidze, pour kapab ed distrik i ler i annan bann aktivite par bann *proposal*.

Aprè i sipoze annan en kont 1401 avek *Central Bank* ki si ou ganny en, *maybe I'm wrong, maybe I'm right* petet ou kapab eksplike, dizon i annan serten donasyon ki ganny donner, ki nou, nou kapab met ladan.

Me i pa kler ankor enn fwa si nou le - ki mannyer sa kont i ganny zere, si nou le fer serten distrik. Akoz menm *DA* i pa

okouran. Mon kapab konfirman poudir mon'n demann li, li menm li i pa okouran.

So petet dan sa Bidze li menm li sa Bidze 151 milyon, si ou kapab eksplike dan lentere distrik. Ki mon bann zabitan mon asire pe ekoute la. Kwa ki annan ladan ki pour benefisyè zot an zeneral? Mersi Minis.

### **MR DEPUTY SPEAKER**

Mersi Onorab. *Panel?*

### **MINISTER ROSE-MARIE HOAREAU**

Mersi Onorab. Mersi Mr Chair. Mon ava les *PS* reponn sa kestyon silvouple.

### **PS KEVIN PERINE**

Mersi Minis. Onorab i - sa kestyon an konsernan aktivite i en kestyon ki trwa fwa de se la nou pe vin dan Lasanble, i ganny poze tou le lannen. E larepons i reste parey, tou le lannen.

Akoz distrik pa ganny alokasyon larzan pour li fer aktivite. Alokasyon larzan ki ganny mete R2.5 milyon anba Program. E anba Program, i annan bann program ki Minister Gouvernman Lokal li menm li i fer, e bann program ki Lotorite Distrik i fer.

E ou pe koz an regardan Desanm pour sa zouzou. Wi,

nou'n pran en desizyon sa lannen, akoz nou'n vwar dan lefase, kot zouzou in ganny gaspiye, zouzou in ganny aste, pa'n ganny servi, pa'n ganny donner. Nou'n dir annou selekte par distrik, 100 zanfan ki vremen bezwen en kado Nwel.

Savedir i responsabilite Lotorite Distrik pour al fer son resers e vwar lekel sa bann zanfan ki vremen dan bezwen. Pour nou kapab asiste zot avek en kado Nwel, ki ava soulaz zot pti leker ek enn pti parti nwel zot osi.

E sa kekyon regardan sa lot pwen finans ki ou'n fer mansyonnen, mon pour demann FC pour elabor lo la silvouple. Mersi.

**FINANCIAL CONTROLLER**  
**MARLENE VALENTIN**

Mersi MNA pour ou kekyon. Lo kote reveni, tou reveni ki bann distrik i anmase, oubyen ki Minister i anmase i al dan kont Gouvernman.

Nou pa kapab servi sa reveni pour nou reservi dan distrik, menm si sa distrik ki pe kolekte. Lo kote donasyon, depi lannen pase nou'n agree avek Finans ki ler bann distrik i annan donasyon, i annan en kont spesyal ki ganny ouver.

I apel en *Grants In Transit account*, kot la nou met sa larzan ladan e apre - ler zot ganny sa bann donasyon sa bann distrik, sa bann donater i spesifye sa donasyon i pour kwa.

E prezan tou depans ki ganny fer an relasyon avek sa aktivite ki pour kwa in ganny *sponsor*, i ganny fer anba sa vot. Mersi.

**MR DEPUTY SPEAKER**

Mersi ou annan klarifikasyon?

**HON ANDY LABONTE**

Mersi Minis, PS avek FC pour ou larepons. Ankor enn fwa i reste touzour pa kler. Dizon poudir en distrik i ganny en donasyon, pour son distrik, dan lentere distrik, i pa kler ki mannyer Lotorite Distrik i kapab ganny akse avek sa fon?

**FINANCIAL CONTROLLER**  
**MARLENE VALENTIN**

*Regarding* akse avek sa kont; tou prosedir i ganny fer anliny avek bann prosedir ki etabli, parey bann lezot peyman ki ganny fer. Me solman li sa bann – sa bann peyman i ganny fer dan sa kont spesifik.

**MR DEPUTY SPEAKER**

Mersi *panel* pou sa klarifikasyon? Onorab Labrosse.

**HON RICHARD LABROSSE**

Mersi Mr Speaker. Bonzour Mr Speaker. Bonzour tou mon bann koleg Manm. Bonzour Minis ek ou delegasyon e bonzour tou dimoun ki a lekout.

Mr Speaker, mon pour vin, mon pour zis anvè ganny en konpran prosedir Gouvernman Lokal en kou la mwan, ler nou pe al vot pour sa Bidze 151 milyon pour zot.

Par egzanp mannyer zot in eksplike la, bann aktivite – kontrè mon ti a kontan osi remersye zot pour bann aktivite zot in fer dan distrik. Zot in vremen, zot in vremen ed nou dan distrik Plaisance, ansanm ek mon lekip Ladministrasyon Distrik, nou'n fer en bon travay e i annan en bon pe travay pour nou fer. Kekwa taler mon a kapab demann en pe kestyon ek lenfrastruktir.

Mon kestyon pour mwan konn en pe prosedir la; par egzanp dan distrik nou konnen i annan, i annan *proposal plan* ki bann administrater distrik i fer, e sa i vin avèk bann aktivite ki annan dan distrik.

E ler sa dokiman i ganny prepare dan distrik, i ganny

anvoye mon mazine kot zot pour laprouvasyon, pour zot donn zot *go ahead* e pour zot fer peyman lo la.

So mwan mon ti a kontan konnen Minis, ki bann prosedir kontrol ki annan lo sa bann dokiman? Par egzanp la mon pe koz pour tou distrik an zeneral la en.

Ler sa bann dokiman i sorti dan sa bann distrik, bann DAs anvoy kot zot, e ki kontrol ki annan, apard ki mon konnen i annan bann resi ki vin avèk pour zot verifè sa ki zot pe al fer?

Konmsi ki lezot kontrol ki annan par egzanp kot bann Ladministrasyon Distrik? Eski i annan de dimoun ki sinyen sa? Ouswa zis en dimoun ki sinyen i anvoy kot zot, zot aprouve. Konmsi mon anvè konn mezir kontrol ki annan lo sa. Mersi Mr Speaker.

**MR DEPUTY SPEAKER**

Mersi onorab pour ou kestyon. *Panel?*

**MINISTER ROSE-MARIE HOAREAU**

Mersi Mr Chair. Mersi Onorab. Mwan mon pour koz enn pti pe an zeneral apre *PS* i ava elabore. Premyerman bann *submission* program, bann aktivite dan distrik, premyerman i bezwen

ariv kot nou, kot – kot Minister omwen de semenn, avan sa aktivite i *actually take place*, i arive.

E sa, i pa devret en problem, akòz avek bon planifikasyon en distrik i kapab organiz - met ater en bon pe aktivite ki li i pe anvizaze fer pandan lannen.

Alor avek bon planifikasyon, ou *file* i ariv anba kot nou, kot Minister, *minimum* avan de semenn. Ou kapab anvoy li 2 mwan davans si oule ou. Solman *minimum* i de semenn, pa akòz i annan bann prosedir - konmsi nou bezwen pas lo la, regarde si ou form ki ou'n ranpli i (koman mon kapab dir sa), si sa form ki ou'n ranpli i lo kalite, i lo nivo ki nou, nou pe rod bann program dan distrik; si ou'n eksplik byen ki lenpak ki bon lenpak sa program pour annan dan ou kominote, e konbyen ou pour depanse.

Si ou pe depans - par egzantp si ou pe depans ou larzan lo bann keksoz ki vo lapenn, me pa lo bann keksoz... Par egzantp mon pe zis pran en legzanp, mon pa pe dir, i pa'n arive me selman zis pour fer le pwen.

Si par egzantp ou pe fer en aktivite dizon R10 mil, annou zis fer krwar, i pa pour fer sans

si dan sa R10 mil, ou dir mwan ou pe depans 8 mil lo transpor. Ou konpran mannyer mon pe dir ou?

Alor ler nou gete la, nou get tou ki mannyer sa larzan pe ganny depanse. E osi - e sa de semenn *minimum* la, i donn nou letan pour ou desann kot Minister.

Si bann keksoz pa kler, ou vin asiz avek program bann travayer ki travay dan departman program, ou vin asiz ek zot, zot kapab donn ou en konsey, ou swa zot mont dan ou distrik, zot vin fer en *familiarization* avek ou, pou fer sir poudir tou keksoz i ganny byen ankadre.

*Once* tousala in ganny fer byen, la prezan ki sa proze, sa aktivite - *sorry* sa aktivite i ganny *sign off*. Me avan i ganny *sign off* i annan bann *checks and balances* ki nou fer, ou konpran? Ki nou fer sir ki larzan pe ganny depanse byen ler nou pe fer program.

Eski sa program i annan valer? Mersi Mr Chair.

### **MR DEPUTY SPEAKER**

Mersi. *PS* i le azout keksoz.

### **PS KEVIN PERINE**

Mersi Mr Chair. Onorab, ou'n mansyonn sinyatir. Letan program *proposal* i arive,

premyerman i ganny sinyen par Ladministrasyon Distrik akòz li ki *DA*, ki sipoze prepar sa bann program ansanm. Si i *involve* Lotorite Distrik tou le de ansanm.

E letan i ariv anba, i ariv kot *program coordinator*, li i premye dimoun ki *vet* sa program, ki met son sinyatir lo la si i dakor. Dezyenman letan i sorti lo la, letan i sorti kot *program coordinator* i ariv kot *Director General for Community Affairs*, li osi i *endorsed*, i stanp sa program si vwar i annan merit.

E trwazyenm, i ariv lo mon latab kot la mon konsilte avek *FC* pour vwar dan sa Bidze 2.5 milyon ki kantite ki annan, ki nou *allocate* distrik Plaisance avek son program ki pour li fer.

So an term sinyatir, *basically* i annan 4 sinyatir, ki ganny mete lo en *program proposal*, avan ki i vremen ganny sinyen. Sa osi i anlidy avek latransparans, ki tou dimoun i vwar poudir en tel program ki pe ganny fer kantite larzan ki pe ganny depanse, e vwala. Mersi bokou.

### **MR DEPUTY SPEAKER**

Mersi *panel*. Prosen entervenans Onorab Uranie.

### **HON ROCKY URANIE**

Mersi Mr Chair. Bonzour Minis avek ou delegasyon, tou koleg Onorab, e byensir tou zabitan Zil Pros ki a lekout. Minis mwan mon pe get ou '*current challenges, limited burial space*'.

Mon ti le konnen eski sa i partou, kot i annan bann *burial spaces*, e kwa ki zot pe mazin fer pour rezourd sa problem?

Aprè Mr Chair, mon le konnen si ler ou la anler ou *MNA* pour Mont Buxton oubyen ou Chair? Akòz ler ou ti anba dan Sez ou ti fer, ou ti dir ki bann kontrakter i ganny *easy money*, ler ou ti anler dan *Chair* mon ti fer referans e sa ki ou ti dir, ou ti koup mon *mic*, ou ti aplik *Standing Orders* ou ti dir mwan ki ler ou la anler ou *Chair*, ou pa *MNA* pour Mont Buxton.

Me selman yer aprè mon'n vwar ou pe demann kestyon pour Mont Buxton. So, mon le konnen si *Standing Orders* i aplik zis pour nou la isi lo sa kote latab dan *US*? Mersi Mr Chair.

**(APPLAUSE)**

### **MR DEPUTY SPEAKER**

Mersi. Eski *panel* i kapab reponn kestyon lo *burial space*

e ki zot pe fer pour *deal* avek sa kontrent? Mersi.

**MINISTER ROSE-MARIE HOAREAU**

Mersi Onorab e mersi Mr Chair. An ki konsern *burial* - later simityer, later pour anter dimoun, malerezman dan bann lannen presedan, napa okenn planifikasyon ki'n ganny fer, pour met de kote later, anmezir ki nou popilasyon i agrandi, anmezir ki nou bann dimoun i kit nou.

Alor ler nou, nou'n vin dan ladministrasyon an 2020, nou'n vwar nou avek tel kantite simityer, avek *very limited* - pti gin landrwa pour nou kapab kontinyen anter dimoun, parey *traditionally* nou fer, anter dimoun ek tou son serkey ek tou son zafer.

Me sa i vin lo move planifikasyon. Me la prezan nou, nou pe – avek sa sityasyon ki nou'n vin zwenn, nou pe ofer en bann - bann fanmir de *alternatives*, de lezot fason fer.

Enn, se ki zot anter zot dimoun avek en manm fanmir, ki'n deza annan en latonm. E lot si byensir bann zafer, bann - tou bann regilasyon lasante, tou bann regilasyon i annord pour kapab ouver en trou ki deza egziste pour met en lot serkey.

I annan bann formalite ki nou bezwen swiv avan nou fer sa. Apre en lot fason, se ki deplizanpli nou pe var dimoun pe *cremate*, dimoun pe bril zot defen.

E la ankor, zot pran lasann zot defen zot ale zot met avek swa en lot manm fanmir, ki'n deza antere *or* si i annan enn pti landrwa, kot nou kapab fer enn pti trou, pour met sa lasann, nou kapab esey fer li.

Me selman se sa de keksoz ki nou pe fer pour nou kapab ede dan sa sityasyon ki nou vwar nou ladan.

Me Onorab mon kapab asir ou, si ti annan later *available* pour nou kapab kree en lot simityer lo sa lanpler ki nou ti a voudre, nou ti a fini vwar pour nou fer. Me selman nou pe touzour, nou pa - i pa en laport ki'n fermen sa, nou pour toultan *keep an open mind*.

Me selman pandan sa letan nou bezwen ed bann dimoun, ki pe kit nou e ed soulaz sa fanmir, fer sa prosedir pli fasil posibil pour nou pa al avek zot bann detres.

So se sa nou bi kot *Burial Services*, ed bann fanmir anter zot bann dimoun avek respe. Mersi.

**MR DEPUTY SPEAKER**

Ou annan klarifikasyon?

**HON ROCKY URANIE**

Mersi Minis pour ou larepons. An vi ki La Digue nou annan simityer. Me fer krwar i annan dimoun, ki *ok* i pe ekout ou la, i dir *ok* pour rezon kontrent later zot deside zot anvi *cremate* zot defen. E sa defen i La Digue li, eski zot pour asiste li pour transfer sa defen Mahe pour al ganny *cremate*?

**MR DEPUTY SPEAKER**

*Panel, proceed.*

**MINISTER ROSE-MARIE HOAREAU**

Mersi *MNA*, mersi Onorab, mersi Mr Chair. Pour lemoman sa i pa en keksoz ki nou'n diskite ziska prezan, e – me solman *again*, tou keksoz i *open for dialogue*. E ankor pa tou dimoun ki pour bezwen led Gouvernman. Tou keksoz nou konsider li lo en baz merit.

I annan dimoun ki a mor La Digue, ki petet son fanmir li menm i kapab fer son bann demars, pour anvoy son lekor lo Mahe.

Me selman i toultan posibil, baze lo merit ki nou kapab fer en diskisyon pour komans sa konversasyon eski nou kapab ed bann ki pa kapab *afford*?

Me selman mon pa pour kapab dir ou ni wi, ni non pou

lemoman. I en konversasyon ki nou pour bezwen komanse e apre konsidere. Mersi pour sa sizesyon. Mersi.

**MR DEPUTY SPEAKER**

Mersi Minister. Mon vwar *PS* in endike i le azout keksoz?

**PS KEVIN PERINE**

Mersi Mr Chair. Onorab lo sa size, parey Minis in mansyonnen pour anmenn lekor sa defen Mahe. *ASP* i deza pe asiste dan bann sirkonstans kot en levennman i arive, ki si fanmir pa pe kapab vreman vwar le mwayen pour fer desann sa lekor Mahe.

La fanmir i ganny kontak avek *ASP*, en prosedir i ganny fer e i ganny lasistans. Sa bout lasistans pour plizoumwent tonm anba *ASP* me non-pa anba *Local Government*.

Akoz in ariv dan lepase kot i annan dimoun ki'n mor dan lakaz, kot in mor sibat, ki napa fanmir, *ASP* asiste *either* pour sorti Mahé, pour anvoy Praslin pour al antere ou sorti Praslin pour desann Mahe. Mersi.

**HON ROCKY URANIE**

Non. Non-Mr Chair. Mwan mon konnen *ASP* i asiste *from* Mahe, si Dokter anvoy ou Mahe, ou malad ou'n mor Mahe, *ASP* i asiste ou *from* Mahe pour vin La



Digue. I pa zanmen asiste ou dan son kondisyon pour asiste ou *from* La Digue to Mahe, so mon krwar *PS* i bezwen al get sa *fact* byen. Mersi.

**MR DEPUTY SPEAKER**

Mersi nou ava prezan bouz lo lot entervenman. Onorab Mondon.

**HON TERENCE MONDON**

Mersi Mr Chair. Bonzour Minis avek ou lekip. Mon kestyon Minis, i annan pti kontrakter ki pe dir Minister i pran bokou letan pour fer peyman apre ki zot konplet en proze, e sa i afekte zot *cashflow*. E la nou pe koz bann pti kontrakter sirtou.

An term endikater performans, ki dele letan zot in *set* pour *process* en peyman apre ki en proze, in konplete? E eski zot in fer en evalyasyon, zot sistenm entern pour vwar, kwa ki fer bann retar? Mersi Mr Chair.

**MR DEPUTY SPEAKER**

Mersi Onorab. Mon ava envit *panel* pour larepons.

**MINISTER ROSE-MARIE HOAREAU**

Mersi Onorab. Mersi Mr Chair. Mon ava pas laparol avek nou *FC* madanm Valentin silvouple.

**MR DEPUTY SPEAKER**

Sertenman.

**FINANCIAL CONTROLLER MARLENE VALENTIN**

Mersi Minis. Mersi Mr Chair. Mersi *MNA* pour ou kestyon. I annan prosedir ki'n etabli, Polisi ki dir ki nou pran ordinerman ler sa *invoice* ariv dan lofis, kot nou e tou keksoz i annord, nou pran 14 zour pour nou *settle* sa peyman.

Ennler kekfwa peyman i tarde, akoz i annan bann dokimantasyon ki pa annord. Se sa ennler ki fer peyman tarde, i kapab osi lo kote kontrakter si ler in *submit* i annan bann vizit ki bezwen al fer, e li i pa *available* kekfwa sa osi i kapab fer en pe tarde.

Me selman si in ariv dan lofis tou keksoz i annord nou sipoze pran *at least* 14 zour. Mersi.

**MR DEPUTY SPEAKER**

Mersi *panel*. Mon ava envit Onorab Bastienne pour ou kestyon silvouple.

**HON DESHEILA BASTIENNE**

Mersi Mr Chair. Bonzour Mr Chair. Bonzour Minis ek ou delegasyon. E bonzour tou Manm Onorab e tou dimoun a lekout. Minis, sa alokasyon

Bidze pour konstrir sant kominoter, in kontinyelman monte dan bann Bidze avan, mon krwar depi 2021.

Me selman nou pa'n zanmen vwar nanryen. Ni menm en komansman kot preparasyon teren. E mon krwar ou konnen ki zabitan in toultan demande si tou le lannen, nou tande sant kominoter pe al ganny fer.

Bon dan Nouvel osi semenn pase mon pa pe *recall* sa dat la, *PS* in donn sa konfirmasyon zabitan Perseverance ki a lafen zot pour gannyen zot sant kominoter e mon dir ou mersi pour sa.

Me eski - mwan mon kestyon i eski Minis, ou kapab donn nou sa garanti ek zabitan Perseverance ki finalman 2024, zot pou vwar sa proze komanse? E eski osi ou ti kapab donn nou en nide aprosan ki dan le mwan ki mwan ki zabitan pour vwar sa proze?

E enn fwa pour tou nou ava annan sa garanti ki la i la, nou proze in ganny ... Mersi.

### **MR DEPUTY SPEAKER**

Mersi Onorab. *Panel?*

### **MINISTER ROSE-MARIE HOAREAU**

Mersi Onorab. Mersi Mr Chair. Safwasi nou kapab dir, tou

keksoz in tonm an plas e mon ava les Mr Arnephy pli tar Deputy *CEO* kot *SIA*, i ava donn nou tou sa bann detay teknik ki ou pe - lo ki zour ou pour komanse? Konbyen larzan pour annan? Eksetera.

Mon a les Mr Arnephy rann ou tou bann – reponn ou avek tou bann detay. Mersi Mr Chair.

### **MR DEPUTY SPEAKER**

Mersi Minis. zis pour rapel bann Manm ki annan sa bann kestyon *SIA*, take *note* ki zot, zot annan zot kestyon. Mon pe sey note, me an ka mon mank enn. Prosen enterven an mon ava apel Onorab Vidot.

### **HON AUDREY VIDOT**

Mersi Mr Chairman. Bonzour Mr Chairman, Minis ek ou delegasyon, tou Manm Onorab, tou manm piblik ki pe ekoute e en bonzour spesyal pour zabitan Roche Caiman.

Minis, ler ou'n reponn enn ou kestyon pli boner pour en Manm lo lot kote, ou'n fer resorti ki i annan bon kordinasyon e korperasyon avek bann *MDAs*.

Me par kont rezyon ki group distrik Roche Caiman, Les Mamelles, Plaisance, Mont Fleuri, nou annan serten konsern. E se pour sa rezon ki

a sa Manm in fer sa pwen aköz i annan bann reprezantan, bann Minister ek bann lazans ki asiz lo *district team*, zot pran bann *common issues*, sa bann distrik zot anmenn kot sa bann departman.

Me malerezman kot i konsern *management*, pour pran en desizyon e pour fer aksyon, pour ki kominote i benefisyè, nanryen pa ganny marse. E nou vwar poudir - mon asire si zot pour al get lo bann *minutes*, menm problemm i ganny repete.

La Roche Caiman ou a krwar konmsi i osi i parmi li, toultan i ganny repet menm problemm. E alor Minis, dir nou avek sa Bidze byensir, pour zot amelyor lo zot - mon vwar poudir dan ou *strategy 2024-2026*, zot in dir zot pe al enplimant zot bann reform - program reform.

E mon le konnen si zot kapab pour lannen 2024 amelyor plis otan. Ou *as the Minister*, lo nivo *management*, dir avek sa bann lezot Minis pour ki desizyon i ganny pran, pour ki bann distrik nou arete vwar nou pe repet menm problemm, tou lazournen. Aköz a lafen dizour i reflekte lo Lotorite Distrik, e toultan zot krwar poudir *it is the DA, or the MNA* ki bezwen pran aksyon.

I annan zot, ki zot bezwen pran desizyon. E i annan bann konsern ki'n ganny souleve dan *meeting* piblik, i menm problemm ki zot bann *MDAs* zot sipoze *action* lo la. Napa nanryen pour fer ek Lotorite Distrik.

E lo sa - osi mon ti le fer resorti. Mon ti le donn mon sipor Mr Chairman, avek mon koleg Onorab Uranie, kot i konsern *Standing Order*, aköz i vre i aplik zis pour serten.

Mr Chairman, mon le osi profit sa lokazyon pour mwan remerci miss Bernadette Rosalie ansyen *DA* Roche Caiman, avek tou bann lezot Manm *staff* Ladministrasyon Distrik ki'n kit nou lofis, ki'n bouze.

Mon dir zot mersi pour zot sipor ki zot in donner pandan lannen 2023, e mon *welcome acting DA* madanm Maria Thomas. Mon swete ki i nou travay ansanm pour lenterè kominote Roche Caiman. Mersi.

### **MR DEPUTY SPEAKER**

Mersi Onorab. Mon ava envit *panel* pour donn en larepons.

### **MINISTER ROSE-MARIE HOAREAU**

Mersi Onorab e mersi Mr Chair. Onorab, se pour kwa mon'n dir pli boner ki, nou toultan an

konversasyon avek sa bann lezot MDAs.

Mon konsyan poudir bokou plis keksoz i kapab ganny fer si - bokou plis keksoz i kapab ganny fer si tou dimoun i pran son responsabilite. E ler nou, nou fer nou bann *meetings* avek nou bann DAs, sa pwen i i releve, i leve.

Akoz zot osi zot santi zot, ki zot fer *meeting*, keksoz i ganny *discuss* apre zot *follow up* i tarde. So, la zisteman nou ti dan preparasyon Bidze, me apre la ki nou'n fini avek Bidze, avan lannen i fini i lo nou plan pour ankor enn fwa apros bann CEOs, bann PSs, bann Minister - tou bann *management* lo bann dan bann diferan Minister, ki travay fortman avek nou.

Pour fer zot konpran lenportans ki - kot sa bout ki konsern en lot en *third party* ou kapab dir, ki konsern en lot MDA, i ganny aksyonnen o pli vit posibil. Parske parfwa nou vwar poudir nou fer, vre nou fer *meeting*, nou fer *regional meeting*, nou fer *district team meetings*.

Lamazorite letan sa bann lezot reprezantan zot vini, me i annan serten, serten letan kot zot pa vini e sa i met nou an retar. Me selman *rest assured* ki nou kot *management*, nou pe kontinyen angaze avek sa bann

lezot MDAs, pour fer sir ki keksoz i mars en pe pli vit e desizyon i ganny pran en pe pli vit.

Alor mon apresye ou komantr e selman *rest assured* nou komantr *management* Minister nou pe travay, nou la. Pour nou fer sir ki 2024, nou komans li parey mon'n dir ek en lot lanplèr pour nou kapab delivre plis. Mersi.

### **MR DEPUTY SPEAKER**

Mersi Minis. Onorab Porice?

### **HON DOYACE PORICE**

Mersi Mr Speaker. Bonzour Mr Speaker, Minis ek ou delegasyon e tou mon bann koleg MNAs. Enn pti bonzour spesyal pour zabitan Baie Ste Anne Praslin.

Minis mon pour felisit ou pour sa sipor, ou avek ou lekip pour Baie Ste Anne Praslin. Mon vwar ki sa gran renovasyon ki pe fer lo sant kominoter ek biro DAs e osi *day care* ki depi lontan ti'n vreman deplorab.

Minis mon ti a kontan konnen si dan ou Bidze 2024, pour osi annan kontinyasyon bann *bin site* e osi semen segonder? Ki plan zot annan pour sant kominoter Anse La Blague? Mersi.

**MR DEPUTY SPEAKER**

Mersi Onorab. *Panel?*

**MINISTER ROSE-MARIE HOAREAU**

Mersi Onorab. Mersi Mr Chair. Mon ti a prefere pran sa ler nou koz avek *SIA* silvouple. Mersi.

**MR DEPUTY SPEAKER**

Sa enn la pour sant kominoter Anse La Blague nou ava pran avek *SIA*, me lot in demann lo kestyon *bin site* avek semen segonder.

**MINISTER ROSE-MARIE HOAREAU**

*Bin sites* mon les (*sorry*) - mon pa'n reponn ou lo *bin site*, mon a les *PS* reponn silvouple.

**PS KEVIN PERINE**

Mersi Minister. Mersi Onorab pour ou kestyon. Bidze i fer provizyon pour nou kontinyelman fer bann fasilite oubyen lenfrastriktir dan distrik. *So, bin site* i enn bann konsern ki reste, ki reste enportan pour tou dimoun aköz tou dimoun i bezwen zet salte, tou dimoun i bezwen, annan en *bin site* pour deservi zot kominote.

Me i osi esansyel pour mansyonnen ki parfwa pour kree *bin site*, wi, i enn dan nou

bann lalis proze ki pour tou distrik.

Parfwa ou annan *issue* later avek dimoun osi, oubyen ki konplent poudir bin i tro pros ek mon lakaz, ou bezwen retire e i fer ki i vin en problem pour kominote finalman.

Akoz tou dimoun i anvi zet salte, me selman person pa anvi bin pre avek zot lakaz. Me selman i reste en *issue*, ki nou pe kontinyelman adrese e travay lo la.

An konsern *day care center* ou'n mansyonnen? *Feeder roads*, parey Minis in mansyonnen dan son diskour i annan R10 milyon ki'n ganny *allocate* sa lannen separe avek Bidze, ki pour nou adres bann proze semen dan distrik.

*So* wi, nou pour kontinyelman adrese, e i annan en *budget line* separe pour li sa lannen, ki nou konnen i pa pour ase ek sa kantite *request* ki nou annan pour nou fer li. Me selman i en bon komansman, ki Gouvernman in vwar ki nesaser pour met 10 milyon zis pour sa proze semen. Mersi.

**MR DEPUTY SPEAKER**

Mersi Onorab. Mon ava prezan apel Onorab Monthy.

**HON PHILIP MONTHY**

Mersi Mr Speaker. Bonzour Minis, bonzour *PS* e lezot Manm lo *panel*. Mon ti annan en kestyon pour lenfrastruktir, me selman vi ki Onorab Porice in al en pe dan sa laliny, si *PS* i kapab zis dir nou ki mannyer zot pour priyoritiz sa 10 milyon, atraver distrik pour sa bann pti proze semen?

Akoz mon mazine dan tou distrik i pour annan. So ki mannyer zot pour mazin antreprann sa legzersis, pour fer sir ki maksimonm distrik i benefisyé?

Mon kestyon Mr Chair, i tou dabor mon pour remersye Minis ek son lekip, Mr Adeline lenfrastruktir, pour ki finalman zabitan Cascade pe al ganny en nouvo Ladministrasyon Distrik ek sant kominoter, apre plis ki 12 an.

Mon kestyon i vi ki sa batiman pe al ganny kraze konpletman, ki provizyon dan Bidze i annan pour ki bann *staff* i bouze, i al dan en lot lokasyon pour ki sa servis pour zabitan Cascade i kontinyen? Mersi.

### **MR DEPUTY SPEAKER**

Mersi Onorab. Mon ava envit *panel* pour larepons.

### **MINISTER ROSE-MARIE HOAREAU**

Mersi Onorab. Mersi Mr Chair. Dernyen sif ki nou ti annan *regarding* semen *feeder roads*, i annan apepre R70 milyon *worth of feeder roads*, ki bezwen evantyelman ganny fer.

Me parey nou konnen avek bann kontrent Bidze, nou'n sanse ki nou'n ganny - nou *grateful* ki nou'n ganny 10 milyon, pour nou omwen komanse sa premye pa parey mon'n dir boner.

E lekel ki ganny fer? Dan kote? Sa i depan pirman en konversasyon ant zot bann Manm Onorab avek zot *DAs*. Lefe zot konnen ki napa kantite larzan, zot prezan bezwen zot regarde, asize fer en diskisyon, regarde lekel semen ki pli merite ki pli bezwen.

I annan en bann kriter zot bezwen swazir pour *prioritize*, fer priyorite kwa ki nesaser. Tou petet i bezwen ganny fer, me selman lefe ki nou annan 10 milyon pour tou distrik, ki nou bezwen partaze.

Alor annou realistik, asize fer sa travay, regarde kote ki nou pour bezwen donn plis latansyon, pour nou kapab finalman atraver zot ek zot bann *DAs* fer en desizyon lo kote larzan pour ale.

E *regarding* sant kominoter avek biro distrik Cascade, nou'n deza idantifye

en *building next door*, avek sennla ki egziste, en *building* akote, pour nou tanporer man *move* nou bann *staff* ladan, pour kapab, ki nou kapab kontinyen deservi - donn sa servis.

E an regardan kan pour komanse? Konbyen larzan eksetera, sa mon ava les bann teknisyen *SIA* reponn, me selman mon kapab dir ou ki nou'n fini fer provizyon pour tir bann *staff* dan sa *building*, pour kontrakter kapab komans son louvraz osito posib. Mersi.

### **MR DEPUTY SPEAKER**

Mersi Minister, pour larepons. Prosen enterven an mon ava apel Onorab Cosgrow.

### **HON WALLACE COSGROW**

Mersi Mr Chair. Bonzour Minis avek ou *panel*. Bonzour tou Manm avek tou manm piblik ki pe ekout nou. Mr Chair, zis pour komanse, mon annan de keston me selman enn mon krwar nou ava pran li avek lenfrastruktir.

Me zis pour komanse Mr Chair, mon note ki Onorab Rocky Uranie ti demann ou en leklersisman lo sa ki konsern ou pozisyon koman *Chair*, avek ou pozisyon koman Manm Elekte Mont Buxton.

Ou pa ankor kapab donn nou Lasanble, en nide lo ki ou pozisyon lo la, so mon *wish* ki ou kapab donn nou avan lafen lazournen.

Mersi Mr Chair. Minis, mon keston pour ou i an sa ki konsern partisipasyon drwa bann travayer Community Development pour partisip aktivman dan bann aktivite politik.

Nou konpran ki poudir i annan bann travayer, byensir zot annan zot afilyasyon politik e bann travayer i santi zot enn pti pe ezite pour partisip dan bann aktivite politik. Akoz i annan serten lenstriksyon ki zot pa ganny drwa partisip dan bann aktivite politik.

So eski Minis, i kapab klarifye sa pour nou, si i annan okenn, okenn *embargo* lo okenn *staff* pour partisip dan bann aktivite politik ki ganny fer, organize par bann parti politik.

Akoz nou note, nou vwar portre serten *DAs* lo, dan serten aktivite politik. Me i annan ki dir ou i pa kapab partisipe. So si Minis i kapab klarifye sa pour nou. Mersi.

### **MINISTER ROSE-MARIE HOAREAU**

Mersi Onorab. Mersi Mr Chair. Onorab, mon kapab dir ou nou, nou pa *sensor*, nou pa gete lekel

ki al ki *rally*, ki *rally* politik. Parske en dimoun i kapab en *staff*, *Local Government* i kapab asire ki son afilyasyon politik i pa afekte son travay.

E se koumsa ki devret ete, akoz sakenn i annan son krwayans. E koman Minister pour *Local Government*, mon kapab dir ou poudir si ou delivre, si ou pe fer ou travay byen ou lib ou.

Ou akoz ou afilyasyon ek ou parti politik i pa devret afekte ou travay e *vice versa*, ou konpran? So kot *Local Government staff* i lib pour fer, pour li al son *rally*, nenport.

E mon bezwen fer resorti ki nou, nou pa get ou afilyasyon politik, nou get ou performans. Nou gete si ou pe delivre, si ou pe travay an bonn fwa, e – e vwala.

Se tou ki mon kapab dir ou lo sa size, akoz mwan mon kapab dir ou mon pe *cancel* person ki al okenn *rally* e dimoun i – mon *staff*, *staff Local Government and Community Affairs* i kapab santi li lib pour li ale.

Parske i pa sa ki enportan, i ou performans dan ou travay, ou prodiktivite ki enportan. Mersi.

### **MR DEPUTY SPEAKER**

Mersi Minister. *PS* ou le azout en keksoz?

### **PS KEVIN PERINE**

Mr Chair mersi bokou. Zis pour mwan konsolid lo sa ki Minis in dir kot *Local Government* laliny ki Onorab pe vini, i pe donn lenpresyon ki i annan serten de pwa de mezir, ant konsern politik.

Be selman en keksoz kler ki nou bezwen fer resorti, si ti vreman annan politik *Local Government* ozordi 2023, Dan Frichot pa ti pour travay lo *management team*, Murielle Marie pa ti pour dan *management team*, madanm Cecile Decommarmond pa ti pour lo *management team*.

**(APPLAUSE)**

### **PS KEVIN PERINE**

Savedir i prouve ki politik pa afekte zot fason travay, me selman tou dimoun i *free* pour annan, parey son larelizyon, pour li afilye li avek en parti. Mersi.

### **MR DEPUTY SPEAKER**

Mersi *panel*. Mon ava envit Onorab Woodcock pour...

### **HON WAVEL WOODCOCK**

Mersi. Mersi Mr Chairman.



**MR DEPUTY SPEAKER**

*Hold-on. Hold-on*

**HON WALLACE COSGROW**

*(Off-Mic)*

**MR DEPUTY SPEAKER**

Ou'n demann en kestyon ki plito Polisi ki mon pa vwar en laliny Bidzeter. Me mon'n permet pour asir, pour asir bann travayer.

So si ou pe donn en klarifikasyon lo larepons ki *panel* in donner, mon ava permet ou fer sa. Silvouple.

**HON WALLACE COSGROW**

Wi. Mr Chair i plizoumwen klarifikasyon lo mon kote. Petet zot in mal konpran mwan. Mwan mon pe dir zot lenformasyon ki mwan mon gannyen.

*Now*, mon pa pe donn okenn lenpresyon mon pe dir sa ki mwan, lenformasyon ki mwan mon'n gannyen, mon'n relye sa avek zot.

Mwan mon pa'n nonm ni non personn, mon pa ni konnen kot sa trwa dimoun i afilye. Si *PS* i konnen, sa i li me selman mwan mon pa konnen kote sa trwa dimoun i afilye. Mersi bokou.

**MR DEPUTY SPEAKER**

Mersi. Prezan mon ava demann Onorab Woodcock pour *proceed* avek ou kestyon silvouple. *Proceed*.

*(Interruptions)*

**HON WAVEL WOODCOCK**

Mr Chair, ki mannyer zot pa konnen, selman sa bann dimoun ki *PS* in mansyonnen i lo Komite Santral zot parti?

**MR DEPUY SPEAKER**

Onorab! Onorab! Onorab, *proceed* avek ou kestyon *and refrain from referring to the previous question - straight to your question*. Mersi bokou.

**HON WAVEL WOODCOCK**

Me solman fek annan en *DA* dan zot *rally* lo *stage* ase resanman.

**MR DEPUTY SPEAKER**

Onorab, *please proceed with your question. Thank you*.

**HON WAVEL WOODCOCK**

Mr Chair, mon kestyon i - anefef les mwan konmanse par remersye nou *DA* sortan Mr Michael Jean-Louis pou son bon travay ki in fer dan Distrik Grand Anse, Praslin e nou nouvo *DA* osi.

E mon pou profit sa lokasyon pou remersye osi nou

brigad Grand Anse, Praslin. I bann volonter ki toultan vin ede dan distrik sirtou Jackson, Roberto, Stephanite, Verolenn. Ki sak fwa i annan en dezans, en maler zot la pou vin dan en distrik.

Mon kestyon mon annan 2 kestyon. Annefe enn i pou SIA me mon a demann la apre zot ava reponn. I konsern sa 3 Sant Kominoter Grand Anse, Praslin. Ok i annan Anse Kerlan Bake Yaya ki'n fini, sa i ok. Me nou annan en alokasyon bidzeter pou Sant Grand Anse R750 mil pou sa lannen.

Mon'n aprann ki travay pou konmanse an Desanm ki *obviously* pou fini lannen prosenn. I annan en 50 mil pou lannen prosenn. Zis pou mwan ganny en pti lenformasyon kan ki sa proze i ekspekte konplete.

Akoz mon osi mon lofis i baze dan sa sant pou nou konnen kan ki sa proze pou konplete. E ki zot plan osi pou Sant Kominoter *Consolation* ki pou le moman pa pe ganny servi?

Mon kestyon pou *Local Government* Departman; se lo size mon war dan Bidze annefe pli gro koupir dan Bidze i pou Ladministrasyon Distrik Grand Anse, Praslin.

An 2023 ti R457 mil e mon war zot in koupe. E la i pou

2024 – 2023 i 457 mil e pou 2024 i pou R373 mil ki en koupir 83 mil. Si ou kapab donn en pe detay donn Lasanble en pe lenformasyon, akoz ki zot in koup sa R83 mil?

E finalman lo menm laliny ki detrwa Manm in demann regardan, *in fact* anba *current challenges* ti annan sa *issue limited burial space*.

E nou problemn Grand Anse, nou napa pou le moman lespas pou anter nou defen dan distrik. E nou bezwen al anter zot Anse Boudin ki vreman, vreman lwen.

Zis mon pe demande si i annan en demars ki pe ganny fer lo kote Grand Anse pou idantifye en *burial ground* ouswa pou antre dan negosyasyon avek – (Onorab Pillay pe *disturb* mwan Mr Speaker.)

Si zot in antre dan negosyasyon avek bann propriyeter sirtou *Nouvelle Decouverte* ki i pou lafanmir - sa fanmir ki propriyeter sa later. Mersi.

### **MR DEPUTY SPEAKER**

Mersi Onorab. Mon ava envit *panel* pou larepons.

### **MINISTER ROSE-MARIE HOAREAU**

Mersi Onorab e mersi Mr Chair. Mon a pran sa bout dernyen, apre mon a les *PS* koz lo sa bann bout avan. *Regarding* later, i toultan en konversasyon ki kapab ganny fer ant bann dimoun prive ki le petet vin devan pou negosye.

E pou kapab ganny - parey mon pe dir - ankor later pou anter dimoun. Me selman sa i en konversasyon ki nou bezwen konmans li lo baz distrik.

*DAs, MNAs* zot konn zot dimoun fer en konversasyon, regarde si par egzanp i annan dimoun ki enterese. E apre byensir i pou bezwen regard nou sityasyon finansyel osi. Si Gouvernman i war li kapab pou aste petet later ki pe ganny ofer.

So, i en konversasyon ki nou bezwen get li dan tou son bann lanpler, dan tou son kote finansyel si dimoun i le vin devan eksetera, eksetera. So antretan parey mon'n dir nou kontinyen ede, pou nou *facilitate* bann lanterman ek bann travay ki pase dan simityer.

*Regarding* Bidze, mon ava les *PS* avek *SIA* bann teknisyen *SIA* reponn larestan kestyon silvouple. Mersi.

### **MR DEPUTY SPEAKER**

Mersi Minis. *PS*?

### **PS KEVIN PERINE**

Mon pou plizoumwèn anons – mersi Mr Chair. Mersi *Minister*. Onorab, mon pou plizoumwèn adres sa bout Sant *Consolation* ki nou tou nou konnen a se moman la i pa vreman pe ganny servi.

E la mon ava lans lapel avek Lotorite Distrik, avek bann dimoun Grand Anse, Praslin ki enterese pou servi sa sant dan en fason ou en lot. Anmenn bann program dan sa landrwa ki a kapab anmenn dimoun ansanm.

Sant i la, lenfrastruktir i la zot loportinite. Si i annan en dimoun osi ki pe mazine akoz pa pe servi a ler aktyel. Pe mazin kekfwa lwe li long term. Tousala bann diskisyon ki'n ouver, pou nou kapab annan avek bann dimoun ki enterese. Mersi.

### **MR DEPUTY SPEAKER**

Mersi *PS*. Onorab - I annan – anr koupir dan Ladministrasyon Distrik. I annan en bes dan zot – Grand Anse. I le en lesplikasyon. *Financial Controller* pou eksplike?

### **FINANCIAL CONTROLLER MARLEN VALENTIN**

Mersi Mr Chair. Mersi Onorab pou ou kestyon. Mon pa konnen si nou pe get menm dokiman. Me solman ler mon pe get *the heading* pou – wi, me solman sa koupir son *main* koupir dan Bidze Grand Anse, Praslin se pou *sport support*.

Depi lannen pase nou'n entrodwir sa sistenm kot pou nou kapab donn klib larzan. Sa klib i bezwen prodwir nou levidans konmkwa i anrezistre, tou son bann dokiman i annord. E i bezwen donn nou dokiman ki siporte ki mannyer i pou al servi sa larzan.

Nou'n regarde ki en bon pe klib pa pe *claim*. Akoz posibleman kekfwa ki nou pe demann zot plis lenformasyon, pou nou kapab *account for* pou larzan ki nou pe donn zot. Mersi.

### **MR DEPUTY SPEAKER**

Mersi FC. Mon ava apel Onorab Hoareau.

### **MR JOHN HOAREAU**

Bonzour Mr Chair. Bonzour Minis ek ou lekip. Bonzour tou dimoun a lekout. Mon kestyon i sitye anba *programme 2* lo *sub programme 1* lo *district administration budget*. Mon war poudir pou Beau Vallon i annan en rediksyon sorti 399 mil dan

Bidze lannen pase la in vin 377 mil.

E mon ti a kontan pou ki rezon, an vi ki dan Ladministrasyon Distrik Beau Vallon, nou *still* annan en pe problem *internet* dan Biro DA. Nou annan en *printer* ki pa marse osi. So, mon pe sey sitye mwan pou konpran akoz sa *reduction in terms of budget*.

Osi mon ti le, petet Minis mon pa konnen si sa i a tonm anba size lenfrastruktir. Me mon pe gete poudir i annan Bidze pou *district centres*. E mon ti pe gete si sa lannen nou pou vwar renovasyon nou *District Community Centre*. An vi ki i pli vye *Community Centre* e osi miray ki ti'n ganny promet pou fer otour sa – sirtou devan sa *District Administration Office*.

An vi ki bann dimoun *methadone* ki ganny donner – *methadone* ki ganny donner dan sa landrwa. E frekantasyon sa bann dimoun ki *go on* lazournen, ki *disturb* en pe travay ki pe ganny fer dan Ladministrasyon Distrik.

E mon annan kestyon lo bann proze distrik ki mon ava demann ou pli tar. Mersi.

### **MR DEPUTY SPEAKER**

Mersi Onorab. Mon ava envit *panel* pou donn larepons sa 2 pwen.

**MINISTER ROSE-MARIE HOAREAU**

Mersi Onorab. Mersi Mr Chair. *Regarding* renovasyon lo Sant Beau Vallon mon kapab konfirman ki i annan R700 mil ki'n ganny met de kote pou fer sa travay.

E problemm bann dimoun *methadone* ki *hang around* la apre ki zot in fini pran zot medikaman, i enn ki nou pe al adrese lannen prosenn akoz nou pe fini fer demars pou nou fer *fencing*, ki ava stabiliz sa landrwa e met nou *staff* osi an sekirite.

E so sa bann keksoz i dan plan pou lannen prosenn. E *regarding* bann keksoz administratif parey *internet*, *printer* eksetera, sa zis sa – pou le moman konman ou konnen nou napa en *DA* Beau Vallon. Me sa *office manager* en senp *phone call* or en *email* kot Minister.

Selman mon pran not *we will* nou ava fer sir ki nou pran not e nou a rektifye sa bann problemm teknolozi. *Reduction budget* mon a fer *FC* reponn. Lo ki landrwa sa? Lo ki paz?

**HON JOHN HOAREAU**

Mon ti pe fer referans avek anba *District Administration* anba

*programme 2* anba *sub programme 1*.

**MR DEPUTY SPEAKER**

Ou pe koz lo sa rediksyon ki i annan dan Bidze Ladministrasyon Distrik Beau Vallon parey pou Grand Anse, Praslin?

**MINISTER ROSE-MARIE HOAREAU**

*Programme 2* swa *programme 1*?

**FINANCIAL CONTROLLER MARLENE VALENTIN**

Mersi Mr Chair. Mersi *MNA*. Mon pe zis klarifye si *programme 2* spesifikman oubyen? *Programme 2* an zeneral? *Ok*, anba *programme 2* nou annan en rediksyon 15.6 milyon *overall* en *increase overall*. Sa *main increase* i pou *PSIP*.

Me solman anba *good and services* anba *programme 2* nou annan en rediksyon 500 mil – 559 mil. Ladan i annan en rediksyon anba *maintenance* e *service contract*. E osi en rediksyon anba *other service allowances*. Mersi.

**MR DEPUTY SPEAKER**

Solman Onorab ti pe koz spesifikman pou distrik Beau Vallon. Parey Grand Anse Praslin in idantifye i annan en

bes alokasyon pou Beau Vallon osi i leka.

Non, i byen ki letan *panel* eksplike, akoz bann dimoun ki an deor pe swiv dan distrik zot napa sa bann dokiman devan zot. E alor zot ava annan pli bon nide poudir zot bann Onorab ki reprezant zot pe demann kestyon spesifik lo sa bann alokasyon. Mersi.

**FINANCIAL CONTROLLER**  
**MARLENE VALENTIN**

Mersi Mr Chair. Mersi Onorab. Parey mon'n dir an gro *programme 2* i annan sa rediksyon dan son *goods and services*. E *mostly* i annan pou fer avek *sport support* ki pou Beau Vallon i R22 mil. Mersi.

**MR DEPUTY SPEAKER**

Mersi Manmzel Valentin pou sa klarite. Onorab Hoareau. Onorab Pillay ou *next*.

**HON SEBASTIEN PILLAY**

Mersi Mr Chairman. Bonzour Minis e delegasyon sorti kot *Local Government*. E bonzour tou dimoun ki pe swiv nou. Mr Chairman, mon pou zwenn avek Onorab Uranie pou sa pwen ki in fer *regarding* pozisyon ki ou annan dan *chair* e ler ou asiz lo latatab.

Ou ti disiplin li pou fer en komanter lo en keksoz ki ou ti

dir. E dir li poudir ler ou dan Sez - *verbatim* ou pe fer ou louvraz konman Speaker e non pa konman Manm lo *Floor*. Me selman dan Sez prezan oule demann kestyon konman Manm lo *floor*.

So nou le konnen egzaktaman kote ou *stand*? Mr Chairman, mon kestyon i pou zisteman pou *sport support*. Across tou bann Bidze bann Ladministrasyon Distrik, *sport support* in desann. Enn bann pli gro rediksyon i Grand Anse, Praslin ki li son *sport support* in sorti pres 80 mil pou desann mon krwar pou vin pres 25.

Ler mon pe regarde Mr Chairman, *and across* preski tou distrik *sport support* in desann, apart en pti logmantasyon pou serten distrik. Me lamazorite in desann.

Par egzanp Mr Chairman si nou pran pou Distrik Cascade *sport support* in desann par R8 mil. Si nou pran pou distrik – notaman bann distrik ki mon konnen i annan bann lekip sportif ki mon pe *wonder* konmsi – pou mwan mon pa pe ganny en konpran akoz sa rediksyon dan *sport support*.

Parey Beau Vallon fek demande ou'n dir li 22 mil - 15 mil ladan i pou *sport support* e

7 mil i pou en lot sa. Mon krwar lannen pase ti annan *pest control*, sa lannen pou napa Beau Vallon.

So, mon kestyon pou ou se akoz ki malgre ki bann lekip pe ganny difikilte pou *submit* sa dokiman, zot *still* pe egziste konman bann lekip sportif ki Minister in pran sa desizyon, pou redwir - petet i pa Minister ki ava reponn i kapab Minister Finans ki a reponn, pou redwir *sport support* pou bann lekip.

Par egzanp pou Glacis. Glacis mon vwar Mr Chair, anba *sport support* mon vwar en rediksyon pres R20 mil. E Glacis mwan mon konnen i annan 2. I annan lekip *Northern Dynamo* e i annan lekip Glacis *FC* ki li i annan en lekip *beach football* i annan lezot.

So ki mannyer nou pou ekspekte sport kapab devlope lo nivo distrik, si nou pe fer sa *widespread cut* dan *sport support*? I byen ki lezot landrwa in ogmante dan bann lezot *Heads*. Me si nou pe fer sa bann *widespread cut* dan *sport support*. Mon ti a kontan ganny en lesplikasyon pou sa.

E mon ti a kontan osi Mr Chairman met lo rikord, ki ler nou'n demann kestyon nou - e sa mon adres *PS* Perine nou pann nonm non person. E lefet ki ou pe nonm non 3

dimoun dan ou Minister, savedir dan ou panse ou, ou pe mazin sa 3 dimoun konman siporter en lot parti politik. Ki kontrerman avek sa ki Minis in dir.

E mon ti a kontan ki nou *refrain from* servi non dimoun, ki pe travay dan bann lofis Gouvernman parey nou fer. Akoz nou demann nou kestyon dan en fason zeneral pou nou ganny lesplikasyon zeneral. E nou espekte en larepons ki pa arogan. Mersi Mr Chairman.

### **MR DEPUTY SPEAKER**

Mon pe donn en lenstriksyon *panel*. Mon pe donn en lenstriksyon *panel* pou pa reponn sa dernyen komanter vizavi non bann travayer ki'n ganny mansyonnen, pou nou ferm sa dosye enn fwa pou tou. *Proceed* avek bann lezot kestyon ki enkli koupir dan *sport support*. Mersi.

### **MINISTER ROSE-MARIE HOAREAU**

Mersi Onorab. Mersi Mr Chair. Mon ava demann *PS* pou donn en *view* zeneral lo *sports* dan distrik. Apre *FC* Madanm Valentin i a kapab al en pti pe plis an detay bann *chiffre*. Mersi.

### **MR DEPUTY SPEAKER**

Mersi *Minister*. *PS*.

**PS KEVIN PERINE**

Mersi Mr Chair. Mersi *Minister*. Onorab, an regardan sport dan distrik. Sak distrik i annan son kantite *sport club* ki anrezistre anba distrik. I normal ki serten distrik ou pou war logmantasyon, e serten distrik ou pou war diminyen an term alokasyon, aköz kantite klib ki anrezistre avek distrik.

E bann dimoun ki pe ganny asiste avek *sport* dan distrik i bann ki anrezistre avek distrik parey mon'n dir. E osi zot bezwen realize ki i annan osi federasyon ki asiste zot avek zot bann enplimantasyon sport dan distrik li osi *NSC*.

Mon pou les *FC* koz en pti git lo sa zafer Bidze an detay. *Thank you*.

**MR DEPUTY SPEAKER**

Mersi. Manmzel Valentin.

**FINANCIAL CONTROLLER MARLENE VALENTIN**

Mersi *PS*. Mersi *MNA* pou ou kestyon. Anba *sport support* an zeneral i annan en rediksyon 264 mil. Sa ankor parey mon'n dir pli boner, depi lannen 2022 nou'n ensiste ki sa bann tim i bezwen annord avan ki donn larzan. Avan sa nou ti zis donn

zot alokasyon e zot pa ti rann kont.

La depi 2022 nou'n dir poudir nou bezwen fer sir poudir zot anrezistre, zot annord ki zot pe al fer avek sa larzan. E nou'n vwar poudir 2022 ek osi sa lannen la lakantite *claim* ki pe vini pou *sport allocation* in redwir.

E alors nou, nou ti bezwen larzan pou bann landrwa ki pli priyoriter. Par egzanp i annan elektrisite ki pe monte, ki nou bezwen fer sir ki nou peye. Alors se sa ki nou'n fer sa rediksyon. Kot pa pe servi nou met dan bann landrwa priyorite. Mersi.

**MR DEPUTY SPEAKER**

Mersi. *Minister* i le azout en keksoz?

**MINISTER ROSE-MARIE HOAREAU**

Mersi Mr Chair. Osi pou azoute se ki, nou lans en lapel la deor avek bann lorganizasyon sportif. Sa desizyon byensir parey *FC* avek *PS* in eksplike. Me selman mwan mon ti a kontan osi lans en lapel avek bann organizasyon sportif, vin devan, met zot klib annord.

E nou kapab revwar pou lannen prosenn *or* menm pandan sa lannen – *well* lannen prosenn. Nou kapab revwar framezir ki zot met zot annord.



Zot vin devan, zot serye e nou kapab ed zot.

Me selman fodre bann lorganizasyon sportif dan distrik, avek la nou bezwen travay avek latransparans. Zot bezwen vin devan avek bann detay pou nou kapab ed zot arive fer sa ki zot anvi fer. Mersi.

### **MR DEPUTY SPEAKER**

Mersi *panel*. I annan klarite lo sa pwen *no new arising point*. Onorab.

### **HON SEBASTIEN PILLAY**

Mersi Mr Chairman, pou napa okenn nouvo *arising point*. Ler mon regard dan ou Bidze *sport support* e ou annan en lot *line items sport and recreational supplies*, dan serten landrwa ou'n met larzan.

E en pti git larzan ou'n met R2 mil. E mon pa aksepte sa larepons *PS*. Akoz pou mwan mon anvi ganny en larepons lo ki baz ki ou'n fer sa? Akoz sa rediksyon R264 mil *in terms of* bann lekip sportif dan distrik, kot zot al rod *sponsor* e tou dimoun pe *pull* menm landrwa. Pe demann menm *sponsor* zot rankontre bokou difikilte.

So mon ti ava espekte ki menm si ou annan ou provizyon dan Bidze, ou *maintain* ou pozisyon avek zot bann

regilasyon ki zot bezwen dakor tonm - *I mean meet* zot bann *requirement* ki zot bezwen zwenn, avan ki zot ganny sa larzan.

Me pou konpletman fer sa rediksyon, ou pou annan en gro lenpak *across* tou sa bann distrik kot ou annan bann aktivite sportif.

E si ou ganny en lekip ki formen ki *up to date - on par* distrik pa pou kapab donn li preski ditou sipor. Akoz ou *basically* ou'n redwir sa sipor *across the board*. So mon ti a kontan ganny en larepons definitif *on the basis* - sa ki mon'n ganny dir i pa fer sans. Si sa bann lekip i vin annord *suddenly*. *What happens* prezan?

Ou vwar, la mon pe sey rod sa. Akoz i pa bokou larzan i R264 mil ki ler ou dir mwan ou'n re aporsyonn li dan elektrisite. Mon'n war in monte i vre i korek in monte. Me ou osi pe donn larzan lo lot kote *sport and recreational supplies*. Be lekel ki pou fer *sport* si ou napa lekip sportif? Mersi Mr Chairman.

### **MR DEPUTY SPEAKER**

Mersi. Si *panel* ti kapab klarifye ankor pozisyon *policy* vizavi lanrezistremman bann lekip.

**MINISTER ROSE-MARIE HOAREAU**

Mersi Onorab. Mersi Mr Chair. Madanm Valentin i ava pran en bout apre si fodre *PS* i ava donn en pe plis detay. Mersi.

**MR DEPUTY SPEAKER**

Mersi. Madanm Valentin avan.

**FINANCIAL CONTROLLER MARLENE VALENTIN**

Mersi *Minister*. Mersi *MNA* pou ou kestyon. *Regarding sports and recreational supplies* i napa nanryen pou fer avek bann *sport clubs* dan distrik sa. Sa i annan pou fer avek bann aktivite ki bann Ladministrasyon Distrik i fer, bann program ki zot fer. Sa ki nou met sa pti alokasyon anba la. Mersi.

**MR DEPUTY SPEAKER**

Mersi. *PS* ou annan en keksoz pou azoute?

**PS KEVIN PERINE**

Non, i *ok*. Mersi Mr Chair.

**MR DEPUTY SPEAKER**

Mersi. Silvouple *wrap up*.

**HON SEBASTIEN PILLAY**

Mr Chair, mon pa pe – mon pa le *labour* sa pwen *or* pran kontrol konversasyon. Me selman mon krwar lesplikasyon

ki mon pe gannyen i pa fer sans. Ou met larzan pou *sport and recreational supplies*.

Mon konpran i pa pou bann lekip sportif li se pou ankouraz devlopman sport dan distrik. *As part of* ou bann program. *But at the same time* ou koup larzan ki ou pou donn bann lekip sportif.

*Across* lamazorite distrik. Napa gran *increase* dan sa bann alokasyon pou lamazorite distrik. Me sa pti alokasyon R6 mil ki en lekip sportif i gannyen ki swa premye divizyon oubyen dezyenm divizyon, i fer gran diferans pou li.

So se sa rezon aköz nou pe rod en lesplikasyon e si pou annan posibilite prezan pou re met larzan dan *sport support* si ou war bann lekip lo nivo distrik.

Par egzanp Grand Anse, Praslin ki'n perdi *over R60,000*. Si sa bann lekip i kapab *meet* sa bann *requirement* ou pou annan en larzan pou kapab ed zot avek. Mersi Mr Chairman.

**MR DEPUTY SPEAKER**

Mersi. *PS*, i le klarifye en keksoz.

**PS KEVIN PERINE**

Mr Chair mersi bokou. Onorab, lekip sport dan distrik pe kontinyelman ganny asiste. I

enportan pou mansyonnen poudir lannen presedan lannen avan, nou pa ti servi tou larzan, *based* parey *FC* in fer resorti, ki bann *sports club* zot bann dokiman pa ti annord.

Nou pa pe kapab pey *sports club* ki dokiman pa annord. E i fer ki i totalman normal ki ou pou war sa rediksyon.

E manda *Local Government* an se ki konsern *sport* dan distrik i plizoumwenn pou anmenn *sport* lo en nivo kominoter pa profesyonnel.

Pou ankadre en pti git dimoun pou zwenn ansanm, sosyalize en pti mas por. Tou devlopman spor ki nou travay konzwentman i tonm anba Minister Sport Lafanmir avek Lazenés. Zot ki annan manda *sport* pou enternasyonal. Mersi.

### **MR DEPUTY SPEAKER**

Mersi *PS*. In ariv ler pou nou pran en *break* ziska 11er. Avan ki bann Manm i ale zis pou mwan *remind* zot ki ozordi Sekretarya Lasanble in organiz pou mark *International Men's Day*. I annan bann *screening* lasante ki pe fer. Dabor i annan *eye screening*. I annan osi *general health screening*. Sa i pe fer dan *Committee Room 3*.

Apré pli tar dan lazournen i pou annan 2 prezantasyon

enn lo *Mental Health* avek *Stress Management*. E lot i lo *men's health*. So bann Manm letan ki zot in fini demann zot kestyon, be solman kalkil letan pou pran vot *as and when* ale al fer bann *screening* ki pe ofer ozordi, ouswa dan *break* e apre byensir dan *lunch break*. Donk nou ava *adjourn* la nou ava rebran travay 11er bomaten.

**(BREAK)**

## **MINISTRY OF LOCAL GOVERNMENT AND COMMUNITY AFFAIRS (Cont)**

### **MR DEPUTY SPEAKER**

Bonzour ankor enn fwa e *welcome back* pou kontinyasyon nou *Committee Stage* lo Bidze Minister Gouvernman Lokal e Zafer Kominoter. Pou zot Bidze ki pe ganny propoze i en sonm R151, 506 mil ki trouve lo paz 357 a 362. Nou kontinyen avek kestyon. E prosen enterven an lo mon lalis se Onorab William. Onorab Naidu.

### **HON SATHYA NAIDU**

Mersi Mr Chair. Bonzour Minis, *PS* ek ou lekip. Premyerman, les mwan dir zot mersi pou sa sipor, ki zot pe donn Lotorite

Distrik St Louis enkli DG Adeline pou sa travay ki nou'n fer lo Sant Kominoter St Louis.

E nou osi annan en zoli proze lenfrastruktir sportif, ki nou pe ganny tou sipor neseler atraver Gouvernman Lokal. E mon osi pran sa moman pou osi dir mersi mon DA pou sa travay ki nou pe fer pou nou kominote.

An relasyon avek sonm ki'n ganny bidzete pou sa lannen, i vin apepre R1 milyon par distrik pou proze kominoter. Enn bann keksoz ki mwan mon'n remarke lannen presedan, se ler sa sonm in fini *tender*. Dizon en proze in fini *tender* sa sonm i ase eleve. E byensir i an deor nou kontrol pou nou kapab dir okenn keksoz.

Mon ava zis donn en legzanp. *Railing* en lenstalasyon *railing* in kout plis ki R100 mil. Selman ler ou regard sa lenstalasyon pou ou menm ler ou balanse, ou pa krwar *you are getting value for money*. So, i an deor kontrol Lotorite Distrik pou nou kapab enterfer poudir ki sa pri i o.

Alors ki mannyer eski nou pou kapab adres sa defi ki egziste? Wi, i annan bann prosedir *procurement and everything else which is followed*. Me selman i annan en defi ki la, ki mwan mon santi i

bezwen ganny adrese, pou nou fer sir ki avek mwens larzan nou kapab ganny bokou plis lo nivo bann proze.

Dezyenm pwen ki mon le fer resorti, se an relasyon avek sa R10 milyon pou bann *feeder roads*. Nou konnen tou bann Onorab pou tay deryer sa sonm e sakenn de nou pou vin met presyon lo zot, pou nou kapab ganny sa sipor neseler. Propozisyon se, vi ki sa lannen sak distrik pe ganny R1 milyon.

Si sa distrik i santi ki sa *feeder road* i en priyorite nou ava itiliz sa sonm. E sa 10 milyon i a vin konman en konponan kot ou pou *top up*. Akoz laplipar bann semen nou'n ganny dir ki i sot avan ti 740 mil. Nou dir pa pe kapab fer dan 740 mil akoz proze pe kout 1.2 milyon, 1.3. So safwasi kekfwa lo nivo *management* zot kapab donn konsiderasyon neseler vizavi sa.

Zis de sizesyon; lo kote *sports allocation* a mon'n avi tro bokou birokrasi. Mon konnen i bezwen annan bann *checks and balances* pou fer sir ki larzan i ganny byen depanse. Me selman mon santi ki lo kote sa non li menm *sports allocation* i bezwen al – si nou pa pou kapab itiliz sa sonm larzan. Akoz bann klib pa pe zwenn bann kriter neseler, *still* sa

larzan i devret kapab la, aporte Lotorite Distrik pou itiliz li ver bann laspe sportif.

Savedir sa sonm larzan ki la i pa pou ganny – si i pa ganny itilize pou bann klib sportif, nou *still* nou pou kapab itiliz sa sonm atraver en lot fason ki pou *attend* menm lobzektif dan en serten sans.

Dezyenm sizesyon, se bann *field technicians*. Sak distrik si zot napa enn zot annan *at least* 2 dimoun pou okip bann Ladministrasyon Distrik ek bann sant kominoter.

Me selman mon santi lo en nivo rezyonal, si nou group sa bann dimoun ansanm e byensir lo nivo Lotorite Distrik, nou pran bann linisyativ nesaser, pou ganny bann sipor finansyel, pou ki dizon laplipar sa bann dimoun i bann *handymen* lo nivo *maintenance*.

Nou kapab itiliz sa bann dimoun al ver la kominote pou ed bann dimoun ki vilnerab, ki bezwen sa led e ki fanmir menm pa pe pran sa responsabilite, espesyalman nou bann dimoun aze dan zot bann lakour.

Par lenstans kot nou kapab fer bann travay atraver bann *field technicians*, kot zot vin lo en baz rezyonal pou kapab vreman fer en diferans.

Akoz mwan mon santi laplipar ditan sa bann *field*

*technicians* - *no disrespect to them* - me selman volim travay ki dan en semenn ki zot annan, kekfwa 2 ou 3 zour ou 4 zour *they can maximise what they actually give in terms of output*. Mersi.

### **MR DEPUTY SPEAKER**

Mersi Onorab. Mon krwar in met 2 sizesyon ki *panel* ava pran kont. Apre i annan kestyon lo *high cost of project* avek *feeder road* pou *top up*. *Panel*.

### **MINISTER ROSE-MARIE HOAREAU**

Mersi Onorab. Mersi Mr Chair. Mon a pran sa bout *field technicians*, apre mon a les *PS* reponn larestan. *Regarding field technicians* nou deza pe fer sa groupman parey ou dir. Ler par egzanp nou vwar en lot distrik i bezwen sipor petet li pou li in tonm malad, ouswa i dan *annual leave*, zot pa reste 100poursan. I pa obligatwar ki zot reste 100poursan dan sa distrik kot zot in ganny *allocate*. Zot ede dan lezot landrwa kan fodre.

Par fwa ou war zot pe donn koudmen bann *handymen* bann *field technicians* dan en distrik, i sot dan en lot distrik pou donn lanmen pou fer en proze

kominoter netwayaz, kot distrik i war i nesaser.

*Now*, i enportan ki nou met lanfaz ki nou konman bann ki pli zenn, nou get nou bann vye dimoun. Olye toultan met retourn tou sa responsabilite lo Gouvernman. Sa i enportan. Nou annan nou vye manman. Nou annan nou granmanman. Si nou kapab ed li, si ou kapab donn en – pey en *casual labour* pou al fer en netwayaz kot li pou en lazournen, nou devret ankouraze sa.

Me selman kot nou'n fini war i pa pou arive, e i pa pou zanmen arive, sa i en konversasyon kot konman *MNA* avek *DA* zot asize zot fer en konversasyon zot vwar poudir sa i en keksoz ki - . Sa dimoun vre kantmenm nou pou al rod son garson, son fiy ouswa son pti zanfan. Zot pa pe vin donn koudmen.

Be dan bann ka koumsa napa nanryen ki anpes *DA* ek *MNA* koze. I vin parey en louvraz volonter. Sa zour pou sa *handyman* ki pe al ede. Or en lot keksoz ki nou kapab fer osi. Si nou konnen i annan 1, 2, 3 sa bann ka dan distrik.

En zour dan Sanmdi, Dimans parey nou vwar lo nou *Facebook page* annandler *Local Government*, ou war bann groupman dan *weekend* ki ale

ki *tackle* i al *deal* avek serten problem kot bann dimoun ki netway zot lakour, koup zerb eksetera, eksetera. Sa i en keksoz definitivman dan kominote nou la pou nou ede.

Alor sa i en keksoz ki kapab ganny fer tre fasilman. Pou leres pwen mon a les *PS* reponn silvouple. Mersi Mr Chair.

### **MR DEPUTY SPEAKER**

*Proceed.*

### **PS KEVIN PERINE**

Mersi Mr Chair. Minis, in deza koz lo *field technician* ki nou'n ranplas li avek *general assistant* depi lannen pase. Zis pou pa kre serten konfizyon. E sa ki konsern sa R10 milyon mon kontan Onorab in mansyonnen poudir tou bann *MNA* ki annan en distrik, pou tay lo la pou servi sa larzan. Be selman nou pa pou zis tay lo la i pou annan en sistenm priyorite ki vin avek. *So rightly* parey ou'n dir, si zot kapab servi en pe zot Bidze dan 1 milyon ki zot in gannyen pou proze distrik i al ladan.

Akoz nou'n dir sa bann semen i annan sitan kantite e lalis i long. E nou bezwen revwar lalis priyorite lekel ki vin premye ziska dernyen. Savedir zot bezwen lager for, pou

montre lekel ki vremen priyorite.

E *sports allocation* ankor Onorab menm si ou'n mansyonnen ki i annan bokou birokrasi. E *at the same time* ou pe mansyonnen ki sa larzan i ganny donnen avek distrik. *Which is – sports allocation* parey nou'n dir nou pe dekouraz bann tim ilegal benefisye atraver larzan Gouvernman.

So nou pe fer sir ki zot dokiman i annord. Nou pa kapab zis pran larzan donn en tim ki pa anrezistre, ki pa pe pey lasirans pou son bann zwer. So i enportan ki sa bann *check and balances* i ganny mete pou nou dekouraz dimoun, zis vini ki pe ganny en pti larzan anba *sports allocation* pou pran larzan.

So nou pwen regardan *sports allocation* i reste parey. Nou pe dir tim ki bezwen annord. I ava ganny asiste e lasistans i la. Savedir bann tim ki pe ekoute met zot annord apre tap laport pou ganny lasistans. Mersi.

**MR DEPUTY SPEAKER**

Mersi. Ou *ok* ouswa oule klarifikasyon?

**HON SATHYA NAIDU**

Wi pwen klarifikasyon lo *sports allocation*. Mon konpran rezondet par deryer sa. Pwen ki mon pe sey fer resorti se si distrik i pa pe kapab fer bann klib sportif dan tonm dan sa lankadremans neserer. Eski nou pou kapab *still* itiliz sa larzan ver bann eleman ki relye avek *sports*? Sa ti en pwen ki mon'n met devan.

**MR DEPUTY SPEAKER**

Ou pe demann zot si zot kapab fer *virent*?

**HON SATHYA NAIDU**

Dezyenm pwen, ki mon pa'n ganny en repons lo la se ler en proze in fini ganny *tender*; en legzanp se lenstalasyon *railing* ler ou regard avek ou de lizye ou pa pe war li 100 mil. Selman in fini ganny *tender* 100 mil.

E ler in fini ganny *tender* 100 mil ou pa pou kapab vremen fer en revizyon dan pri. So ki mannyer eski nou pou adres sa eleman prenon kont nou annan en Bidze R1 milyon pou bann proze distrik?

**MINISTER ROSE-MARIE HOAREAU**

Mersi Onorab. Mersi Mr Chair. Onorab, bann *tender process* nou pou les *SIA* eksplike. Akoz mwan lefet ki mon vremen *involve* dan bann proze, mon

kapab dir ou senserman poudir nou fer nou mye pou nou ganny *the best price possible*.

Alor petet parfwa nou pa realiz pri materyo eksetera, eksetera. Me selman nou kot *Local Government*, nou toultan nou le *improve* lo kalite proze ki ganny fer, lo son *finishing* eksetera, eksetera. E nou le fer sir ki sa larzan ki nou gannyen la i ganny servi byen.

Alor nou pa zis donn nenport ki nenport sonm. I annan en prosedir an plas ki fer sir ki nou ganny otan ki posib *value for money*. E byensir *SIA* petet pli tar i a kapab eksplik sa bann diferan prosedir. Se sa ki mon ti le dir. Mersi. Mersi Mr Chair.

### **MR DEPUTY SPEAKER**

Mersi. I ti le zis konnen si larzan ki bann klib pa pe gannyen i kapab anba *virement* i kapab *still* servi pou lezot keksoz *sports related*?

### **PS KEVIN PERINE**

Mr Chair, mersi. In leka dan lepase. Parey lannen pase, in annan plizyer lenstans kot nou'n asiste bann fasilite sportif avek bann dimoun konman donasyon, anba sa larzan ki bann klib pann vreman servi.

So, i pe ganny servi e osi ganny servi parey mon'n dir pou fer mas por, aktivite lwazir lo nivo distrik. *Thank you*.

### **MR DEPUTY SPEAKER**

Mersi PS. Onorab Romain?

### **HON GEORGES ROMAIN**

Mersi Mr Chair. Minis, bonzour avek ou delegasyon. Avan mon konmanse mon ti a kontan premyerman remerci nou Gouvernman pou sa R1 milyon ki i pe donn sak distrik. E nou ti fer demann byensir aköz avan nou ti dir tro pti gin. E Gouvernman in ekout nou. Nou remerci bokou pou sa.

Mon keston i pou dan menm laliny, lo kote bann zafer proze, lo kote proze distrik. Byensir ki mon'n vwar lo kote distrik, mon pe baz lo Distrik Anse Etoile ki mon'n eksperyanse. Mon'n vwar bokou proze in demare me par kont i annan proze ki ti lo bann *phase 2* parey ou dir sa.

Ki menm sa bann – i pa menm kontrakter ki'n ganny sa proze en lot kontrakter. Be pou sa bann proze koumsa mwan lo mon kote mon en pti pe dezapwente aköz sa kontrakter pann delivre en bon travay.

E alors mon ti a kontan ki Gouvernman atraver *Local Government* zot get ladan byen.



Menm lo kote nivo distrik Sant mon pe koze. Sant Kominoter avek son blok administrasyon bann louvraz osi i pa'n vremen lo kalite. Sa kontrakter kekfwa ler in vini in dir i pou fer sa louvraz.

Aprè i pa'n delivre *according* ki i sipoze fer. E louvraz pa kalite. Tousala i bann defayans ki nou gannyen atraver ler nou pe koz lo sa bann proze distrik.

E alors mon kestyon vremen pou Minis mon mazine kekfwa SIA ki pou koz lo la. Be selman Minis i kapab met en komanter. Ki vremen sa Bidze aköz nou pe koz larzan *taxpayers' money* ler nou pe fer sa bann proze.

Nou anvi de kalite dan nou distrik. Ki vremen Minis i anndan dan sa Bidze pou lannen 2024, pou fer sir ki tou travay ki ganny fer dan nou distrik. I ganny fer de kalite?

Mon konnen ou'n tous en pti bout lo la la boner la. Be selman i ganny fer sir ki i ganny delivre, *according to* son letan ki i sipoze dapre kontra. E aprè i de kalite travay? Mersi Mr Chair.

### **MR DEPUTY SPEAKER**

Mersi Onorab. *Panel.*

### **MINISTER ROSE-MARIE HOAREAU**

Mersi Onorab. Mersi Mr Chair. Onorab, kot *Local Government* nou travay tre pros avek SIA lo sa size kontrakter, kalite kontrakter, bann kontrakter onnet, bann kontrakter ki ler i dir ou i pou fer en keksoz vre i pou fer. Ki ler i dir ou i pou met 6 bal siman i met 6 bal siman.

Sa ki ou pe dir la i en *huh* i en *ongoing* konversasyon ant nou kot *Local Government* avek SIA. Nou toultan pe rod fason pou nou kapab anpes sa bann kalite, mon kapab dir bann travay dezyenm *class* ou kapab dir olye en louvraz byen.

E sa i en ki mannyer - mon kapab dir - i en keksoz ki ler ou pe donn sa dimoun sa kontra. Ler *SIA or Local Government* sepa nou'n *tender* sa louvraz. Sa dimoun i vini i fer tou son keksoz byen. I montre ou tou son bann fasilite ki i annan pou li fer sa louvraz.

Prezan si ler in ganny *awarded* sa louvraz, i decide pou li pa fer li byen. La i vin – nou pa zis les sa *à la légère* nou. Nou pa zis les sa pase koumsanmenm. Se pour kwa parfwa ou vwar en louvraz i konmans ek en kontrakter aprè i fini ek en lot. Aköz?

Nou pa pou les ou kontinyen travay mal zis aköz

ou'n ganny sa kontra. Nou bezwen kriy ou. Nou bezwen al lo *site* ek ou. Nou bezwen fer ou konpran se pa sa ki nou ti ekspekte dan ou travay. Alor *first warning*. Dezyenm *warning* ou pa amelyore ou ale.

E se pou kwa vomye ou war en dezyenm kontrakter vini, sey fini sa louvraz byen, ki ou les sa premye kontrakter zis kontinyen gaspiy larzan e gaspiy letan.

So sa i en dyalog ki toultan nou pe fer. E ankor enn fwa sak fwa mon vin la, mon lans en lapel ek bann kontrakter serye. Ler zot vwar *tender* sorti kot *Local Government*, *apply*, vin devan. Akoz louvraz i bezwen kontinyen. Proze i bezwen kontinyen ganny fer.

E nou, nou bi kot *Local Government* avek *SIA*, nou bezwen *build*, nou bezwen *consolidate* en group dan nou liv. En group kontrakter ki nou kapab avek lizye fermen, donn louvraz konnen i dan bon lanmen. Me ziska prezan nou pa ankor arive lo sa staz 100poursan. I touzour en travay an progre.

E mon oule zis reasir tou dimoun dan Lasanble ki nou pa zis ferm lizye kantmenm en dimoun pe fer en keksoz mal. Nou annan prosedir pou nou *call* ou, eksplik ou akoz nou pe

tir ou lo sa louvraz. Wi bokou fwa kontrakter i ankoler nou pe tir li lo louvraz.

Me selman ler ou eksplik li fizikman, ou dir li be seryezman? Se sa louvraz ki oule donn mwan? So, i bezwen finalman li osi konpran poudir vre in mal fer. So, i en dyalog avek kontrakter, avek *SIA*.

Me selman nou konsyan nou poudir parfwa nou bezwen ale koz ek sa bann kontrakter serye. E si fodre tir zot lo *site*. Mersi Mr Chair.

### **MR DEPUTY SPEAKER**

Mersi. Ou annan klarifikasyon?

### **HON GEORGES ROMAIN**

Mersi Mr Chair. Minis, mersi pou ou larepons. Ler mon'n ekout ou Minis mon'n vwar vremen i annan bann travay ki'n ganny fer ki byen. Mon pa pe dir tou travay pa byen. Byensir i annan travay ki ekselan.

Be sanmenm sa ki ler ou pe koz *phase 2*, sa enn ki ti fer sa *phase 1* in fer en zoli louvraz. Apre li in *tender* ankor li. In *bid* pou li ganny sa proze *phase 2*. Be i pa gannyen en lot i gannyen. Sa lot i vin *mess up* sa *phase 2*.

E prezan ler ou regarde parey ou'n dir ou bezwen vini tir sa kontrakter lo sa *site*, pou met

en lot. Sa enn ki vini i bezwen al re kas tou sa ki in fer, re konmanse e i kout larzan. Savedir *in the end* i vin bon marse i kout pli ser.

Alors mwan mon kontan ou larepons be byensir mon ti a kontan vwar bann louvraz de kalite. E nou ganny bann kontrakter ki vremen pou delivre, akoz i nou distrik. Nou pe reprezant sa distrik. Nou anv i nou dimoun ganny de kalite travay. Mersi Mr Chair.

### **MR DEPUTY SPEAKER**

Mersi.

### **MINISTER ROSE-MARIE HOAREAU**

Mersi Mr Chair. Mersi Onorab. Mon konpran petet dan en lenstans in ariv sa. E i byen ou'n fer resorti sa pwen, akoz la nou ava fer en konversasyon avek SIA.

E ki nou a revwar en pti pe akoz dan sa ka sa sitasyon in arive. Parske byensir i annan bann regilasyon ek bann formalite ki deor nou kontrol. Me selman ti ava byen pli tar nou a fer en konversasyon avek SIA, pou regarde ki mannyer nou kapab evite sa bann kalite sityasyon. Mersi.

### **MR DEPUTY SPEAKER**

Mersi *Minister*. Onorab Loze.

### **HON JOHAN LOZE**

Mersi Mr Speaker. Pou konmanse, Minis in dir ki zot in fer *savings* lo *security services*. Akoz zot in nepli *outsource* sekirite.

Minis, ki mon anv i konnen ki kantite lakonpanyen, eski zot in fer arete? Konbyen lakonpanyen ki'n ganny arete? E Minis, si ou konnen konbyen sa bann lakonpanyen ki'n bezwen *lay off* travayer ouswa fer *redundancies* if any.

Akoz *not coming after you Minister* be selman zis enportan de fwa konnen desizyon ki vin devan nou konman *facts and figures, how it impacts* dimoun direktman dan zot lavi.

Aprè *Minister not to be labour the point*, be *going back to sa issue sports team allocations* dan distrik. I paret mwan ki nou'n pran en mezir pou pini bann move zanf an ki pa anreg avek Rezistrar.

Be si bann nouvo lekip i formen prezan, eski zot pa ganny fwete ek menm roten ouswa i annan alokasyon e provizyon pou *nurture* bann nouvo lekip ki leve dan distrik?

Akoz pa pou mwan i annan en dimoun ki'n *text* mwan distrik Mont Fleuri i anv i konnen. Mr Speaker, an

terminan mon anvi siport sa pwen Onorab Uranie, konsernan *mixed messages coming from the Chair*. E litalizasyon *Standing Orders* lo diferan Manm.

Resaman *the Chair* in fer en prononsyasyon. E mon pa pe neserman aviz ou Mr Speaker. Be ti annan en prononsyasyon *from the Chair* konmkwa ki sa ki pas an deor Lasanble pa konsern *the Chair*.

E *I will put it to you Mr Speaker*, ki mwan mon ti ganny sispann pou en keksoz ki ti pas an deor Lasanble. *In spite* ki sa ki pas an deor Lasanble pa konsern *the Chair*. Mersi Mr Speaker.

### **MR DEPUTY SPEAKER**

Mersi Onorab. I annan 2 pwen *panel* enn konsernan *security services* e *lot sports allocation*. Mersi.

### **MINISTER ROSE-MARIE HOAREAU**

Mersi Onorab e mersi Mr Chair. Onorab, mon pou zis repas ankor en pti pe lo sa zafer *sports*. Mon byen kontan si i annan dimoun pe montre lentere ki zot le vin devan pou ankadre sport petet dan zot distrik, en kalite *sports* ou lot. E sa nou ankouraze.

Alor mwan mon dir annou konmans o depar ki bann – tou sa bann dimoun dan distrik dan tou distrik, ki anvi prezan pou lannen 2024 vin devan, vin anrezistre zot, fer sir tou zot papye i annord. E sa pti Bidze ki nou, nou annan nou ava sertennman donn zot lapiy. Me selman annou konmans ek lord avan.

Le moman ki tou keksoz i annord, nou prezan si fodre pli tar nou a gete kote si fodre nou vwar poudir, vre bokou plis dimoun serye pe vin devan, pou *sports* la nou a kapab konmans en konversasyon serye ek sa bann dimoun.

Aprè si fodre nou al kot Finans pou dir gete. Sa de lannen dernyen la nou pann ganny vremen bokou dimoun ki'n vin devan, ki'n pare pou met tou zot papye annord eksetera. Me la nou vwar i annan en group ki pe leve, ki vremen serye, nou a sey fer en dyalog ek Finans. Nou a sey regarde kote nou kapab rod en larzan pou kapab ed zot.

Mon pa dir nou pou arive fer tou, si vremen nou ganny en kantite dimoun ki vin devan ek tou keksoz annord. Me selman mwan mon *believe* toultan i annan plas pou dyalog.

Alor premyerman, annou ankouraz sa bann dimoun lo

nivo distrik. E parey nou'n dir boner nou, nou fer sport lo lwazir. I pa lo bann gro nivo federasyon, eksetera. Me bann – nasyonal or enternasyonal nou fer li lo baz lwazir.

So si sa bann dimoun, sa bann zenn, sa bann *middle age* or *whoever* i le vin devan pou vin etabli byen *sports* an 2024 dan distrik, annou pouse sa i ava fer nou bokou plizyer e nou, nou ava rod en fason kot nou kapab ede.

*Right now*, mon pa pou dir ou – mon pa pou kapab dir ou ki manner. Me nou ava rod en fason pou kapab ede. Selman *let's start* avan avek organiz nou byen konman bann dimoun *sports* ler nou vin devan.

Aprè nou osi nou bezwen toultan konpran poudir ler i annan serten formalite pou fer, si par egzans dan distrik zot war petet zot pa abitye ranpli sa bann form, zot pa tro, tro konnen ki manner pou *handle*, vin kot nou. Nou dan nou Minister, kot Program, nou ava ed zot ranpli. Nou ava ed zot ankadre.

Nou ava met zot debout apre nou a kapab finans zot. Konmsi zot pa devret santi zot – al kot zot *DA*. Zot *DA* ava ed zot. Menm zot bann *MNAs* dan sa distrik zot kapab ed sa zenn

ouswa sa group zenn, ki pe petet war li difisil pou pran kontrol sa bann ta form, ek sa bann formalite si vre i annan sa kantite pou fer.

Me selman annou ed zot debout. Ler tou keksoz in kler la prezan nou, nou ava antre nou ava gete kote nou kapab ede. Menm ki si Bidze in desann en pti pe.

E an konsernan sekirite Onorab, mon pou les mon krwar *PS* i ava pran sa kestyon lo konsernan sekirite. Mersi.

### **MR DEPUTY SPEAKER**

Mersi *Minister. PS*.

### **PS KEVIN PERINE**

Mersi Minis. Mersi Onorab pou ou kestyon. An regardan sekirite, sa ki nou kapab dir poudir letan nou ti pe *outsource* sa servis nou ti pe depans nou anviron R23 milyon par lannen avek *outsource service* sekirite.

Ki fer letan nou'n met nou bann kart ater parey nou dir an kreol. Nou'n etabli ki diferans i annan si nou pran prop *staff* sekirite, kot Gouvernman i kapab benefisyè.

E sa i prouve letan nou'n fer li nou kapab annan manda lo nou sekirite, pou nou kapab *recruit, fire and hire*, disiplin kan i fodre neserer. Akoz letan i

vreman avek *outsource* ou napa kontrol lo zot.

E parey in mansyonnen oparavan, atraver *recruit* nou prop sekirite, in fer nou fer en total en *savings* R9 milyon, ki al dan kof ki retourn dan Gouvernman pou kapab servi - dan Kof Leta.

E sa bann sekirite ti napa zis kontra avek *Local Government*. Savedir nou pa'n vreman *lay off* dimoun parey ou pe dir. Akoz sa bann kontra ti ganny fer dan en *pool*; dan *pool Local Government*, Lasante avek Ledikasyon. Savedir in perdi kot nou, me selman zot ankor pe *still* pe *operate* anba bann lezot Minister. Mersi bokou.

### **MR DEPUTY SPEAKER**

Mersi *panel*. Ou annan klarifikasyon?

### **HON JOHAN LOZE**

Mersi Mr Speaker. Mr Speaker, *PS* in repet lenformasyon lo lekel i paret zot in pez zot desizyon. In repet statistik ankor ki Gouvernman in servi pou pez son desizyon bidzeter. Ki mon pa pe konteste mwan. *I agree this is what has happened.*

Selman i kler ki dan zot analiz in mank sa *human aspect* pou ed zot fer en desizyon

balanse osi. Akoz mon'n demann *PS* konbyen lakonpanyen ki'n ganny touse. Konbyen endividi, fanmir, dimoun ki'n posibleman ganny touse. Si wi ouswa non.

Mon pa pou ensiste lo pwen. Be selman *PS what has come across* par lafason ki ou'n reponn, se ou pann pran an kont sa kote imen pou pez ou desizyon e fer en desizyon balanse. *So, in future* petet si nou kapab koriz lo sa pti bout. Mersi Mr Speaker.

### **MR DEPUTY SPEAKER**

Mersi Onorab. *Panel* i annan en komanter? *PS*.

### **PS KEVIN PERINE**

Mersi Mr Chair. Onorab, o kontrer si en keksoz ki nou pran ka lo la, akoz ou travay dan Gouvernman Lokal ek Zafer Kominoter, fodre nou kapab konpran imen. E laspe imen i bann domenn ki nou adres tre souvan.

So letan nou'n pran en desizyon, nou'n pran en desizyon stratezikman. Pa en desizyon, en desizyon ki pou fer nou vreman popiler. Me desizyon stratezik ki pou anmenn benefis pou Minister Gouvernman Lokal, atraver zerans son prop sekirite. E

anmenn en benefis nasyonal pou pei *at the same time*.

E *again* mon repete, sa bann sekirite lakonpanyen ki ti pe ganny kontra avek *Local Government*, pa ti pe zis ganny kontra *Local Government*. E zot ti pe ganny kontra avek bann lezot Minister.

Nou nou'n deside konman en Minister, pou konmans avek sa proze pilot, pou nou vwar ki manner i marse. E bann lezot lenformasyon vizavi konbyen lakonpanyen sekirite. Sa mon krwar i dan domenn piblik Minister Finans i kapab fer zot gannnen pli tar. Mersi bokou.

### **MR DEPUTY SPEAKER**

Mersi *panel*. Onorab William.

### **HON WAVEN WILLIAM**

Mersi Mr Chairman. Bonzour Minis avek ou lekip. Minis, mon an vi met de size devan ou. Enn se, sa sit *day care* La Misère. Mon anvi konnen par lefe ki anba vye administrasyon ti katriyenm lo lalis proze pou fer *day care* pou Souvenir.

So mon konnen kan ki sa *day care* i ekspekte ganny konstri? Akoz mon konnen poudir Prezidan in dir poudir kit sa sit pou *day care*. So dimoun zabitan La Misère pe demande kan sa proze pou demare.

E dezyenmman kot Sant Souvenir, La Misère, nou anvi konnen si i annan en desizyon final, akoz bann zabitan i anvi rekip sa landrwa, pou konmans fer serten aktivite letan pe espere pou bann reparasyon.

So kan nou ekspekte ki serten travay konkret i kapab ganny pran ouswa desizyon konkret. Mersi.

### **MR DEPUTY SPEAKER**

Mersi Onorab. *Panel*.

### **MINISTER ROSE-MARIE HOAREAU**

Mersi Onorab. Mersi Mr Chair. Lo Sant Souvenir i en konversasyon ki nou pe fer, pou nou konnen finalman – nou bezwen fer en pti pe plis *homework* lo la.

Nou bezwen – pou bann dimoun ki enterese pou vwar li vin en sant kominoter, mon krwar nou bezwen konman en distrik fer en konversasyon, lo ki kantite *usage*. Ki kantite program, ki kantite aktivite ki pou vremen deroule Souvenir.

E avek ou lentervansyon, avek lentervansyon *DA* e bann dimoun ki vremen aktiv dan distrik, nou kapab fer sa konversasyon e bouz devan pou vwar finalman ki nou pou fer avek sa Sant.

Lo kote *day care* osi, mon krwar la osi mon krwar nou kapab regarde petet ler nou fer sa konversasyon sa Sant Souvenir. Eski pou le moman i pou benefisye bann dimoun ki pli bezwen en lakres olye servi li konman en sant sosyal? Ouswa eski nou sey rod en lot fason pou nou fer en lakres apre sa sant i reste en sant sosyal?

Alor la pou le moman, mon pa ti a voudre donn ou en larepons defini. Mon ti a voudre dir ou annou koze, annou *meet up* avek ou bann group dan distrik. Annou fer en konversasyon lo la, epi nou a gete kote Bidze i anmenn nou. Mersi Mr Chair.

### **MR DEPUTY SPEAKER**

Mersi *Minister*. Prosenman lo lalis, i Onorab Adelaide.

### **HON FRANCOIS ADELAIDE**

Mersi Mr Chair. Mr Chair, avan mon konmanse mon oule demann ou en pwen klarifikasyon. Mon konnen ou mon koleg *MNA LDS* lo kote sa latab. Be ler ou lo *Chair* mon dan mon rezerv tou mon diskresyon, pou ou ki ou dan *Chair*. Mon *address* ou konman *the Chair*.

Mon oule met a ou latansyon ki mon'n anvoy en *email* kot ou, en *matter of*

*privilege in regards to the sa dating policy* ki fek sorti kot Lasanble. E mon pa'n war ou reponn. Mon pe demande si ou'n gannyen, pou ki mon ava war ou pou mwan diskrit enn de keksoz avek ou.

So apre sa, mon kestyon pou Minis dabor bonzour Minis avek ou delegasyon. Mon osi mon aport mon sipor pou group pou ou Minister menm *PS*. E menm la mon profite pou mwan remerci mon *DA*, ki nou travay byen ansanm. E esperon ki nou annan sa kalite lanmitye pou lannen prosenn.

Minis, mwan petet mon pou demann ou petet ler mon pe get ou priyorite stratezik. Ou annan *bullet point 4* "*provide and enhance community infrastructure facilities.*" E petet i annan en fasilite ki mon krwar nou bliye dan bann distrik e ki vremen enportan pou protez dinyite nou bann zabitan. Se byensir bann *public toilet*.

E eski sa i bann fasilite ki petet zot pe mazin en a lavenir pou nou kapab enplimante dan bann distrik? Si i tonm anba ou *purview* zis petet si ou annan de pti mo. Sirtou pou bann *businessmen* ki anvi *venture* dan sa biznes dan bann distrik.

Apre *in regards to* sekirite. Mon oule demann ou vi ki i en *current challenges*. Eski – mon



ti tann koze poudir Gouvernman Lokal pe al antre dan - enstal bann kamera sirveyans kot bann Ladministrasyon Distrik. Eski sa i lo plan? E petet donn mwan en pti apersi lo la. Mersi.

**MR DEPUTY SPEAKER**

Mersi Onorab. *Panel*.

**MINISTER ROSE-MARIE HOAREAU**

Mersi Onorab. Mersi Mr Chair. Premyerman annou pran lo kote *public toilets*. Bezwen en distrik i en keksoz ki bezwen sorti kot sa distrik. Alor si en distrik en partikilye i vwar poudir i nesese pou annan en *public toilet* dan sa kominote, dan sa distrik, i enportan ki sa i ganny sizere par Lotorite Distrik ki enkli *DA* avek *MNA*.

Me selman mwan lo *public toilets* mon ti a voudre dir en pti pe plis. Ler nou pe konsidere fer en met en *public toilet* nenport landrwa, nou bezwen osi fer sir ki nou konnen ki mannyer nou pou *sustain management* sa *public toilet*.

Lekel ki pou netway li? lekel ki pou ansarz li? Si i pou vin en pti – si nou pou al rod en dimoun ki nou poudir li eski ou anvi vin *manage* sa? Aprezan deside ki mannyer finans pou

ganny zere lo si zot bezwen pey dimoun pou vin servi.

Akoz en *public toilet* i pa kapab zis debout la, apre zis i pa ganny netwaye. I napa kontrol lo la. Taler dimoun a vin en bann ensinifyan ladan.

So *public toilets* i en konversasyon ki i pa zis met en batiman debout. I osi annou pran kont – mon pa pe dir pa fer. Me selman mon pe dir annou pa get zis son laspe fizik. Annou get son laspe ki mannyer i pou ganny zere ler enn fwa in debout.

Mon kapab donn en legzanp. I annan en *public toilet* pa tro lwen avek Lotel Ephelia. I ti larzan *private* avek en pe Gouvernman mon krwar ki ti ganny met ansanm, pou fer sa *public toilet*. Ziska prezan sa *public toilet* i mon kapab dir i en problemm.

E la nou kot *Local Government*, ler nou'n vwar poudir i annan sa batiman ki pe debout, napa personn ki pe get li. Ennler en dimoun ti a pe servi li pou *stack* son bann boutey vid ladan - en nespes dezord.

So la nou pe sey regarde aköz sa *building* i dan bor *bus depot SPTC*, nou pe sey fer en konversasyon avek *Land Transport* pou demann zot si nou kapab annou - zot petet

pran responsabilite. Akoz i dan bor i dan sa *bus depot*.

So problemn *public toilets* i en problemn ler napa. Me selman nou bezwen konnen ki nou pou fer avek ler nou'n fer li. Sa i enportan.

*Regarding* bann zafer *cameras* dan distrik pou sekirite. Wi, akoz ler Gouvernman ti revwar sekirite dan distrik an zeneral *nationally*, i pa zis pou kontinyen pa tou landrwa petet ki pou bezwen en zonn. Petet i annan landrwa ki a bezwen zis *camera*. Petet i annan landrwa ki a bezwen zis petet *burglar bars* avek *camera*.

Alor sa zafer sekirite la *again* parey *PS* in dir pli boner, *Local Government* nou, nou pe fer *the pilot phase*. E firamezir avek Minister Finans, nou pe fer konversasyon anmezir nou vwar, ki mannyer nou kapab vin pli efikas dan protez nou bann batiman.

*But at the same time* vin en pe pli modern an prenan kont konstrent Bidze. So, an zeneral se sa.

### **MR DEPUTY SPEAKER**

Mersi *panel*.

**MINISTER ROSE-MARIE HOAREAU**

Mr Chair, eskiz mwan. Si mon kapab dir osi poudir *tender* in deza konmanse, pou bann lakonpanyen vin devan dan serten distrik *regarding cameras*. Alor nou pe travay keksoz pe deroule. Mersi.

### **MR DEPUTY SPEAKER**

Mersi *panel*. Onorab Zialor?

### **HON NADDY ZIALOR**

Mersi Mr Chair. Bonzour Minis avek ou lekip. Mon ava profite pou mwan zwenn avek ou, pou ankor enn fwa remerci tou bann *DAs* pou zot devosyon, tou bann *staff*. Mon'n enn bann dimoun ki an mouvman e mon vwar devosyon bann *DAs* anver zot kominote.

Mon kestyon, mon annan en kestyon ki Onorab Adelaide in fini demande konsernan *cameras*. Mon vwar en rediksyon *in terms of fees* pou sa lannen. Eski petet ou annan en nide ki kantite distrik *right now* ki sa bann *cameras* in fini ganny enstale? E konbyen ki reste pou enstale?

Dan *programme 2 community life programmes*, i osi annan en logmantasyon *facilities for events* pou lannen prosenn. Petet si ou kapab donn en lendikasyon sa logmantasyon i vize ver kwa? E ki benefis ou pe anmennen dan

nou bann kominote? Mersi Mr Chair.

**MR DEPUTY SPEAKER**

Mersi Onorab pou ou kestasyon. Mon ava envit *panel* pou larepons.

**MINISTER ROSE-MARIE HOAREAU**

Mersi Onorab. Mersi Mr Chair. Mon a pas laparol avek *PS* silvouple.

**PS KEVIN PERINE**

Mersi Onorab. Mersi Minis. Mersi Mr Chair. Letan ou poz sa kestasyon Onorab Zialor mon get Onorab St Louis, mon war li donn mwan en *smile*. Akoz mon krwar li i kapab debout poudir St Louis i sel distrik ki annan *camera so far*.

Me selman parey Minis in dir, prosedir *tender* in deza komanse kot bann larestan distrik ki en pti pe – ki nou'n dekrir zot konman pli bezwen sekirite. Par kont tou distrik i bezwen sekirite. Selman bann ki en pti pe pli ki pli fasil konmsi antre anndan, pou fer li vin en pti pe pli sekirite.

Bann distrik i *comme* swivan kot *camera* pe al ganny mete dan sa prosedir *tender*; i Anse Etoile, Beau Vallon, Anse Aux Pins, Pointe Larue, Grand Anse Mahe, Takamaka, Mont

Fleuri ek Plaisance. Sa i premye faz ki pe konmanse lannen prosenn. E byensir larestan distrik pou swiv.

Akoz pou donn lanmen ede dan sa domenn sekirite, akoz parfwa zonm pa ase pou fer sa louvraz. Alor vwala kot i ete teknolozi ki ava osi petet ed nou a lavenir pou kontinyelman redwir depans. Mersi.

Mon krwar i annan en lot kestasyon Mr Chair. ki nou'n pa'n sezi dernyen kestasyon Onorab Zialor.

**MR DEPUTY SPEAKER**

Lo program - larzan program.

**HON NADDY ZIALOR**

Yes, program. *Community life programmes* i annan en logmantasyon dan *facilities for events*.

**PS KEVIN PERINE**

E ki ou kestasyon?

**MR DEPUTY SPEAKER**

Akoz sa logmantasyon?

**HON NADDY ZIALOR**

Pou ki rezon sa logmantasyon e ki benefis pou anmennen dan bann kominote? Mersi.

**PS KEVIN PERINE**

Mr Chair, parey nou plan stratezik i dir, konmsi kot nou kontinyelman anvi devlop *community-based programme* dan kominote.

Alor i normal ki i annan en logmantasyon dan sa. Pou nou kapab met bann programm pli apropiye oubyen dan en fason kot i anmenn dimoun ansanm, pou kapab annan laspe en pti pe sosyal partisip dan lavi la kominote *as well*. Mon krwar *FC* osi i annan en bout ki ou anvi azoute lo la. Mersi.

**FINANCIAL CONTROLLER**  
**MARLENE VALENTIN**

Mersi *PS*. Mersi *MNA* pou ou kestasyon. *Regarding* sa alokasyon ki'n ogmante ase signifikan anba *facilities for events*. Avan sa tou bann laplipar bann depans ki ti pe ganny fer an relasyon avek programm, ti al anba en sel kod.

Prezan pou sa lannen la nou'n fann li en pe. Nou' met li anba bann kod ki en pe pli apropiye. I annan 3 kod; i annan sa *facilities for events*. I annan *other service allowances* avek *services for events*. Mersi.

**MR DEPUTY SPEAKER**

Mersi Manmzel Valentin. Prosen entervenans lo lalis i Onorab Samynadin.

**HON KELLY SAMYNADIN**

Mersi Mr Chair. Bonzour Minis, *PS* e delegasyon e tou dimoun a lekout. Minis, mon war ki enn zot bann defi se *recruitment of quality staff*. E mon konnen ki an se moman bann *DAs* pe swiv formasyon *Masters* kot *UniSey*. Me mon ti ava kontan konnen pou zot kapab *retain* bann *staff* ki zot deza annan la an se moman.

Eski Minister pe mazin fer bann *refresher courses* pou bann *staff* dan bann Biro Distrik tel ki bann *office assistants* ek *office managers*? Avek bi pou asire ki sa bann tel *staff* i azour avek domenn travay ki zot ladan. Mersi.

**MR DEPUTY SPEAKER**

Mersi Onorab. *Panel*.

**MINISTER ROSE-MARIE**  
**HOAREAU**

Mersi Onorab. E mersi Mr Chair. Onorab, mon kapab asir ou sa i dan nou plan pou lannen prosenn. Nou'n donn bokou bann ankadreman bann *DAs*. La prezan nou bezwen al get en pe nou bann *office managers* ek nou bann *office assistants*, pou ki tou dimoun prezan i mont lo en nivo en pe pli o.

E me selman, mon kapab dir ou antre nou *within the*

*Ministry* nou fer bann pti *training* antre pou nou bann *OMs* ek nou bann *OAs*. Nou'n rankontre zot. Nou'n regard en pti pe ki zot bezwen. E nou Departman *HR* li i pe toultan regarde kote, lekel ki bezwen kwa.

Akoz *training* i pa *one size fits all*. Ou bezwen fer ou *training* spesifikman baze lo bezwen sa dimoun. Alor sa ki ou'n dir la nou asir ou poudir i dan nou plan pou nou fer. Mersi.

### **MR DEPUTY SPEAKER**

Mersi *panel*. *PS*.

### **PS KEVIN PERINE**

Mersi Mr Chair. Zis pou osi azout lo sa ki Minis in dir akoz nou en Minister ki vremen met lanfaz lo devlopman dimoun. E Minis in la plizyer repriz ek *management team* nou'n fer bann *workshops* ek bann *training*.

E sif a ler aktyel nou annan 12 *staff* ki pe *attend training* *Guy Morel Institute*, kot zot pe fer zot *Diploma* dan *General Management*. Nou annan nou 3 ki pe fer *Masters* lo nivo *Public Administration*.

E nou annan nou plis ki 27 *staff* ki dan tou kours *from top management to bottom*, ki pe *attend* bann pti *short course*

*training* konman en *refresher SIM*. E sa i reste nou priyorite pou 2024. Mersi.

### **MR DEPUTY SPEAKER**

Mersi *PS*. Prosenman lo mon lalis, Onorab Arissol.

### **HON SANDY ARISSOL**

Mersi Mr Speaker. Bonzour Minis avek ou lekip. Bonzour tou dimoun ki a lekout. Mr Speaker, mon ti a kontan konmanse par felisit Minis avek *PS*. Mon anvi felisit zot parske lapros ki zot ti pran letan zot ti antre kote *Local Government*.

Parske kestyon ki mon'n tann Onorab Wallace demande. Parske letan zot ti antre kot *Local Government* tou dimoun ti krwar zot pou al pous tou bann dimoun ki travay laba.

Akoz laba sete tou bann *SPPF* ki ti travay. Me malerezman nou *motto* se "Sesel pou tou son zanfan". Ozordi mon kontan letan tou bann dimoun ki ankor kot *Local Government*, ki anvi travay anba *Local Government*, ki ankor pe travay kot *Local Government*.

E mon kontan pou sa. Menm plizyer sa bann dimoun ti bann kandida dan eleksyon. Bann ki *PS* in mansyonnen e Bel Ombre nou annan en *case in point*.

So, e nou annan e nou annan bann dimoun ki ti deza DA. E lot kote zot konnen zot. Me sa ki gou avek tousala se ki sa bann dimoun nepli al zot *rally* e nepli annan konfyans dan zot ankor. E pou sa mon pli kontan sa bann dimoun ankor.

**(APPLAUSE)**

**HON SANDY ARISSOL**

Dezyenman mon anvi Mr Speaker - mon anvi zis *remind* ou poudir se dimoun Mont Buxton ki ti elekte ou an gran mazorite, pou vin Manm Elekte pou Distrik Mont Buxton.

**(APPLAUSE)**

**HON SANDY ARISSOL**

E mon anvi fer *remind* ou poudir se nou *Caucus LDS* ki ti elekte ou pou vin Depite Speaker nou Lasanble Nasyonal.

E pou sa nou *happy* travay ki ou pe fer pou ou kapab diriz Lasanble Nasyonal. E an menm tan dir de parol pou bann dimoun ki'n elekte ou. Ou pa kapab negliz zot pou sa. Alor bon travay Mr Depite Speaker e bonn kontinyasyon dan sa ki ou pe fer.

**MR DEPUTY SPEAKER**

Mersi Onorab.

**HON SANDY ARISSOL**

Mon anvi siport osi Onorab Rocky Uranie. Onorab Rocky Uranie in fer en pwen enportan an relasyon avek later, pou bann dimoun pou letan i annan en lanterman. Parske pa tou dimoun ki kontan brile. I annan bann dimoun ki ankor sener krwar poudir aköz i ti ne an pousyer parey Labib i dir, alor i bezwen retourn an pousyer laba.

Alor mon krwar i bezwen annan en travay ki ganny fer ant ou Minister Minis, avek lezot Minister. Parske nou annan dimoun ki ankor – e pa bliye nou ti annan en Lalwa ki nou ti pase dan Lasanble Nasyonal *Curator*.

Pou ki en *Curator* i kapab apwent en Egzekiter zisteman, parske sa dimoun aze in fini dir ek son Egzekiter poudir ler mon mor mon pa oule ou bril mwan. Mon ti a kontan ou fer sa, sa ek mwan. Aköz sansan son bann zeritye pou al met ou Ankour, poudir ou pann egzekit sa ki gran tantin ti dir ou fer oubyen gran tonton.

So mon krwar i enportan annan sa bout pou nou rode. E pa bliye par souvandfwa kot nou pase dimoun i dir ek ou sa later Anglikann, sa later Katolik, sa later Anglikann.

Sa osi en travay ki nou kapab fer ek bann legliz, pou nou rode ki mannyer nou zwenn zot lanmwaye semen avek bann later ki zot annan, avek sa pti gin ki Gouvernman i annan pou fasilite sa ki Onorab Rocky avek lezot Manm in dir.

Parske mon konnen i annan plizyer bann dimoun ki ou vizite zot. Zot ensiste ki zot pa anvii ganny brile. Zot pa *believe* dan brile. Me zot ti a kontan sa servis ki nou'n abitye avek depi lontan. E pou zot sa i en keksoz santimantal.

Mon ti a kontan demann Minis *in regards to* nou Bel Ombre parey mon tann plizyer Manm pe dir. Nou lofis i vye, nou lofis pe tonbe Bel Ombre. Nou napa bokou travayer nou menm. Nou annan en pti *computer* nou menm nou. Nou napa sekirite nou menm.

Be selman mon anvii dir ek Minis nou pe travay Bel Ombre. Nou pe fer en zoli travay Bel Ombre. E tou nou bann proze Bel Ombre i materyalize. Tou sa ki nou demande avek tou bann servis ki nou gannyen avek ou bann *staff* Mr Adeline, Mr Arnephy.

Nou lo bon semen ziska prezan. Nou gannyen bann serten pti difikilte. Wi nou pe *deal* avek. Be selman mon

bezwen dir poudir i annan en travay ekselan. Letan bann dimoun pe felisit zot *DA*. Mwan mon anvii dir ek zot poudir mon kontan mon *DA* Tahiri Laurencine. Wi mon kontan mon *DA* parske i pe fer en zoli travay.

Mon pa konnen si i *SPPF* si i *LDS*, selman sa ki mon konnen i pe travay pou dimoun Bel Ombre. E sa pou mwan i ekselan, parske mwan ki Manm *LDS* elekte pou distrik Bel Ombre. E li i fer en travay konman *DA* pou dimoun Bel Ombre. E sa pou sa mon *faithful*.

Be kekyon mon ti a kontan demann zot, se mon'n tann pe koz en pe an relasyon avek bann *day care facilities*. Mwan mon pa anvii al kot *SIA*. Mwan mon anvii demann avek zot eski i annan demann lo bann distrik an relasyon avek *day care facilities*? Parske i annan bann dimoun parey zot konnen ki ankadre bann zanfan bann landrwa en pe pti pe, sere, napa *parking* e i vin difisil pou bann paran.

Eksi i annan demann? Par egzant Bel Ombre mon konnen en dimoun mon annan dimoun mon konnen ki pe fer sa lo en baz ase eleve profesyonnel. Eski i annan demann ki vin kot *Local Government* an relasyon avek

bann fasilite par egzanp, pou nou annan bann *day care facilities* dan bann distrik pou ki i fasilite lavi bann manman, bann papa ki bezwen deplase pou al travay. Mon ava aret la Mr Speaker. Mersi.

**MR DEPUTY SPEAKER**

Mersi Onorab. Mon ava envit *panel* pou komantr son dernyen pwen.

**MINISTER ROSE-MARIE HOAREAU**

Mersi Onorab. Mersi Mr Speaker. Mon ava les *PS* pran sa kestyon silvouple.

**PS KEVIN PERINE**

Mersi *Minister*. Mersi Onorab. Sa ki konsern *day care facility* parey sak dimoun i annan son spesifisite ki li i bezwen. E wi, nou gannyen pa mal *request* par fwa ki vini pou bann *day care facilities*. E sa kot nou antre dan diskisyon avek sa dimoun.

Parey ou'n *rightly said* Onorab i annan landrwa kot i annan. Mon a donn en legzanp tipik Perseverance letan nou ti fer sa legzersis. Ki zot pli anv si en *day care*, si en sant kominoter.

e mazorite dimoun ti *tick* pou en sant kominoter. Nou ti fer en legzersis ouver. Savedir

nou kapab antre dan sa bann negosyasyon ankor ek sa bann distrik, gete vremen kwa ki pli bezwen priyorite pou zot. Me demann i reste touzour akoz pou annan en *day care centre* dan sak distrik.

Akoz sa i ede soulaz bann paran letan pe deplase pou al travay. Demann i reste me later i reste en konstrent. Me selman sa ki konsern pou nou fer seleksyon *day care Local Government* nou menm nou, nou pa *allocate* dimoun avek selekte poudir ou'n ganny sa *day care* pran pou ou.

Non, prosedir i ganny fer kot *again* ki ou bezwen al lo *tender involve IECD, involve bann lezot partner Minister Ledikasyon*. En *panel* i ganny *set. Interview* i ganny fer avek sa bann aplikan e desizyon i ganny fer par *panel*. Nou, nou zis donn zot sa *building* e nou zer *building*. Mersi.

**MR DEPUTY SPEAKER**

*Minister*.

**MINISTER ROSE-MARIE HOAREAU**

Wi Mr Chair, si mon ti kapab zis azoute sa legzanp ki *PS* in donner lo Perseverance. Rezon akoz dimoun ti dir zot ti a prefer en *Community Centre*, se akoz *childminding* i en keksoz ki pe



deza ganny fer bokou dan Perseverance par bann endividyel. Alor konmsi sa pe deza ganny *taken care of* alor zot dir zot ti a prefere en sant kominoter. Mersi.

**MR DEPUTY SPEAKER**

Mersi *panel*. Pou sa enn *round* i reste nou en Manm ankor ki'n endike i le demann kestyon. Apre nou pou bouz lo bann kestyon ki annan pou fer avek SIA. Me a sa pwen konman Manm Elekte pou Distrik Mont-Buxton ki ti ganny elekte an 2020 avek 58.5poursan vot ouswa 1449. Mon annan sa 3 pti pwen ki mon le fer lo lapar distrik Mont Buxton ki form parti Lasanble Nasyonal.

Premyerman, mon le fer en komanter konsernan *sports allocation*. Mon'n note ki okenn – ki alokasyon Mont Buxton pa'n ganny koupe. Alor zisteman mon oule ankouraz bann lekip dan Distrik Mont Buxton pou asire ki zot anrezistre.

*(Members of the US gradually walked out in protestation when Mr Deputy Speaker was asking his question)*

**MR DEPUTY SPEAKER**

E ki tou zot bann formalite i annakor avek lentansyon

Gouvernman pou asire ki *non-profit sector* i *above board*, pou ki Sesel pa ganny regarde dan en serten fason. Sa mon le ankouraz zot e felisit zot pou sa.

De pwen ki mon le ganny komanter *panel*. Lo prosedir travay dan Ladministrasyon Distrik. Ki mannyer sa Bidze i kapab asire ki tou bann prosedir travay i ganny mete an nwanr e blan?

Pou ki ler i annan en keksoz ki Biro Ladministrasyon Distrik pe *deal* avek, napa okenn letap dan sa prosedir ki ganny manke e ki apre i vin en problem. Si mon donn de legzanp resanman Minis Transpor ti vin la ti koz lo en *case* kot Gouvernman pe ganny demande konpansasyon \$8 milyon.

Akoz *the procedure by the DA and MNA back then*, pa ti korek. Ouswa nou ankor pe ganny problem vizavi bann proze ki'n ganny fer ant 93 a 98. Sa i enn.

So, *working procedure* ki mannyer Bidze 2024 pou fer provizyon pou sa? E mon dernyen pwen i annan en alokasyon R1.5 milyon konsern Biro Ladministrasyon Distrik Mont Buxton. Mon anvi konnen *what is egzakte*man sa sonm pou ganny servi pou? Mersi.

**MINISTER ROSE-MARIE HOAREAU**

Mersi Mr Chair. Mersi Onorab an menm tan. Mon a zis dir sa 1.5 milyon mon a pran sa *case* sa bout dernyen R1.5 milyon sa pou ganny servi pou renovasyon. Akoz vreman sa sant i demann bokou fer lo la.

E *regarding* prosedir - ou kestyon avan - *regarding* bann prosedir mon ti a prefere – mon ti a zis dir en pti pe an gro, apre mon a les *SIA* pran detay. Se ki avek sa nouvo ladministrasyon kot *Local Government* la, nou toultan pe rod fason ki mannier nou pou kapab ariv finalman, parey nou dir - met premye pyer. Me selman tout an rekonnèt e swiv tou bann lezet formalite byen, pou nou kapab arive.

Mon konpran annandler keksoz i tarde. Me selman sa i annan bann diferan rezon ki mon ava les *SIA* eksplike. Me selman zis an gro poudir ki kot Minister, nou pran bann konmsi bann – nou le ki nou bann proze i fini a ler. Nou le nou bann proze i fini dan sa *time frame* kot nou ti dir i pou fer - i pou arive.

Alor i en travay ki toultan ou bezwen toultan pe revize, re gete, fer sir, fer sir. I pa posib pou ou zis dir be la in ariv kot

*SIA*, nou kit kot *SIA* les zot prezan fini fer lot bout.

Be nou kot Minister akoz i nou proze ki pe ganny delivre atraver *SIA*, nou toultan pe pouse. Mr Arnephy avek *CEO* Shah i kapab dir ou. Nou, nou enn bann Minister ki toultan pe pouse pou son proze. Nou enterese akoz nou le *succeed*, nou le *meet* nou *target*. Nou le delivre sa ki nou dir nou pou fer.

E mon krwar konpare ek lannen pase, sa lannen nou'n sot nou *target*, sorti 140 proze nou'n vin 155. Alor deza sa i montre sa lantouzyazm avek sa lentere. Ki wi, nou bezwen fer sa bann formalite. Me selman nou deryer kot *Local Government*, nou pe pouse pou nou kapab fer sir ki nou avek *SIA* ansanm, nou delivre lo bann proze ki nou anvi war debout.

E mon byen kontan ki sa lannen la Mr Arnephy avek Mr Shah in asir mwan, ki sa bann gro proze ki nou'n koze Perseverance, Les Mamelles, Cascade, ensidswit la, sa bann gro proze premye pyer pou ganny mete byento.

Me li i ava donn zot plito bann *time frame* pou kapab soulaz dimoun, fer zot konpran poudir tou bann *MNAs*, tou bann *DAs*. Wi *Local Government* nou le delivre. Nou le fer *as*

*maximum* bann proze ki zot, zot vin avek ki zot vwar i nesese pou zot kominote. Mersi Mr Chair.

**MR DEPUTY SPEAKER**

Mersi *Minister*. Donk aprezan ki nou pou fer nou pou retourn – non. I annan en *MNA* ki – Onorab Arissol mon vwar ou lanmen.

**HON SANDY ARISSOL**

Wi, wi mon anvi zis letan ou pe donn – avan ou donn Onorab Georges laparol pou *SBC*, rikord *SBC* ek bann dimoun, ki pa konnen deor pou fer konnen ki bann *US* in *walkout*. Tou bann ki napa en distrik, zot in *walk out* e tou bann ki annan distrik prezan in ganny forse pou al avek zot deor. Pou zot pa kapab koz lo zot Bidze e lo pou donn en sipor *Local Government*. Pou rikord *SBC*. Mersi bokou.

**MR DEPUTY SPEAKER**

Mersi Onorab. Onorab Georges laparol i pou ou.

**HON BERNARD GEORGES**

Mersi Mr Speaker. Mr Speaker, mon ti anvi remersye bann Manm ki'n reste dan lasal pandan ki ou ti pe koze, pou zot bon manner. Nou'n ganny byen elve, e ler Speaker i koze

nou reste, e *respectueusement* nou ekout Speaker.

Nou pa koz atraver Speaker, e nou pa leve pou ale, e montre ledou Speaker Lasanble. Se koumsa ki nou lo sa kote latab nou montre respe pou sa Lasanble.

**(APPLAUSE)**

**HON BERNARD GEORGES**

E nou montre respe pou sa bann dimoun, Minis ek son tim ki nou'n envit dan Lasanble pou vin ed nou avek depouyman sa Bidze. Mr Speaker, i kler ki i annan dan sa Lasanble, 2 kategori Manm. Sa bann ki'n ganny byen elve ek sa bann ki malelve.

Mr Speaker, sa ki ou'n fer bomaten i annan en presedans. Se pa ou, se pa ou ler ou dan sez *Speaker* ki'n konmans koz an faver ou distrik. Sa in konmanse depi letan Speaker Pillay. Mr Patrick Pillay e in kontinyen par Speaker Prea. Akoz sa de dimoun tel parey ou ti'n osi ganny elekte dan zot distrik.

**(APPLAUSE)**

**HON BERNARD GEORGES**

E dan nou Lasanble kekfw bann ki'n fek vini pa konnen. Dan nou Lasanble nou annan

de keksoz. Enn se *Standing Orders* enn se pratik Lasanble. E pratik Lasanble annan de fwa i *supplement Standing Order*. E sa set en keksoz ki mon ti a kontan ki Lepep Seselwa deor i konpran. Pou zot konnen akoz sa bann keksoz i arive.

Mr Speaker, avek sa detrwa mo, mon ti a kontan felisit Minis avek ou tim e osi ou bann koleg Minis, pou sa travay ekstraordiner ki ou, ou fer e ki zot, zot fer pou devlop nou pei depi 2020 ler ladministrasyon in pran son pozisyon.

E an partikilye Mr Speaker, mon ti a kontan remersye Minis pou lefet ki apre 3 manda kot mon'n koz lo *day care*, sa enn Gouvernman in ekout mwan e zot pe al delivre en *day care* pou Les Mamelles.

**(APPLAUSE)**

**HON BERNARD GEORGES**

I fer mwan mazin ladministrasyon presedan ki ti promet e pa delivre. Ki ti promet 24 lakaz dan 24 mwan Les Mamelles. E ki'n delivre 8 e in soul nou 16.

*At least* sa enn Gouvernman ler zot fer en promes zot delivre. E mon kontan dir ou Minis, silvouple dir avek ou tim ki bann zabitan Les Mamelles i byen kontan. E i

remersye ou tre for, pou sa travay ki ou'n fer e pou sa *day care* ki ou pe al donn nou.

Kontinyen ou bon travay lo sa kote latab ou ava nou sipor toultan. Mersi Mr Speaker.

**MR DEPUTY SPEAKER**

Mersi Onorab. Nou – ou pe ti napa kestyon pou ou zis komanter. Donk aprezan in ler pou nou pas lo bann pwen ki konsern *SIA*. Alor nou pou fer en lesanz la ki Madanm Valentin ava al lo *side table*.

E Mr Arnephy i ava zwenn nou.

**HON SEBASTIEN PILLAY**

*(Off-Mic)*

**MR DEPUTY SPEAKER**

Mon'n not lanmen bann Manm Lopozisyon. Mon pa pran ni *point of order*, ni *matter of privilege*. Akoz tou bann Manm ki ti annan kestyon *with regards to SIA* mon'n note.

So nou pou kontinyen avek nou program travay. E premye Manm sete Onorab Arissol ki ti annan en keksoz, pou fer avek Anse Louis, Sant Kominoter en keksoz koumsa. *Proceed* avek ou kestyon Onorab. Mersi.

**HON PHILIP ARISSOL**

Mersi Mr Chair. Mon kestasyon ti vize ver *Recreational Centre* Anse Louis avek son *playing field around*. Mon ti a kontan konnen ki pou arive avek vi ki mon pa'n vwar dan *PSIP*. Mersi.

**MR DEPUTY SPEAKER**

*Proceed.*

**CHIEF OPERATIONS OFFICER KEITH ARNEPHY**

Mersi Onorab pou ou kestasyon. Mersi Mr Chair. Onorab, ou korek sa proze i pa *feature* lo *PSIP* pou 2024. Me selman parey ou konnen bann distrik ki sipoze pe *submit* tou bann lalis proze. *Actually*, laplipar distrik in fini *submit* zot lalis proze.

Me selman zot annan ziska lafen Novanm pou zot fer sa. So nou kapab zisteman konmans *plan ahead* for lannen 2024.

E ki nou pou fer *once* ki nou annan tou sa lalis proze ansanm avek Minister Gouvernman Lokal, nou ava zwenn ek zot pou nou *strategize* ki mannyer sa proze, ki en proze enportan pou Anse Boileau. I ganny priyoritize pou lenplimantasyon 2024. Mersi.

**MR DEPUTY SPEAKER**

Mersi Mr Arnephy. Prosenman se Onorab Porice ti annan en

keksoz pou fer avek Anse La Blague?

**HON DOYACE PORICE**

Mersi Mr Speaker. Mon ti'n demann avek *Local Government* si zot annan en plan pou Sant Kominoter Anse La Blague?

**MR DEPUTY SPEAKER**

Mersi Onorab.

**CHIEF OPERATIONS OFFICER KEITH ARNEPHY**

Mersi Onorab. Mersi Mr Speaker. Anse La Blague i osi en proze ki pa lo lalis lenplimantasyon pou lannen prosen. Akoz an se moman i pa ti'n ganny priyoritize konman en proze ki merit latansyon.

Me selman ki mon konsey Onorab ansanm avek Gouvernman Lokal nou kapab zwenn ansanm ankor, pou nou regarde. I pou difisil pou nou met sa proze pou 2024.

Me selman *by all means*, nou ava zwenn pou nou kapab gete kote mwayen i permet, resours i permet. E an menm tan ki fonksyon sa lespas i annan si vreman nou devret pe *allocate* resours lo la pou nou kapab fer proze arive.

**MR DEPUTY SPEAKER**

Mersi Mr Arnephy. Prosen Manm sete Onorab Roucou

konsernan *day care* Mont Fleuri.

**HON MICHEL ROUCOU**

Ok, mersi Mr Chair. Annefe Minis mon kestyon ti – mon war 2.5 milyon pou *day care* Mont Fleuri. Ki mon ti anvi konnen, eski kan ki sa proze pou demare anvi ki nou pe al dan bann letan Desanm, ki mon mazin *day care* pou fermen.

Si travay ki la aprezan pou konmanse. Oubyen si *day care* ki la pou bezwen bouz bann zanfan ek son *teacher* dan en lot landrwa? Mersi.

**MR DEPUTY SPEAKER**

Mersi Onorab. *Panel?*

**CHIEF OPERATIONS OFFICER KEITH ARNEPHY**

Mersi Onorab. Mersi Mr Chair. Onorab, sa proze i en proze ki nou pe *plan* pou konmans li 2024. Definitivman resours ki *available* pou 2024 i R2.5 milyon dan Bidze. Bann resours ki nou bezwen pou konplet sa proze i de fwa sa.

Parey ou vwar dan Bidze la balans Bidze pou *spillover into* 2025. Savedir sa proze malgre i pou konmans 2024 i en proze ki pou fini 2025.

Ki nou pou fer *from now* ziska ler sa proze i konmanse. Nou pou travay avek nou

*counterpart* Minister Gouvernman Lokal pou zisteman idantifye sit alternativ pou asire, ki Mont Fleuri pa perdi sa servis *whilst* sa proze i an mars.

**PS KEVIN PERINE**

Zis pou osi azoute dan bann proze Mont-Fleuri nou pou bezwen fer renovasyon lo sa sant sosyal ki deza la. E letan sa i ganny fer i ava permet nou, pou nou kapab bouz bann zanfan dan sa sant sosyal tanporerman, pou nou kapab konstrir sa *day care*, parey nou'n fer dan bann lezot distrik ki pa afekte loperasyon servis sa bann dimoun. Mersi.

**MR DEPUTY SPEAKER**

Mersi PS. Lot Manm ki mon ti'n note ki parti son kestyon pa ti reponn, aköz ti annan keksoz pou fer avek SIA. Sete Manm Elekte Ile Perseverance, Onorab Bastienne.

**HON DESHEILA BASTIENNE**

Mersi Mr Chair. Mr Chair, mwan mon kestyon ti releye avek konstriksiyon Sant Kominoter. Si Minis ti pou kapab donn nou en dat, en dat presiz oubyen en mwan ki i pou konmanse? E apre lo son depans sa 4 milyon si i pou kapab konplet nou asire pou konplet nou sant. Mersi.

**MR DEPUTY SPEAKER**

Mersi Onorab. *Panel?*

**CHIEF OPERATIONS OFFICER KEITH ARNEPHY**

Mersi Onorab. Onorab, pou Distrik Perseverance *you are right*. Sa proze *has been on the cards* pou detrwà lannen. Nou kontan pou anonse poudir plan pou sa proze in fini ganny prepare.

I annan bann diskisyon, bann enteraksyon ki'n arive avek Gouvernman Lokal avek distrik *as well*. Pou fer sir sa proze i aktyelman *deliver* sa ki fonksyon ki i sipoze pe fer.

In pran nou en pti pe letan pou annan met bann later, propriyete annord. Me selman sa osi in konplete. Sa lannen nou ti annan nou R1.5 milyon dan Bidze. Ler mon dir sa lannen, 2023 pou lenplimantasyon sa proze.

E sa larzan i zis ase pou nou fer en *down payment*, en *advanced payment* lo sa proze. Nou espekte sa i ganny fer avan lannen fini. E proze boner lannen prosen Zanvyé i kapab pe konmanse.

E ankor i pa en proze – i en proze ki nou ekspekte li fini *within* 12 mwan. Savedir kan lafen lannen nou espere ki proze i ava konplete *as well*.

2025 ou a kapab pe *enjoy* sa fasilite.

**MR DEPUTY SPEAKER**

Mersi Mr Arnephy. Onorab Monthy, osi tou ti annan en konponan ou kestyon. Mon ti'n note ki annan pou fer avek *SIA*.

**HON PHILIP MONTHY**

Mersi Mr Chair. Dan menm laliny parey Onorab Bastienne pou Perseverance. Vi ki Cascade 12 an zabitan pe espere. Zis donn nou en pti *timeline* kan ki sa batiman aktyel la pou ganny demoli.

Akoz mon ti'n ganny dir dan dernyen *meeting*, ki mon ti annan ki lafen dimwan Novanm demolisyon ti pou konmanse. So donn nou en pti *update* lo la. E kan ki sa proze li menm i sipoze konplete? Mersi.

**MR DEPUTY SPEAKER**

Mersi Onorab. *Panel?*

**CHIEF OPERATIONS OFFICER KEITH ARNEPHY**

Mersi Onorab. Mersi Mr Speaker. Proze Cascade *as well*, i en proze ki nou ti'n *plan* pou konmanse Novanm. Nou en pti pe an retar. Proze pou ganny *tender as from* semenn prosen. E i ekspekte konmanse ver lafen Zanvyé lannen prosen.

I osi larzan ki nou annan dan Bidze sa lannen, i ase pou nou fer peyman en davans. E la mazorite larzan i kouver dan Bidze 2024.

Parey ou'n kapab konstate pli boner ou'n koz lo en pti pe. I pou annan neseseite re *locate* bann fasilite ki dan Biro Ladministrasyon Distrik *currently*.

Me sa travay i deza an mars e *hopefully by the time* ki proze pe demare, nou a konpran en pti pe pli byen pou re lokasyon. E i ava mars ansanm pou ki sa proze i kapab konmanse *on time* Zanvye 2024.

Nou ekspekte en proze ki pou fer *within* 12 mwan *as well*. So, i osi nou ekspekte konplete *as from* lafen 2024. So ou kapab pe servi sa fasilite 2025.

### **MR DEPUTY SPEAKER**

Mersi Mr Arnephy. Onorab Hoareau osi ou ti annan en konponan ou kestyon lo SIA.

### **HON JOHN HOAREAU**

Mersi Mr Chair. Mr Chair, mwan mon ti a kontan konnen si sa lannen pou annan *roll over* larzan, pou bann proze ki'n ganny soumet, me ki pa ankor delivre.

Akoz nou annan en *backlog* lo bann proze dan Beau

Vallon, ki pa ankor ganny materyalize. Mersi.

### **MR DEPUTY SPEAKER**

Mersi Onorab. *Panel*.

### **CHIEF OPERATIONS OFFICER KEITH ARNEPHY**

Mersi Onorab. Mersi Mr Speaker. Mon pou fer en pti bilan en pti gin lo ki mannyer nou ete avek lenplimantasyon proze zeneral. Minis in koz lo la en pti pe pli boner, me selman mon a donn en pti pe plis detay en.

*So currently* SIA i annan 284 proze dan lanmen ki nou pe *deal* avek. Dan sa 284 proze, i annan 209 proze ki swa dan faz lenplimantasyon swa in konplete, en? So dan sa 209 i annan 155 ki'n konplete. E nou espekte konplet en lot 29 proze avan lannen konplete.

So, i reste en balans apepre 25 proze pou konplete, en. So nou apresye poudir *roll over* i pa nesese bann *best practices*. Me selman kwa ki nou pe fer diferan sa lannen avek bann lannen presedan, se nou'n annan en konversasyon avek Finans.

Mr Commettant i ava *provide* en pti pe plis lenformasyon, ki *only* proze ki annan komitman lo la. Savedir proze ki dan staz *tender* par



egzanp, ki zot pou konsider *roll over* bann *fund*. Avek sa mon ava pas laparol avek Mr Commettant pou en pti pe plis konteks. Mersi.

**DEPUTY            COMPTROLLER**  
**GENERAL            JUDE**  
**COMMETTANT**

Bonzour tou dimoun. *Thank you, Keith. Thank you, Mr Chair. Thank you* Onorab. *With regards to* bann larzan pou bann proze ki pa konplete; parey mon ti'n deza eksplike dan en diskisyon oparavan, i annan sa posibilite kot nou *rollover* larzan me selman i pa en prosedir otomatik.

Ki nou pou gete se sertenman si sa proze i en proze ki'n annan en komitman ase signifikan. *As in swa* in annan en *tender* ki'n fini ganny – en *award* ki'n fini ganny fer ou in fini siny en kontra. Ou menm louvraz in fini konmanse.

E sa larzan i ekspekte fini ganny servi boner *in the next year*. Or i en proze ki – en keksoz ki nou pou kapab zistifye, akoz i vin en *audit query*. Kan lafen lannen i arive kot nou war en bon pe bann *suspense account* ki'n ganny ouver ki larzan pann ganny servi. E se sa ki ou war nou pe adopte en pe sa prensip.

E parey mon pe dir i pa neserman ki i en keksoz otomatik. Menm si i pou'n *meet* sa bann kriter, nou pou bezwen get li ansanm avek *fiscal space* osi a lafen lannen. Mersi.

**MR DEPUTY SPEAKER**

Mersi Mr Commettant. Onorab Cosgrow ou *next* Manm ki mon ti'n note ti annan en konponan SIA dan ou kestyon.

**HON WALLACE COSGROW**

Mersi Mr Chair. Wi, Mr Chair, mon kestyon se ki konsern proze, ler mon pe get *website Tender Board* mon war i annan pou lannen 2023 i annan 18 proze ki'n ganny *advertise* lo *website Tender Board*. Ladan i annan 13 proze ki'n ganny *tender* apre sizyenm mwan lannen, savedir apre Zen an montan.

So mazorite zot bann proze pe ganny *tender* tar, *well* apre sizyenm mwan lannen. Tar or mon pa konnen si zot pou dir li tar, me selman i apre. *Now*, eski zot kapab dir nou akoz mon pa pe war bann pti proze distrik, bann ki al dan kategori sak distrik. Eski zot kapab dir nou si sa bann proze i al ver *Tender Board* ouswa ki mekaniz *procurement* zot pe servi?

Aprè si zot kapab dir avek nou an term proze ki

poursantaz *completion* zot in arive ziska la aprezan? Mon konnen zot ganny bann *report every now and then*. Mon pa konnen si Mr Commettant ki ankor donn sa bann *report*. Me selman mon konnen zot ganny sa bann *report*. So ki poursantaz proze konman en Minister zot in arive ozordi? Mersi.

### **MR DEPUTY SPEAKER**

Mersi Onorab. Mon krwar pou konplisyon proze dan son lentrodiksyon, Minis ti mansyonn en sif apre Mr Arnephy in fek donn nou en sif la. Me tout menm zot ava kapab re konfirman kwa.

### **CHIEF OPERATIONS OFFICER KEITH ARNEPHY**

Mersi Onorab. Mersi Mr Speaker, pou ou kestyon. *Ok*, tou bann proze ki nou enplimante lo lapar *Local Government* e bann lezot *MDAs for that matter*, nou sivre strikteman *procurement regulation*. Kwa ki nou fer diferan en pti pou *Local Government* akoz zot bann proze i enkli bokou bann pti pti proze.

So, sa i ganny groupe dan en *batch tender*. Savedir nou annan en *procurement plan* ki nou fer lo konmansman lannen

parey nenport ki *MDAs*. E *from there*, mon krwar dan la gran poursantaz nou'n – *Local Government* i en landrwa ki nou kapab respekte strikteman zot *procurement plan*. E nou'n kapab *tender* bann proze preski tou zot bann proze *as per the yearly plan* en.

So bann proze ki mannyer i ganny fer i ganny pibliye konman en *batch*. E *from there* i annan bann diferan proze ki kouber - mon krwar nou'n fer apepre 6 *batch* proze par lannen. E *from there* bann kontrakter i reste bann *bidding document* e *site visit* i ganny fer. E bann proze i ganny *submit* kot *Tender Board*, en?

Ki arive en pti pe lo bann proze ki tonm anba *threshold* sa Minister, *threshold* ki *PS* i aprouve bann proze ki anba 250 mil, ankor ki arive dan lenstans pou *quality control* dan lenstans pou annan plis kontrol lo lekel kontrakter ki fer sa travay, pou annan plis kontrol lo kalite sa travay.

I annan bokou lenstans ki nou fer *selective tender*. E ki mannyer sa i ganny fer *the project team* i *usually* fer rekomandasyon, pou annan en *short list of at least 7* kontrakter dan sa bann lenstans. Sa i ganny mete a latansyon *management SIA for approval*.

Once ki sa i ganny aprouve sa 7 dimoun i ganny ekrir.

E en *site visit* i ganny organize. E organize pou en *public submission of tenders*. Sa i ganny ouver. I ganny mete dan *Evaluation Committee*, ki then i met son rekomandasyon devan *PS Local Government for approval*. *In line with the procurement regulation*.

Mon a koz en pti pe lo poursantaz zeneral lo performans proze kot *Local Government* depi *the past year*. I annan 2 kestyon mon ti'n note taler. Enn sorti kot Onorab pou distrik Anse Etoile, lot en pti pe Onorab St Louis ki'n koz en pti pe lo *quality of work*. Apre performans kontra an term dirasyon proze.

Nou'n remark en *improvement* ase enportan *over the past year*, en, lo proze. E ki nou vwar laplipar pa laplipar i annan ankor en ta *room for improvement*. Me selman sa prosedir in konmans.

Nou'n remarke ki apepre 75poursan bann pti pti proze ki nou pe *tender*, i fini a ler. Si i pa fini a ler kantite letan ki i depas son bann dirasyon i pa dir plis ki 2 semenn. Sa i rezilta en pti pe bann travay ki nou'n met ater depi ki nou'n ganny kree.

Parey mon dir i annan ankor en ta lespas pou nou fer

*improvement*. I pa vedir ki travay i fini la nou pa satisfè. Me selman ki nou'n fer, nou'n *improve reporting format*. I obligatwar pou ou ganny rapor e bann rapor i ganny fer swivi lo la.

Nou'n *improve* en pti gin lo ki mannyer nou enterakte avek kontrakter. Parey Minis ti pe dir pli boner, ler i annan *issues* pou touzour annan *issues* lo proze.

Akoz proze i bann keksoz ki *very fluid*. E ki ler i annan *issues* ki nou pa zis *basically* met deryer. Nou pran ka pou nou adrese. Nou travay ek bann kontrakter. E nou pe menm al dan laliny konmans deba bann kontrakter ki pa pe performen.

So, sa i pe konmans montre serten rezilta. Me selman parye mon pe dir i annan ankor lespas pou nou fer pli byen. E i en travay ki nou pe kontinyen fer avek lobzektif, pou fer sir ki nou larzan i ganny depanse en pti pe pli byen e en pti pe pli efektiv. Mersi.

### **MR DEPUTY SPEAKER**

Mr Arnephy, par lefet ki ou'n mansyonn Onorab St Louis, Onorab Naidu. I ti osi annan en lot konponan son kestyon lo *high cost of* bann proze ki i santi Lotorite Distrik napa en *say* ladan. Si ou ti kapab adres sa silvouple. Mersi.

**CHIEF OPERATIONS  
OFFICER KEITH ARNEPHY**

Ok. Mersi Mr Chair. Ok, proze parey nou konnen i ganny *tender* piblikman laplipar i ganny *tender* piblikman *unless* i anba *threshold*. E *from there* ki nou fer *it is awarded to the most responsive bidder*, en. I pa neseler *to the lowest bidder*. Me selman *bidder* ki'n respekte tou bann formalite *tender*.

E *from there* sa proze i ganny *awarded*. I al dan lenplimantasyon i konmans e swivi i konmans ganny fer. Mon krwar kekfwa en pti pe ou konsern ki mon'n tyonbo i *quality of the work*.

**MR DEPUTY SPEAKER**

Non, *high cost* sa.

**CHIEF OPERATIONS  
OFFICER KEITH ARNEPHY**

*Cost* avek *quality* i devret mars ansanm, en? Si nou pe ganny en kou eleve *to* en proze ki'n ganny *design* *to* a spesifikasyon, nou espekte i pe ganny fer lo en serten nivo ki akseptab. Parey mon dir in annan *improvement* dan sa dernyen 12 mwan ki'n pase. I en keksoz ki pe kontinyelman ganny arive.

*But* nou'n note sa pwen e nou ava fer sir poudir *going*

*forward*. Parey zot fer byen zot tou. Mon krwar ler zot annan en konsern zot touzour anmenn a laporte nou menm, nou pou nou kapab pran aksyon lo la.

*So, will take note of that* e nou a fer sir poudir i annan bann swivi neseler, e aksyon neseler *as well* i ganny pran pou nou kapab fer sir bann proze i ganny *deliver to the quality, standard* ek *time* respektab. Mersi.

**MR DEPUTY SPEAKER**

Mersi Mr Arnephy. Onorab Woodcock dan ou kestyon ou osi, ou ti annan en konponan SIA pou en proze Praslin.

**HON WAVEL WOODCOCK**

Wi Mr Chair. Annefe mon kestyon ti lo sa size sa *Community Centre* Grand Anse, Praslin. I en alokasyon 750 mil pou sa lannen apre 50 mil pou lannen prosen. Me mon'n aprann ki travay prezan ki pe al konmans an Desanm.

Alor mon kestyon i kan ki zot pe anvizaze sa proze konplete? Akoz mon konnen i en renovasyon ase ekstansiv. Si ou kapab donn nou en pe detay kan ki sa pou finalize. Sirtou pou mwan osi vi ki mon biro osi i baze laba. So mersi bokou.

**CHIEF OPERATIONS OFFICER KEITH ARNEPHY**

Mersi Onorab. So sa proze i en proze ki'n fini ganny *tender* e pe konmanse boner Desanm sa lannen. I pe *plan* – i pa en gro proze. Nou pe espekte konplet li ver Avril 2024. E ya, apre sa i ganny *allocate* avek Lotorite Distrik pou zot kapab servi li.

**MR DEPUTY SPEAKER**

Mersi Mr Arnephy. Letan nou ti'n pran bann kestyon taler, tou bann Manm ki ti annan en konponan *SIA* dan zot kestyon, mon ti'n met en pti kod o bor. E mon satisfè ki mon'n retourn kot tou sa bann Manm.

E apre i annan bann lezot Manm ki'n lev lanmen ki ti nouvo lo *SIA*. Me malerezman kontrent letan aköz zot konnen poudir nou pou fini sa sesyon 12edmi. Donk mon pa pou pran ankor *fresh question* lo kestyon *SIA*.

Alor le moman in arive pou nou pran en vot lo Bidze ki pe propoze pou Minister *Local Government* e *Community Affairs* trouve lo paz 357 a 362, pou en sonm ki pe ganny propoze R151,506. Mon ti ava demann tou bann Manm ki an faver pou endike silvouple? Mersi. Okenn Manm ki kont?

Mersi Madanm Deputy Clerk. Rezilta vot pou *Ministry*

*of Local Government and Community Affairs* pou en sonm R151,506 i annan 21 Manm ki'n vot an faver, 5 Manm in abstenir e napa Manm ki'n vot kont. Donk sa vot pou *Local Government* e *Community Affairs* in pase.

**(APPLAUSE)**

**MR DEPUTY SPEAKER**

I reste mwan pou remerci *panel* ki ti avek nou sorti kot *Ministry of Local Government and Community Affairs*, dirize par Minis Rose-Marie Hoareau. I ti akonpanyen par son Sekreter Prensipal Mr Kevin Perine, Mr Daniel Adeline ki Direkter Zeneral pou Fasilite Distrik e Kominote. Mr Keith Arnephy ki *Chief Operations Officer* sorti kot *Seychelles Infrastructure Agency*. E osi Manmzel Marlene Valentin ki *Financial Controller* dan Minister Gouvernman Lokal avek *Community Affairs*.

Nou ti osi annan 2 zofisyè sorti kot Minister Finans sa i Mr Jude Commettant ki *Deputy Comptroller General* avek Mr Antoine Barbe ki *Director for Public Budget Management*. E mon krwar sa 2 zofisyè pou avek nou ankor pou sa lot ki vini. Apre ki pou ganny sanze non? Non zot pe ale la zot? Apre midi en lot. *Ok?*

Donk, mersi pou zwenn nou. Mon ava swet zot tou bonn kontinyasyon lazournen. Nou *adjourn* la e nou rebran travay 2er apre midi.

**(BREAK)**

**AGENCY FOR SOCIAL PROTECTION AND BENEFITS AND APPROVED PROGRAMS OF ASP**

**MR DEPUTY SPEAKER**

Bonn apre midi tou dimoun. *Welcome back* pou kontinyasyon nou travay dan *Committee Stage* lo *Appropriation Bill, 2024*. Prosen antite ki nou pou al regard son Bidze se *Agency for Social Protection including Benefits and Approved Programs of ASP*.

Nou ava demann madanm parلمانter pou apel delegasyon silvouple. Mersi. Pou benefis bann Manm, ASP nou lo paz 502 a 506. Apre *benefit and approved programs. Agency for Social programs* i lo *Section 2* paz 34.

Nou ava *welcome* delegasyon ki fek zwenn nou. Delegasyon i dirize par *Minister for Employment and Social Affairs* Madanm Patricia Francourt. I akonpanyen par

*Chief Executive Officer for Agency for Social Protection* Ms Brenda Morin. I osi annan Ms Chiara Culteri *ex-Financial Controller*.

E Madanm Vaishali More ki *Financial Controller*. E nou ava *welcome* delegasyon sorti kot Minister Finans, ki enkli Mr Patrick Payet ki Sekreter Deta e Ms Agnes Madeleine ki *Senior Finance Analyst*.

Donk, nou pou envit Minis pou fer lentrodiksyon. I annan 2 alokasyon e mon panse ki nou pou pran 2 vot pou sak alokasyon. Donk mon envit Minis pou fer lentrodiksyon e apre nou ava pran lasal bann pwen *from the Floor*. Mersi. *Minister* ou kapab *proceed*.

**MINISTER PATRICIA FRANCOURT**

Mersi Mr Chairman. Mr Chairman, *Leader* Lopoziyon, *Leader of Business* Gouvernman, bann Manm Onorab tou bann manm piblik ki a lekout bonn apre midi.

I en plezir pou mwan prezant Bidze Lazans Proteksyon Sosyal pou lannen 2024. Mr Chairman, sa Bidze i enn ki demontre langazman ki Gouvernman i annan an ver dimoun ki bezwen lasistans. Pou sa lannen Gouvernman in

met en pti pe plis ki R1.2 bilyon ver bann benefis sosyal.

Mr Chairman, parey Lasanble in note Gouvernman in fer en revi konpreansiv dan serten *statutory benefits* ki anba Lalwa Sekirite Sosyal. Sa revi ti tre enportan an vi pou plizyer lannen zot pa'n ganny revize.

An plis i ti neser pou get bann benefis ki enpakte fanmir espesyalman bann ki annan zanfan. Akoz konman en Gouvernman nou konsernen avek *welfare* zanfan.

Mr Chairman, ankor enn fwa avek ou permisyon mon pou aprezan eksplik sa bann benefis ki'n ganny revize.

*Maternity benefit* ki'n sorti R2480 e aprezan i R6633.47.

*Paternity benefit* ki'n sorti R2480 e aprezan i R3316.73.

*Semi orphan* ki'n sorti R1300 e aprezan i R2350.

*Abandoned child* oubyen *orphan* parey nou dir ki'n sorti R1540 me aprezan i R3134.

*Foster child* ki'n sorti R1300 me aprezan i R3134.

*Foster parent* pou aprezan benefisyé avek en *one-off* ziska R25 mil, pou ede avek bann preparasyon pou abrit sa zanfan ki'n ganny plase dan son lakour atraver Servis Sosyal. Sa benefis i pey selman apre ki

Servis Sosyal in fer en evalyasyon.

*Survival benefit* ki'n sorti R2480 e aprezan i R5224.

*Expectant mother allowance* sorti *Inner Islands* ki'n sorti en *one-off* R1500 e aprezan i en *one-off* R5000.

Mr Chairman, in osi annan lentrodiksyon en nouvo benefis e se sa *multi birth*. Ki pou aplikab pou en manman ki'n donn nesans 2 ou plis zanfan. Sa dezyenm zanfan e lezot ki swiv, pou ganny en lasistans R3134 ziska ki sa zanfan i ariv laz 5 an. Sa benefis pou annan en *ceiling* R6633.47.

Gouvernman i konvenki, ki avek sa bann revi ki'n ganny fer, bann fanmir pou vwar en lenpak finansyel pozitiv.

Mr Chairman, en lot parti sa Bidze ki nou pe prezante ozordi, se Bidze *recurrent* ki vo plis ki R29 milyon. Apart ki bann depans *wages ek salary, good and services*, sa Bidze in met en konponan devlopman en nouvo *operational system*, ki pou moderniz bann loperasyon ASP.

Sa nivo sistenm, pou osi ede amelyor lefikasite dan lazans e prodwir *data*, pou permet bann analiz ki aktyel. Avek sa lentrodiksyon mon pe demann Lasanble pou aprouv

sa 2 Bidze dan son totalite.  
Mersi Mr Chairman.

**MR DEPUTY SPEAKER**

Mersi *Minister*. Aprezan lasal i ouver pou enteraksyon e mon pou kriy Onorab Naddy Zialor.

**HON NADDY ZIALOR**

Mersi Mr Chair. Bonn apre midi Minis ek ou lekip. Premyerman Minis, mon a remersi ou pou lenformasyon ki ou'n partaz avek nou.

Zis an pasan avan ki mon demann mon kestyon, eski ou kapab enform nou petet ki dernyen fwa sa bann revizyon lo sa bann lanons ki ou'n anonse la ti ganny fer?

Mon vin lo *budget book* prezan. Dan *current challenges* premye pwen i annan zot sistenm *SWIS* ki *TIS ASP IS* ki pa pe *link* ek kanmarad. E sa i dir ki i kre en lerer dan lentervansyon letan imen. Savedir mon mazine ler keksoz pe ganny fer *manually*.

Ki stratezi *ASP* i annan pou adres sa sityasyon? Parske mon konnen *SWIS* i en keksoz ki'n ganny etabli en pe letan. So eski zot annan en stratezi lonterm e kour term pou fer sir ki sa 3 sistenm i *link* avek kanmarad? Mersi.

**MR DEPUTY SPEAKER**

Mersi Onorab. *Panel? Minister?*

**MINISTER PATRICIA FRANCOURT**

Mersi Mr Chair. Onorab, zis pou fer ou konnen poudir i annan sa bann benefis plis ki 10 an pa ti'n ganny revize. Mersi.

**MR DEPUTY SPEAKER**

I annan en lot kestyon. Ms Morin ki pou reponn.

**CEO ASP BRENDA MORIN**

Bonn apre midi Chair. Bonn apre midi a tous. Wi, nou annan sa nou *challenge* ki nou'n dir nou pe *face* kot *ASP* avek nou bann sistenm.

E se sa ki'n antre dan Bidze la, pou nou lannen prosenn annan en revi *automate* nou sistenm loperasyon, pou ganny tou sa bann sistenm *link* ansanm. E pou kapab tir sa defayans ki nou pe *face*. *Thank you*.

**MR DEPUTY SPEAKER**

Mersi Ms Morin. Onorab Romain.

**HON GEORGES ROMAIN**

Mersi Mr Chair. Bonn apre midi Mr Chair. Bonn apre midi Minis ek ou delegasyon. Zis mon ti a kontan fer en pti remark osi tou. Mon ti a kontan atraver ou



Minis, ou *CEO*, mon remerci li ek son ekip kot *ASP*, pou tou sa lasistans ki zot donn nou distrik.

E atraver mon menm mwan ler on *liaise* ek zot toultan kapab donn mwan en larepons, pou mwan kapab pas ek mon zabitan. E pou sa mon dir zot merci bokou.

Mon kestyon i en pti pe dan menm laliny avek Onorab Zialor. Mwan osi mon konnen *CEO* dan lefase, ou ti fer referans ki ou ti pe met en sistenm *digitalised*, kot pou kapab *fast track* en pti pe plis. Akoz kekfwa ti en pti pe tro bokou letan avan en dimoun ti kapab ganny son lasistans.

E mon zis mon anvi konnen ki mannyer sa pe ale an se moman. Akoz mon konnen *CEO* in deza fer en mansyon lo la parey mon pe dir en pe letan pase.

E par kont ler mon'n get anba *social assistance*, mon'n vwar dan *training* i annan zis R555 mil. Mon mazine sa pou bann *staff*. Be si sa vreman sa larzan lo li menm li i ase pou kapab donn tou *training* ou *staff*, pou kapab kekfwa vreman pou zot kapab *perform* pli byen. Merci Mr Chair.

### **MR DEPUTY SPEAKER**

Mersi Onorab. *Panel?*

### **CEO ASP BRENDA MORIN**

Mersi Chair. Mersi Onorab pou ou kestyon. Ankor lo sa – ou pe demann en pe elaborasyon lo sa nouvo sistenm ki *ASP* pe al met an plas. Nou byen avanse *in terms* lo defini ki nou pe rode. E ki nou anvi.

Akoz nou'n kapab idantifye nou bann defayans ki nou annan. E ki kalite sistenm nou anvi ki pou nou kapab *expedite* sa bann laplikasyon. So definitivman mon krwar ki lannen prosenn nou pou kapab konmans sa travay.

E ki nou pou le vwar a lafen avek sa nouvo sistenm se, tou bann gro risk ki kapab vini konman pou frod. Sa i ava osi ganny diminyen *if not eliminate*.

Tou nou bann sistenm i pou *interlink inter house*. Savedir lo perasyon distrik avek *Accounts* i ava pe *link* ansanm ki a *fast* keksoz. Akoz konmela i pran en pe letan akoz ou kapab mazine i mannyel, pou sorti dan en departman pou al dan en lot, re tip tou sa, remet *ID number*. So tousala i *add on* letan ki pran pou fer sa laplikasyon.

E osi pou nou – nou annan lenformasyon ki nou bezwen avek nou bann lezot *partners*. E sa osi nou pa *interlinked* e sa osi i en pe an retar.

Alor si tou sa bann sistenm ti koz ek kanmarad, e menm si sa ti'n ganny fer depi avan, ozordi nou pa ti ava dan sa pozisyon kot laplikasyon i an retar.

So, *we hope* ki par lannen fini lannen prosen, nou ava fer en bon lavans avek sa sistenm. E sa rev ki nou le ariv *ASP lo in terms to speed up* son laplikasyon.

### **MR DEPUTY SPEAKER**

Minis, i le azout en keksoz?

### **MINISTER PATRICIA FRANCOURT**

Mersi Mr Chair. Onorab, mon pran kont sa ki ou pe dir sirtou dan bann *delays* ki nou gannyen annan de fwa pou kliyan. Parey *CEO* in dir nou *prime objective* ti toultan pou fer keksoz annord kot *ASP*. Akoz nou'n konn *the history of ASP*. E ki manner keksoz ti *totally* dezord e bann keksoz ki'n arive ki pa ti devret arive *in terms of* labi.

Nou'n mete keksoz annord. So nou rekonnet poudir ler en dimoun i vin rod led kot nou, i annan en dele letan pou li kapab ganny lasistans.

So nou *actual* letan pou nou kapab fer sa se nou met – nou pe *ambitious* nou, nou met

14 zour. I annan dimoun i vini *within that timeframe* zot pou gannyen zot *benefit*. Akoz tou zot keksoz i *straightforward*. Dokimantasyon osi i *straightforward*.

Ou pou realize poudir kantmenm dimoun i koze i dir poudir nou annan en ta *paperwork* ki nou demande. Non, *it's not the case*. Partou kot ou ale i demann ou serten *paperwork*, ou bezwen donner. Ou al *apply* en *loan*, i demann ou *paperwork* ou bezwen anmennen.

E in redwir en kantite konpare avek avan. Mon krwar i annan zis 4 ou 5 keksoz ki nou demande, *which is normal*. Ou pe vin demann larzan Leta la, ou pa kapab zis pran larzan donner.

So, *part of* bann *delays* annan de fwa ki arive, se dimoun pa vin avek *the right* oubyen vin avek sa bann lenformasyon ki nou bezwen *to start the process*. Mon *aware of that*.

So enn bann keksoz ki nou bezwen fer se *sensitisation* osi, pou fer dimoun konnen poudir ler zot vin kot sa pwen la, zot bezwen anmenn tou zot bann dokimantasyon pou kapab ed nou. Ennler *delay* i arive akoz i annan *verification* ki bezwen ganny fer.

E si ou – i annan *doubt* lo sa laplikasyon oubyen i annan plis lenformasyon, *it takes a little bit of time*. E *like we know*, nou pa *digitalise wholly* pou nou sistenm koz ek kanmarad. Bann nou ki kapab nou fer, be bann ki nou pa kapab *we have to rely on that*.

So mwan mon lapel e mon *wish*, se pou nou kapab fer li bokou plis byen dan sa letan ki zot demande. Mersi.

### **MR DEPUTY SPEAKER**

Mersi. Ou annan klarifikasyon Onorab?

### **HON GEORGES ROMAIN**

Yes, Mr Chair. Mersi Minis avek CEO pou zot larepons. Mon ti a kontan zis demann en pti – dan menm laliny. Nou konnen dan tou distrik i annan en *welfare officer* ki vini e sa i fasilite en kantite zot travay.

Be selman par kont i annan dimoun ki baze parey mon konn Anse Etoile i annan ki i pa reste – i reste Anse Etoile selman i pa vot dan sa distrik. I kapab menm i vot Takamaka. Be par kont i dan sa distrik. Be si i vin kot nou *welfare officer* dan Anse Etoile, zot dir li fodre i al dan son distrik.

E alors pou mwan sa mon santi ki si nou pe koz nou pe ed *network*, mon santi ki bor i ete i

kapab ale. Byensir i pa abize. Be selman mon santi en pti pe dezapwentman, pou sa dimoun ki bezwen war li, bezwen al dan sa distrik kot i vote.

Alors lo sa mon ti a kontan. Apre CEO ler mon'n demann *regarding* R555 mil mon ti pe dir si i ase. Mon konnen zanmen larzan i ase. Be selman mon pe mazinen si zot santi sa Bidze i pou ase lo kote *training* pou tou zot *staff*. Mersi Mr Chair.

### **MR DEPUTY SPEAKER**

Mersi. Ms Morin.

### **CEO ASP BRENDA MORIN**

Onorab, mersi. Chair, mersi. Onorab, wi nou'n deza gannyen bann kliyan e mon konpran ki ou pe dir si dan okenn distrik ou kapab fer laplikasyon. En keksoz ki nou annan nou annan nou prosedir. Ou bezwen *apply* dan sa distrik kot ou reste akoz nou bezwen *evaluate* sa *household*.

So, ou pa kapab *apply* diferan distrik. Akoz nou pou bezwen al vizit ou dan sa lakour ki ou reste dan sa distrik. Ou pa kapab fer dan en lot. Akoz laplikasyon e nou regilasyon i koumsa. Ki ou bezwen *apply* li dan ou distrik ki ou baze.

Lo nivo – bon sa *amount* ki ou'n war dan nou Bidze

*regarding training*, i zis pou nou bann travayer sa. I pa pou lo sa sistenm ki pe vini e sa in ganny *incorporate* e nou an diskisyon.

Akoz si sa *implementation* pa konplete *within that year* i *rollover* e nou pou pran lenpak ki i annan avek *training* ki pou *follow*. Be selman i osi enkorpor dan sa ki sa bann *staff* pou bezwen ganny *train* lo nouvo sistenm ki pe vini. Mersi.

**MR DEPUTY SPEAKER**

Mersi Ms Morin. Onorab Lemiel.

**HON SYLVANNE LEMIEL**

Mersi Mr Chair. Bonn apre midi *Minister* avek ou delegasyon, tou dimoun a lekout. Minis, dan latab 2 anba ou *consolidated expenditure other uses of goods and services*, i sorti 7.1 milyon pou mont 9 milyon. Petet aköz sa logmantasyon? Sa i enn.

Apre mon ti le konnen anba, par egzantp la kantite dimoun ki zot in asiste avek *welfare* pou sa lannen. Petet ki kantite dimoun in ganny lasistans? E petet en legzanp osi lo *the amount of assistance* pou tan kantite group dimoun.

Mr Chair, mon ti anvi osi en pti leksplikasyon lo kote sa 25 milyon *foster care*. Zot ganny en *one-off* e si zot in dir son – ki

son prosedir konmsi pou sa bann dimoun kapab ganny sa?

**MR DEPUTY SPEAKER**

*You mean sa 25 mil one-off?*

**HON SYLVANNE LEMIEL**

Wi 25 mil *one-off* son prosedir ki mannyer i pou marse. Mersi.

**MR DEPUTY SPEAKER**

Mersi. *Panel*.

**EX-FINANCIAL CONTROLLER**

**CHIARA CULTERI**

Mersi Mr Chair. Mersi Onorab. *Ok with regards to the recurrent expenditure sa goods and services ki'n increase to 9 million*. Sa i aköz lazans in resevwar *funding* pou 3.7 milyon pou devlopman sa nouvo *software* ki CEO ti pe dir. *Ok mersi*.

**MR DEPUTY SPEAKER**

Ms Morin?

**CEO ASP BRENDA MORIN**

Mersi Chair. Mersi Onorab pou ou kestyon. Lo kestyon ki ou'n demande *regarding* konbyen dimoun ki annan lo *welfare*. E son *amount* ki ganny peye; ziska lafen Oktob i annan 547 dimoun ki lo *welfare*.

E parey ti anonse an Me 2022 ki *welfare weights* in ganny *increase* par 32poursan.

E la tou dimoun ki gannyen ki ganny 5224 *maximum*. Ok, mersi.

**MR DEPUTY SPEAKER**

*Minister.*

**MINISTER                      PATRICIA  
FRANCOURT**

Mersi Mr Chair. Mon kontan Onorab ou'n demann sa keston lo *foster care*. Mon a ganny sans koz en pti pe pou donn *clarify* lo la. Parey nou konnen *foster care* i en swen ki nou kapab donn *short term* oubyen *long term*.

E sa i ganny determinen par Departman Servis Sosyal. E letan zot in fer zot evalyasyon ek zot *assessment*, zot ki bezwen fer *because they know* kote zot pe al plas sa zanfan. Zot pou kapab determinen ki bann bezwen i annan kot sa lakour pou kapab etabli avan sa zanfan i vini.

*So, it's up to 25,000, right?* I pa vadir zot ganny 25,000. So si Servis Sosyal i al fer sa vizit i vwar i bezwen en lili, 2 lili, en keksoz adisyonnèl ki pou kapab *meet the needs of the child or the children* letan zot vini, sa ki pou determinen pou li kapab ganny en *figure* konbyen i pou kapab donn.

Me sa i toultan reste avek Servis Sosyal akoz sa bann

zanfan i dan zot *register*. E zot ki pe konnen ki bor zot pou plas sa bann zanfan.

Nou annan en *bank of foster parents* ki *already in the system*. Zot bezwen dan sistenm avek *Social Services* e Sosyal i annan sa lalis e li i konnen.

Si i annan en *foster care* ki *ad hoc, again*, Sosyal i bezwen annan sa *oversight* ki mannyer zot fer sa evalyasyon, avan sa larzan i ganny *disburse*.

*But just to make it clear out there it's up to - i pa vadir tou sa larzan ki ganny donn. Me selman evalyasyon, assessment bezwen ganny fer. ASP is there just to dispense the money.* Selman tou bann evalyasyon i fer kot Sosyal. Mersi.

**MR DEPUTY SPEAKER**

Mersi *Minister*. Ou annan klarifikasyon?

**HON SYLVANNE LEMIEL**

Mr Chair, dan sa pti klarifikasyon mon ti pe mazin *the amount of* larzan sa 547 dimoun ki lo *welfare*, konbyen in arive ziska ozordi ki zot in depanse dan sa sonm larzan ki zot in bidzete pou sa lannen? Mersi.

**MR DEPUTY SPEAKER**

Mersi.

**EX-FINANCIAL CONTROLLER  
CHIARA CULTERI**

Mersi Onorab. *With regards to actual expenditure, mon kapab konfirman ki from Zanvye ok trend ti montre ASP ti pe depans on average R1.1 milyon. Prezan statistics effective July, in shoot up to 2 milyon. Ok?*

*So, the trend right now ou pou remarke ki nou pe pey roughly 2 million per month. The whole I can share with you 2 seconds please. Ok Mersi.*

**MR DEPUTY SPEAKER**

Mersi. Onorab Mondon.

**HON TERENCE MONDON**

Mersi Mr Chair. Mr Chair, mon kestyon i adres zot priyore stratezik pou 2024 a 2026. E dabor mon le dir mon apresye travay ki Minister in fer ansanm avek lazans, pou reviz sa bann *scheme* ki ou'n mansyonnen pli boner.

E dan zot priyore stratezik pou 2024–2026 zot in fer resorti ki zot pou kontinyen reviz bann lezot *scheme*. Zot pou kapab reflekte lenflasyon aktyel. Eski zot kapab dir nou lekel sa bann lezot *scheme* ki zot pe travay lo la, ki zot santi i bezwen ganny revize pou kapab reflekte la realite ozordi? Mersi Mr Chair.

**MR DEPUTY SPEAKER**

Mersi Onorab. *Panel. SS Payet i le reponn sa kestyon?*

**SS PATRICK PAYET**

Mersi Mr Chair. Bonn apre midi Mr Chair e tou Manm Onorab e tou dimoun ki pe ekoute. Mr Chair, premyerman ki nou pe travay parey nou'n anonse sa lannen, nou pe travay lo en striktir *the socio-economic assessment*.

E pou nou en keksoz ki nou pe realize se, nou pa kapab aplik kekfwa *weight* - striktir *weight* parey Mahe, parey Praslin, parey La Digue.

So nou pe vwar li dan son totalite striktir *welfare*, espesyalman ki mannyer nou met sa bann kriter. Pou met an plas anliny avek *the socio-economic assessment* e pri lavi lo sa bann zil. So, sa i enn ki nou pe regarde.

E dezyenmman, parey zot konnen, nou pe travay lo striktir benefis retret. E sa osi i en keksoz ki nou regard li lo son totalite an menm tan regard striktir anliny avek kekfwa ki kantite ki pe benefisye *through the Seychelles Pension Fund*.

So, sa i osi nou pe regard li dan son totalite. Sa de striktir ki nou pe regard li tre profon lannen 2024. Mersi.

**MR DEPUTY SPEAKER**

Mersi SS. Mon ava envit aprezan Onorab Vidot.

**HON AUDREY VIDOT**

Mersi Mr Chairman. Mr Chairman, mon oule en leklersisman avek Minis avan. Minis, eski ou kapab klarifye avek nou si lazans pe re entrodwir sistenm kart kot STC? Akoz mon rapel dan nou lepok Gouvernman avan ti dir pou arete e ti arete osi. Zis konfirm ek nou si in rekonmanse.

Mon kestyon, mon vwar ki zot in mete dan zot *current challenges*, ki zot annan *issue of inadequate manpower* lo kote resours pou zot angaz zot lo kote *service delivery*.

E menm si mon'n vwar poudir dan *SP 1 - special programme 1*, zot in met en *post* pou en *principal auditor*, eski i pou ase pou ed zot lo mankman travayer, pou zot kapab *meet* la kantite laplikasyon ki vin devan lazans, pou li kapab *deliver* dan sa dele letan ki Minis in prononse?

E dan menm laliny, ler ou'n reponn Onorab Lemiel konsernan lakantite laplikasyon ki zot in aprouve, MON ti a kontan konnen

konbyen ki zot in *reject* e ki'n *appeal* avek lazans? *Thank you.*

**MR DEPUTY SPEAKER**

Mersi Onorab. *Minister.*

**MINISTER PATRICIA FRANCOURT**

Mersi Mr Chair. Mersi Onorab. Onorab, sa *scheme STC* i *still* egziste. E i annan dimoun ki lo kart *STC*. Me selman mon profite mon fer sa lapel *out there*, dernyen fwa mon krwar mon ti vin Lasanble, mon ti dir i annan apepre 300 dimoun ki ti *qualified* pou *card STC* avek son larzan lo la. *They did not use the cards.* So, sa benefis i la. Sa *scheme* i la egzaktaman pou kapab ed dimoun.

E letan nou ti pe dir 300 dimoun pa'n servi sa kart *STC* ki kekfwa zot ti devret servi, i konman en bezwen. Nou ti koz en *value* apepre R1.3 milyon ki ti *unused on the cards*.

So, la ankor mon dir akoz nou dir dimoun i dan bezwen. Nou met – ti annan sa provizyon, nou *still* annan sa provizyon. *They must use it* si *it's unused* that means sa dimoun i pa bezwen? Oubyen i pa *bother* pou li servi sa kart? *I don't know* me selman sa *scheme* i ankor la. Mersi.

**MR DEPUTY SPEAKER**

Ms Morin?

**CEO ASP BRENDA MORIN**

Chair, mersi. Onorab, mersi pou ou kestyon. Mon le azout lo ki Minis in dir. Parey in dir sa sistenm *STC* kart i ankor la. E osi ki nou pe servis plis avek nou pa fors personn pran *STC* kart parey avan.

Sa bann ki kapab parey nou ti deza dir ki kapab *manage* zot larzan zot menm, al aste zot konmisyon kot zot zot anvi. Akoz i annan ki annan zot maladi, zot pa kapab ariv anvil pou ariv kot *STC* oubyen serten landrwa kot napa o bor zot, zot le aste en lot landrwa zot komisyon. So, zot kapab servi zot larzan ki mannyer zot anvi.

Bann ki nou obliz zot pran, se bann ki lo sibstans ki pa kapab *manage* zot larzan. Ki zot pou kapab al ganny servi dan en lot fason. Ki *either* nou pe travay avek *APDAR* oubyen en lot lenstitisyon. E ki nou konnen zot bezwen definitivman zot bezwen zot manze. Alor en fason pou fer sir ki sa larzan i ganny byen servi nou met lo *STC card*.

Me sa i la pou bann ki oule nou pa forse personn pran en *STC card*. Mersi. Leres kestyon ki ou'n demande lo *appeal*. Wi, nou annan bann *appeal* ki pe ganny fer. Ziska la Oktob nou

annan apepre 200 *appeals* ki'n ganny fer. E wi, apepre – apre ou'n demann mwan lo *reject* lo laplikasyon.

**MR DEPUTY SPEAKER**

*Total application and reject.*

**CEO ASP BRENDA MORIN**

Yes, en pti moman.

**MR DEPUTY SPEAKER**

*Financial Controller* i annan lenformasyon?

**EX-FINANCIAL CONTROLLER CHIARA CULTERI**

Mersi Mr Chair, zis pou reponn kestyon Onorab Lemiel. Pou *welfare actually*, cost ki lazans in *incur* depi Zanvye ziska ozordi le 22 Novanm, i anviron R18 milyon. Yes. Mersi.

**MR DEPUTY SPEAKER**

Mersi. *CEO* Morin, ou annan sa lenformasyon?

**CEO ASP BRENDA MORIN**

Onorab, mon pa pe vwar sa lenformasyon la pou donn nou. Me selman mon kapab *provide* sa. Nou annan ki –

**MR DEPUTY SPEAKER**

*We can always come back to it - si zot vwar.*

**CEO ASP BRENDA MORIN**



Wi, *I'll come back*. Mersi.

**MR DEPUTY SPEAKER**

So ki nou pa ava gaspiy letan. Ou annan klarifikasyon?

**HON AUDREY VIDOT**

Yes, mon annan en klarifikasyon avek Minis. Minis, mersi pou reponn mwan mon kestyon. Mon ti le konnen konbyen lo sa kart *STC* ozordi prezan, konbyen ki pe ganny asiste lo la bann ki ankor pe servi? Konbyen larzan i reste?

**MR DEPUTY SPEAKER**

Ms Morin?

**CEO ASP BRENDA MORIN**

Onorab mersi pou ou kestyon. Chair mersi. La mon napa sa detay pou mwan donn ou, konbyen ki annan, e konbyen ki i reste. Me selman nou annan sa lenformasyon. Me selman i pa bokou dimoun ki pe servi *STC* kart, en? Parey mon'n dir nou donn lezot dimoun *the choice* pou zot servi zot larzan.

Nou annan sa ki nou annan en minorite *very small amount of people* ki pe servi sa bann kart. *Ok*. Sa mon kapab fer ou gannyen. Mersi.

**MR DEPUTY SPEAKER**

Mersi. Onorab Samynadin.

**HON KELLY SAMYNADIN**

Mersi Mr Chair. Bonn apre midi Minis e delegasyon *ASP*. Dan zot *major achievements* zot in dir ki zot pe idantifye – zot in idantifye e zot in etabli bann relasyon avek bann partener kle, pou asiste *ASP* dan provizyonman en bon servis lasistans *welfare* anver zot bann kliyan.

Mon ti a kontan konnen lekel ki zot pe *refer to* konman bann *partners* kle? E mon pe rekomande ki *ASP* i ranforsi travay avek nou bann *MNAs*, pou ki nou osi nou kapab ede pou ki nou bann dimoun ki vin kot nou, i ganny en lasistans ki neser ki merite. Akoz souvandfwa nou bann dimoun zot konnen zot vin kot nou. Nou konnen ki zot sityasyon e nou *refer* zot avek *ASP*.

Me selman letan zot bann *case* pe pase lo *Board*, mon santi ki petet pa enkli nou dan zot bann diskisyon, me selman *at least* en pti *referrals* kot nou ti ava byen. Pou nou kapab donn nou *input* lo sityasyon nou bann dimoun. Akoz nou konnen nou al vizit zot. Nou konnen ki zot sityasyon.

E apre pli tar zot kapab vin kot nou dir nou poudir be zot lasistans zot laplikasyon pa'n ganny aprouve. Ki fer zot en pti pe fristre, akoz vreman

zot dan bezwen. Nou'n war poudir zot dan bezwen.

So en rekomandasyon plito, mon ti ava kontan ki zot konsilte nou en pti pe plis dan le fitir lannen ki pe vini, pou ki nou bann dimoun ava ganny en lasistans ki en pti pli efikas, en pti pe pli bon. Me selman mon ti ava kontan konnen lekel sa bann *partners* kle ki zot in *refer to* dan zot *major achievements*. Mersi.

### **HON DEPUTY SPEAKER**

Minister ki pou reponn?

### **MINISTER PATRICIA FRANCOURT**

Yes. Mersi Mr Chair. Onorab mersi. Nou *partner list* i kontinyen agrandi tou-le-z-an. E nou konnen poudir bann *partner* kle ki nou travay avek, *first and foremost* i Departman Sosyal. Akoz annan de fwa bann menm *clients* ki pe vin kot nou *they are known to Social Services*.

So nou kapab *share* sa lenformasyon. E mon konnen poudir si i annan aplikasyon menm i vin kot ASP. Letan zot bezwen *additional information* Sosyal i prezant sa. *After all social workers* i dan distrik. E zot kann ase lenformasyon lo bann fanmir.

Osi nou annan *Employment* i annan en travay vremen *close* ki nou fer, kot *again* letan bann dimoun pe vin rod *benefits* dan tou son form, si sa dimoun i posibil pou li pran Lanplwa, i annan en travay direk i fer avek Lanplwa, ki *as the person is actually actively seeking for a job*.

Tou kou mon dir sa *actively seeking for a job*. Pa ozordi ou anvi al rod travay apre 3 mwan ou deside dormi dan lakaz ou pa leve, *right? Actively seeking, at the same time* i ganny son *benefit* avek ASP.

Me solman Lanplwa pe kominik ASP pe dir ek li, sa semenn la mon'n anvoy sa dimoun mon'n *refer* tel landrwa, tel landrwa, tel landrwa. *Even give the feedback* si sa dimoun in ganny louvraz i pa'n pran louvraz *and so on*.

Akoz parey mon ti dir ler mon ti vin ek mon Bidze Lanplwa, si en dimoun pe *actively searching for a job* nou annan sitan kantite louvraz dan Sesel. *Eventually* sa dimoun pou ganny en louvraz, *right?*

So, sa bann dimoun ki kapab travay *eventually*. Kekfwa in perdi son louvraz oubyen in ariv li en keksoz *or whatever*. Pou bann leres lazans parey Lafanmir, *normally* ASP pou travay *close*

avek zot si i annan *referrals for the psychotherapy support* ki sa dimoun i kapab bezwen.

E mon konnen poudir i annan *meetings* ki'n *hold*. Alor nou konnen poudir sa i sa group ki kapab ganny *support counselling and so on*.

*Elderly* again i tonm anba Lafanmir. So si i annan bann *elderly* ki *at risk* oubyen *vulnerable*. Akoz ki nou pe sey fer kot lazans, nou pa le zis vin en lazans ki zis pey larzan. Nou en lazans ki le *empower* dimoun e sa i partou dan lemonn i koumsa.

So sa dimoun i annan serten bezwen i lo drog, i lo lalkol; nou konnen nou i lo drog, i lo lalkol ou zis pey li apre ou les ale? Non. *you have to be able to refer the person to the right* landrwa, pou li kapab ganny sa sipor.

So *Local Government* is another partner. Akoz ankor i annan bann *benefits* ki ganny peye anba ASP, ki annan *direct link with Local Government. Housing, MLUH* osi i en lot landrwa. Akoz i annan bann dimoun ki lo *vulnerable repair scheme*. Nou *actively CEO is the Vice Chairperson* lo the *vulnerable repair scheme*.

So nou *cross-cutting* partou letan ou regarde. Nou lot *partner* kantmenm Finans. Nou

bezwen asiz o bor zot pou regarde bann *World Bank changes* ki ti arive. Nou en kle *partner* nou.

Akoz tou sa bann rekomandasyon ki *World Bank* ti'n met devan, *we had to go and implement to be able to get the finances that World Bank was going to submit*.

So, sa ki nou'n fer direktman i annan en gran lenplikasyon. E nou nou bezwen kapab *meet* tou nou bann *objectives* ki ganny set. Akoz *the whole World Bank reform was around. Social Protection, so that's directly under us*.

So letan ou regarde preski tou Minister nou annan en *link* direk avek. Nou osi le *breach the gap with the community*. E *this is where the DAs, the MNAs* - mon konnen nou annan bon rapor avek zot parey detrwa zot zot pe dir. Ki letan zot *call* nou kapab reponn zot bezwen osi. E *gather information* ki pli *conducive* pou nou kapab ed sa kliyan.

Me solman parey mon dir *it's about empowering people and making sure that* si i dan bezwen, si i dan difikilte, nou bezwen rod sa lot *step* apard zis donn larzan. Mersi.

**MR DEPUTY SPEAKER**

Mersi *Minister*. Mon ava aprezan apel Onorab Uranie.

### **HON ROCKY URANIE**

Mersi Mr Chair.

### **MR DEPUTY SPEAKER**

*Hold-on, hold-on*. Ms Morin, i le azout en keksoz apre ou ava pran Onorab. Mersi.

### **CEO ASP BRENDA MORIN**

Chair, mersi. Chair, mon le retourn lo kestyon ki lot Onorab ti demann mwan lo sa *reject*. Pou ziska Out, i annan 214 aplikasyon ki nou'n *reject*. E mon ti a kontan osi sezi sa letan pou eksplike ki mannyer nou laplikasyon i marse pou briyevman.

Konmsi ki mannyer nou *allocate* larzan. E parey sak dimoun i endividi e i annan bann kriter baze lo son sityasyon, lo ki si i pe vin lo *supplementary medical or unemployment*.

E baze lo sa ki i determinen pou konbyen peryod i pou ganny benefis. Se sa i bann - se sa prezan lo sa bann ka ki nou pou determinen. Sanmenm sa ki'n fer 500 keksoz ki mon'n nonmen *before*, ki dimoun ki pe ganny peye la.

E bann osi ki ganny *reject* i pou baze lo bann kriter. Si i

pann *meet*. Si bann ki devret dan lanplwa ki pa pe kit son lanplwa. E ki pa pe rode, i pa pe fer zefor. E pou bann ki lezot rezon ki i vwar i pa *meet* kriter. Alor la ki zot laplikasyon pou ganny *reject*. So nou annan 214 ziska Out. Mersi.

### **MR DEPUTY SPEAKER**

Mersi. Onorab Uranie.

### **HON ROCKY URANIE**

Mersi Mr Chair. Eski zot in fer en letid pou vwar ki diferans dan kou lavi i annan lo Zil Pros, pou zot kapab konnen ki *rate* zot pou servi pou donn lasistans nou bann zabitan?

E si wi, ki *rate* zot pe al servi si pa ankor fer kan ki zot pou konmanse? Apre mon ti a kontan konnen osi kantite *one-off* zot in peye pou bann dimoun ganny lasistans?

Apre *STC card* lo La Digue kote - si i annan dimoun i vin rode kot zot pou ale, pou zot al depans sa *STC card*? Akoz napa *STC* lo La Digue. So kote zot pou ale pou sa?

Apre Mr Chair, mon krwar ou drwa mwan en *apology* pou koup mon *micro* yer. Akoz ou ti pe fer referans ek en keksoz ki ou ti dir. Ou ti dir mwan ler ou la anler ou, ou *Chair* mon pa ganny drwa dir ou. Me selman ler ou la anler ou zwe de rol. Ou

zwe *MNA* Mont Buxton ek *Chair*.

So alor mon ti a kontan konn klerman si ou'n dir en keksoz si i *ok* pou mwan *challenge* ou ler ou la anler koman *MNA* Mont Buxton? Mersi.

### **MR DEPUTY SPEAKER**

Mersi i annan 3 pwen lo *rate*, lo *one-off* e kart *STC* La Digue. Mersi. SS.

### **SS PATRICK PAYET**

Kekfwa mon ava konmans lo premye kestyon lo kote *welfare weights* parey mon'n mansyonnen pli boner. Sa i en travay ki pe kontinyen e nou ekspekte *hopefully* nou konplet li lannen prosenn.

E dan nou analiz ki nou pe fer se, nou pe vwar dan bann pou nou regard *socioeconomic needs assessment*. E an menm tan regard bann eleman par egzant bann dimansyon *non-income*. Pa zis regard kekfwa *income* dan lakour. Be selman kekfwa bann lezot faktor ki kapab afekte en endividi pou li ganny lasistans *welfare*.

So tou sa bann eleman pou nou konplete lannen prosenn. E an menm tan, definitivman nou pou *engage* avek bann lezot parti prenan partener, par egzant Lasanble

Nasyonal letan nou pe fer li. Mersi.

### **MR DEPUTY SPEAKER**

Mersi. Ms Morin.

### **CEO ASP BRENDA MORIN**

Onorab mersi pou ou kestyon. *Chair* mersi. Lo kestyon *one-off* parey mon fek eksplike pli boner la nou annan nou kriter. Savedir ler nou ganny ou laplikasyon nou pou gete lo ki baz ou pe fer ou laplikasyon. Avek tou bann dokiman ki nou a kolekte e la ki nou pou decide ki kantite. I annan dimoun ki pou ganny pou en mwan ki sanmenm ki apel sa *one-off*. I annan detrwa ziska Lalwa i les nou pou 12 mwan avek revi ki vini.

So, la kot sa *one-off* pou vini. So napa parey avan en *one-off* ki ou vini parey nou ti pe vwar. Ti annan ki ti al kot Kreol Lor oubyen pou serten lezot keksoz la ki zis nou donneren la. Non, i annan evalyasyon ki ganny fer.

E la nou a decide pou peryod e sirtou bann – mon kapab donn ou en legzanp osi. Pou bann travay ki nou fer avek Lanplwa lo *reskilling* pou met dimoun dan Lanplwa. Bann ki nou vwar ki zot in ganny louvraz i pou mank zot en mwan oubyen en *bridge* pou zot

ziska ler zot saler i antre. La kot sa *one-off* pou vini. Sa i en legzanp.

I annan lezot ka osi kot sityasyon kot dimoun i annan serten keksoz personnel ki'n arive. La sa *one-off* i antre ki apel en mwan. I pa en *one-off* ki zis ki nou donnen. I pou bezwen annan baze lo menm kriter ki *eligibility* pou *welfare* ki la sa i vin *one-off*, *ok*. Mersi.

Lo lot kestyon ti demande lo *STC card* lo zil. E sa mon ti deza reponn letan *STC* ti fermen lo zil. Nou ti eksplik zot byen osi nou ti vin la dan sa Lasanble. Definitivman *STC card* pe ganny donnen lo landrwa ki annan *STC*.

So si napa *STC* ou pa pou gannyen *STC card*. Pou sa bann dimoun ki menm ka ki mon ti pe eksplike boner, kot zot sistenm labi sibstans, oubyen zot pa pe kapab *manage* larzan, lot fason ki nou fer pou zot osi kapab ganny zot larzan. Me pa retourn dan sa sibstans sa bann keksoz ki pe afekte zot. Se nou pe travay avek en manm fanmir kot sa larzan i ganny donnen, ki en dimoun ki kapab *manage* pli byen.

Alors sa i annan bokou travay ki ganny fer, avek lezot *partners* ki nou annan, Pou fer sir ki sa dimoun ki ganny son larzan, ki pou ganny sa menm

kalite *monitoring* parey enn ki lo Mahe kot i annan *STC* ki nou kapab *monitor*. Mersi.

### **MR DEPUTY SPEAKER**

Mersi *panel*. Mon ava envit Onorab Labrosse pou demann son kestyon silvouple.

### **HON RICHARD LABROSSE**

Mersi Mr Speaker. Bonn apre midi Minis ek ou *panel*. Bonn apre midi tou Manm e tou dimoun ki a lekout.

Mr Speaker, lo Plan Stratezik priyorite pou 2024-2026 mon'n vwar ki zot in dir ladan zot pe *assist World Bank* pou devlopman en *Social Protection System* enn ki modern pou Sesel.

Minis, ler mon lo sa, mon ti ava kontan konnen eski an se moman zot in konsilte diferan partener ki antoure pou zot kapab ganny sa lenformasyon pou sa dokiman?

Apre osi, mon pe mazin ler mon pe koze mon pe mazin bann dimoun ki vin rod plis bann lasistans sosyal sirtou dan mon distrik. Parfwa i bann dimoun osi kekfwa bann ki dan sibstans sirtou. Zot montre zot annan en volonte pou zot retourn *back* dan lasosyete kekfwa pou zot donn en pe.

Me selman *challenge* priyoriter ki zot gannyen se ki

pa tou landrwa travay ki pare pou pran ou ler ou sorti pran *methadone*.

Akoz nou tou nou konnen ler en landrwa zot dir ou 8er, 8er *sharp* ou sipoze la. Me kekfwa i annan serten ki *lenient* ki konpran zot. Me selman lamazorite pa tro aksepte sa. Prezan i vin en problem pou zot, sirtou bann ki anvi rod en travay.

Prezan ler nou pe koze la, ler nou pe koz lo Bidze lo tou sa bann keksoz, la eski bann dimoun parey, bann groupman parey mon konnen ki dan tou distrik i bezwen annan en pe, eski zot ganny *include* ler sa bann desizyon, bann travay pe ganny fer pou nou aranz nou *Social Protection System*? Mersi Mr Speaker.

### **MR DEPUTY SPEAKER**

Mersi Onorab. Mon ava envit *panel*, Ms Morin.

### **CEO ASP BRENDA MORIN**

Mersi Chair. Mersi Onorab pou ou kestyon. Lo kestyon nou sistenm, parey mon'n eksplike avan. Bon pou konmanse mon a retourn en pe an aryer pou donn ou en pe listwar.

Kot *ASP* ler nou ti fer evalyasyon, nou ti war tou bann defayans ki nou annan *in terms of* sistenm pou laplikasyon,

bann *delay* parey nou pe koze, bann labi ki antre. Letan ki pran pou fer laplikasyon. Nou war nou tousala i annan gran lenpak lo nou pei e lo sa bann ki pe fer laplikasyon.

E ler en *expert* ti vin gete; ti vin *advise* nou, akoz nou ti pe get devan ki kalite model nou kapab mete kot *ASP* - ki lavenir *ASP* i annan.

So mon ava pas en pe lo bann *challenge* ki nou annan. Nou annan en *lack of process standardisation*. Sa ki savedir ki bann laplikasyon ki pe ganny fer dan diferan benefis, sakenn i pe fer pou li.

Savedir si parey mon'n vin avek – mon a servi en keksoz senp se *NIN number*. Si mon pe met sa anba envalidite, mon pou re bezwen remet li pou *retirement* en lot benefis mon bezwen retip li ankor.

E la ou war kot *human error* i vini. E la kot tou sa bann sistenm pa koz ek kanmarad. La kot labi i vini. La kot en lot dimoun i kapab met en lot *ID* oubyen zwe avek sa limero.

So, i enn problem ki nou pe war. Nou pe war ki nou sistenm pa koz ek kanmarad. Bann *SWIS* kot laplikasyon i ganny mete i pa atase avek pou *Accounts*. Ou konpran?

So bann *staff* i bezwen *download en excel* pou remet

dan *Accounts*. E ou kapab mazin *excel is prone to errors*. E *excel* mon osi ler mon'n fini *download* mon kapab azout mon non lo la pou li antre lo lot pou en lot labi i kapab vini. *Ok*.

Limitasyon dan sistenm ki fer li en pe parey la nou'n mete ki *process perform manually, demonstrating limited fitment to business needs*. Ou konpran? So i annan keksoz ki nou le fer dan sistenm pou al pli vit. Me sa bann ki *current* pa les nou kapab fer. I pa modern ou konpran i demann avanse.

I annan labsans pou nou *circulate* travay. Pou mwan mon napa kontrol fer tou keksoz. Ki in arive dan lepase. *Ok?* A labsans pou bon statistik, pou bann kalite evalyasyon ki pou anmenn *better policies*, nou pa pe kapab fer. I vreman mannyel tou bann problemm statistik ki nou annan.

Aprè i annan absan ki nou kapab *audit trail*, lenformasyon. Lekel ki ti met sa kliyan dan sistenm? Lekel ki'n *delete* sa? Akoz i ti ganny *delete*? Eski ti annan permisyon pou *delete* sa lenformasyon? Tousala i rikord ki enportan pou nou vwar.

Alor se sa ki nou'n war ek evalyasyon ki nou'n fer. E la sa sistenm ki nou pe rode, se pou tir tou sa ki mon'n nonm ou la. E ki nou pou le war li fer, se pou

entegre tou nou sistenm anndan. En fwa en *ID* i antre dan nou sistenm, sa *ID* sa dimoun i ganny rekonnèt dan tou benefis.

Nou pou kapab *type* ou non, war ki benefis ou ti pe gannyen. Kan ou ti gannyen e kan ti fini e akoz ou pe gannyen. Ki a kler ki ozordi i en gro travay pou fer sa. Ou fasil perdi dan sistenm.

E lot osi se *link up* avek nou bann *partners*. Nou bezwen lenformasyon kekfwa serten bout akoz nou get lo *medical*. Nou bezwen war. Nou pa bezwen war tou *personal medical* me nou bezwen war bout ki annan pou fer avek *ASP*.

So, sa i ti a bon dan en sistenm pou nou war ki benefis ou pe gannyen kot lekol. Sa lakour lekel ki malad dan sa lakaz.

So, sa ki manke lenformasyon sa bann kalite *link up* ki nou, nou pe rode. E sertenman pou redwir okenn potansyel fer frod dan sistenm. E mazorite se sa ki nou pe rode. Mersi.

### **MR DEPUTY SPEAKER**

Mersi *panel*. Onorab Herminie.

### **HON WILBERT HERMINIE**

Mersi Mr Chair. Bonn aprè midi Minis avek ou delegasyon.



Minis, mon pou al ankor anba sa *current challenges* la ki *inadequate manpower* pou *service delivery*.

Ler mon pe gete on *average* Minis ouswa kantmenm *CEO* i kapab nou. *On average* tou keksoz i annord. Konbyen letan i pran zot pou zot kapab *process* sa aplikasyon? Sa i enn.

Dezyenm, mon ti anvi konnen zot pa ankor donn *total number of* aplikasyon pou sa lannen. Ou'n donn nou *rejected*, me solman total laplikasyon. Mon konnen i annan 547 aplikan ki pe ganny asiste me selman mon ti anvi ganny sa *figure* total ziska aprezan.

Epi mon dernyen pwen i lo kote *foreign consultancy*. Si zot kapab donn nou en detay lo sa *foreign consultancy* ki'n mont par 2 milyon. Kote i sorti e bann detay koumsa.

Epi Mr Speaker, nou pa mank respe *for the Chair*, nou ti pe montre nou protestasyon ki *MNA* Mont Buxton ti pe demann keston *from the Chair*. Akoz nou krwar sa i en *abuse of the Standing Order*. Mersi.

#### **MR DEPUTY SPEAKER**

Mersi Onorab. I annan 3 pwen lo *average* letan ki i *process* aplikasyon, *total application*

avek *foreign consultancy*. Mersi. Ms Morin.

#### **CEO ASP BRENDA MORIN**

Mersi Chair. Mersi Onorab pou ou keston. Ankor referans avek sa *consultancy* travay ki nou pe fer. Konsiltasyon i ankor pe ganny travay lo la. E i ankor avek *Ministry of Finance* e ler zot a fini zot a fer nou konnen kot zot in arive. E pe *follow* tou prosedir *POU* ki annan pou nou *align* avek sa. Mersi. Lot keston –

#### **MR DEPUTY SPEAKER**

*Total application.*

#### **CEO ASP BRENDA MORIN**

Zafer *manpower* ki nou'n deza dir avan nou'n fini nonmen lo la. Ki sa larzan ki ou pe vwar dan Bidze, sa i pou *staff training internally*. I pa nanryen pou fer avek sa sistenm ki pe vin an plas. Li i annan son *training* separe ki pe ganny enkorpor ladan. Mersi se tou?

#### **MR DEPUTY SPEAKER**

I ti le konnen ki *average* letan zot pran *process* en aplikasyon apre *total application* ki zot gannyen ziska la.

#### **CEO ASP BRENDA MORIN**

Chair, ou kapab donn mwan 2 minit *please*. Nou a donn ou total sa silvouple.

**MR DEPUTY SPEAKER**

So nou ava troun lo la parey nou ti fer taler. Donk, mon ava kriy Onorab Woodcock pou kestyon silvouple.

**HON WAVEL WOODCOCK**

Mersi Mr Chair. Bonn apre midi Minis, *CEO* ek ou delegasyon. Minis, mon konpran ki Minister *ASP* pe sey met bann paramet, bann kriter pou anpes bann labi lepase. Parey plizyer bann sironstans ki'n arive dan lepase anba *ASP*, kot plizyer dimoun ki pa ti pe ganny asiste anba *ASP welfare* ti pe ganny asiste.

Nou annan bann ka koripsyon ki menm in ariv devan Lakour. E menm dan bann letan eleksyon nou war laliny sorti *Oceangate House* ziska kot Lorloz, sak fwa eleksyon. Bann diferan labi ki nou'n war dan lepase. Mon konpran sa bann paramet ki pe ganny mete.

E mon konpran serten kriter ki'n ganny mete. Me ki mon pe remarke *still* i pa zis mwan, plizyer *MNA* dan plizyer distrik, nou'n vwar poudir *still* bann aplikasyon i annan fwa ki i tarde avan ler i ganny aprouve.

Nou'n war sa menm lo kote Praslin.

E mon konnen poudir i annan en Komite ki zot in *set up*. E sa Komite li en *Vetting Committee* ki *vet* tou bann aplikasyon avan ler ki i donn aprouvasyon pou zot pou okenn aplikasyon pou ganny lasistans *welfare*.

Mon kestyon ki mon pe demande, sa komite ki'n fer sa *vetting process*, lekel ki lo sa komite e konbyen fwa zot zwenn? Akoz mon pe mazine petet sa enn bann rezon akoz – i rezondet akoz petet ki bann aplikasyon i tarde avan ler ki i ganny laprouvasyon. Sirtou pou bann aplikasyon ki sorti lo Praslin ki bezwen ganny anvoy Mahe pou fer bann prosedir.

E petet sa ki pe fer en pe sa dele letan pou sa bann aplikasyon ganny aprouve. Mersi.

**MR DEPUTY SPEAKER**

Mersi Onorab. Mon ava envit *panel* Ms Morin.

**CEO ASP BRENDA MORIN**

Chair, mersi. Onorab, mersi pou ou kestyon. Osi sa nou deza eksplike me mon a repas lo la ankor. Ler mwan mon ti konmanse, laplikasyon nenport ti kapab mete. Menm ou ti kapab asiz dan lakour met en

laplikasyon lo sistenm e sa ki i pa normal pou fer sa.

E ou pa konnen lekel ki pe fer. E parey ou deza konnen tou bann labi ki'n pase. Kontrol ki'n mete savedir ki sa *vetting* la, se li ki anpes sa bann kalite keksoz arive, e i fer li pli transparan ler en dimoun pe benefisye ki ganny sa.

Savedir tou *staff* ki travay tou bann *Seniors* e bann *Management* i ganny en konpran lekel ki'n gannyen, lo ki rezon in gannyen e i transparan.

E sa Komite ki enkli bann *Senior* enkli mwan lo serten letan ki mwan mon kapab *attend meetings*. Si non mon Depite, son Direkter Loperasyon, bann *Seniors* i vin prezant zot *case*. Zot, zot vin zistifye akoz sa *case* i merite.

Kestyon i ganny demande. Tou zot bann rapor ki zot in fer; tou lenformasyon ki'n ganny anmase i ganny evalye lo en fason transparan.

E la sa i a ganny deside si pou gannyen si pa pou gannyen. Si pou al lo *further investigation*. E se sa ki nou war en fason byen transparan. E nou pa kapab fer sak *staff* asize dan son kwen, met nenport dimoun ki li i anvi lo sistenm.

E se sa fason ki mwan konman *accounting officer* mon

annan kontrol lo mon loperasyon. Pou *meet - Vetting Committee* ler i *meet is as frequently as we can*. Selman i annan letan *obviously staff* i dan lezot i malad, oubyen i dan en lot *meeting* i annan lezot keksoz.

Me selman nou pou fer sir nou pran ka ki i bezwen *meet*. Nou, nou annan nou target anndan ki nou pa kapab les aplikasyon ogmante. Nou le *achieve* nou *target 14 days* ki nou pe dir. San pran kont ki i annan lezot rezon akoz laplikasyon ki an retar, ki pa neseserman lo kote *ASP* li menm, i lezot *partners* ki tarde ek dokiman pou ganny serten *medical*, pou ganny serten lenformasyon *from other services* ki nou bezwen.

So parey mon'n dir bann ki asiz lo sa Komite i kapab mwan menm, mon Depite, Direkter Loperasyon, *Principal Officer, Accounts Department* si nou ganny en zofisye, so nou pran dan diferan – lekel ankor? *Investigation Unit* preske – nou servi nou *staff* anndan pou tou dimoun.

Savedir mazine si *Seniors* ki'n travay lo sa *case* pou prezante, en zofisye *Accounts* i vin asiz la, so i montre ou grander group ki pran pou montre ki napa

lenterferans personnel dan sa ka, poudir *this is my best friend* ki mon pet met lo sistenm. Mersi.

**MR DEPUTY SPEAKER**

Mersi. Ou annan klarifikasyon?

**HON WAVEL WOODCOCK**

*CEO*, ou'n dir bann *Senior* ki asiz lo sa komite. *But what about* lo Praslin? Eski i annan en dimoun sorti Praslin ki vin fer zot *case* pou bann diferan laplikasyon lo Praslin? Mersi.

**MR DEPUTY SPEAKER**

Mersi. Ms Morin?

**CEO ASP BRENDA MORIN**

Chair, mersi. Onorab, mersi pou ou keston. Ankor mon fer en koreksyon sa ki ou'n dir ki *Seniors* i asiz lo sa Komite. Non, sa pa asiz lo sa Komite. Zot vin prezant sa *case* avek Komite ki i form tou bann lezot *staff* ki pann travay lo sa *case*, *ok*.

E lo Praslin, wi, i annan *Principal* ki baze laba Praslin ki ansarz, li osi i ansarz lo sa Komite i *dial* li. Nou servi teknolozi pou li kapab partisipe. E bann *case* i ganny prezante avek bann *Seniors* ki lo Mahe. E li i lo la li osi pou li konpran ki pe arive. *Ok*. Mersi.

**MR DEPUTY SPEAKER**

Mersi *panel*. Mon pou aprezan apel Onorab Cosgrow.

**HON WALLACE COSGROW**

Mersi Mr Chair. Bonn apre midi Minis avek *CEO*, avek ou *panel*. Mr Chair, mon krwar o komansman nou bezwen fer resorti. Mon pa ni - mon pa pe fer malelve. Mon pa ni pe iresponsab, me selman mon bezwen fer resorti ki poudir ler nou *Caucus* i pran en desizyon pou fer en aksyon, i nou *Caucus* nou decide fer nou aksyon.

Onorab Georges, atraver ou i pa kapab li vin dir vin zistifye kwa ki nou sipoze fer pa fer. Nou, nou ti pran en aksyon baze lo sa ki dan *Chair*. Bomaten nou'n rekonnet poudir ti annan 2 dimoun dan *Chair*. Ti annan en *Speaker* avek *MNA* Mont Buxton.

So nou, nou'n pran nou desizyon. So, sa i nou desizyon konman en *Caucus*, ou Onorab Georges *run* ou *Caucus* silvouple!

*(Off-Mic)*

**HON WALLACE COSGROW**

*(Arr*, be ou ganny elekte en kou ou!) Eskiz mwan!

Mr Chair, direkteman lo *ASP* prezan en. Nou annan mon pou diriz *panel* ver mon pou diriz *panel* ver alokasyon *Social*

*Safety Net* ki dernyen - non avan dernyen laliny dan sa latab *summary of expenditure estimates*, en?

Si nou get *actual* 2022 zot ti depans R9,539 mil. Ler mon pe get *trend* ki zot in dir la, *the actual* probableman apepre R20 milyon petet en pti pe plis. Kestyon i reste prezan. Si nou *actual* pou 2 an in sa kantite. Be akoz ki Bidze 2024 nou pe met R61 milyon 769 mil dan Bidze?

Swa nou pe fer mal *budgeting* move *budgeting*, ouswa nou annan larzan ki nou pe met *somewhere*, ki nou pe al fer lezot keksoz avek .Akoz si ou pe get *trend* mon pa krwar Bidze pou mont 3 fwa plis, sorti 20 milyon pou ariv 61 milyon!

Swa i annan lezot aktivite ki pe ganny fer, ouswa zot ti pe vreman, vreman *under assist* pep Seselwa. So si zot kapab donn nou en zistifikasyon akoz zot in fer monte sa Bidze.

E mon war sa Bidze i ale *throughout* ziske 2026 menm parey. So prozeksyon i menm parey. So donn nou en lesplikasyon akoz. Akoz mwan pou mwan mon 2 konklizyon *either it was bad budgeting* or i annan lezot keksoz ki zot decide al fer ek sa larzan, ki pa pe kler dan Bidze.

Aprè zis en pti an pasan Mr Chairman, si zot kapab dir

nou ki rezilta bann *partnerships* ki zot in *build* pandan bann lannen. Sirtou avek bann lorganizasyon ki ede *assess - assess* zot bann laplikasyon. Konmsi pa ede *assess*, me solman ki kontribye dan *assessment* zot bann laplikasyon.

Akoz bokou konplent ki nou pe gannyen deor, se ki bokou dimoun malgre zot swiv sa bann prosedir zot kontinyen troun an ron, troun an ron.

Kote *Employment* i enn. Menm si zot ganny anvoye pou *refer*, bokou zot apre, *either* zot ganny *refer* apre zot troun kot *Employment*. Konmsi i annan en problemn avek sa bann *referrals*, sa bann *partnerships*.

So si ou kapab donn nou en pe lesplikasyon lo ki *how successful* *are* *those partnerships*. Mersi bokou.

### **MR DEPUTY SPEAKER**

Mon ava envit *panel* pou larepons. SS.

### **SS PATRICK PAYET**

Mersi Mr Chair. Mersi Onorab pou sa kestyon. Mr Chair, parey mon'n mansyonnen ki en programn travay ki nou pe fer ki nou'n konmanse, sa *socio economic needs assessment*. E an menm tan ki nou pe travay avek bann lezot *non income*

*dimension*. Konmsi ki nou pa pe regard zis *income* parey ozordi ki nou pe servi.

So sanmenm sa ki nou'n kit menm provizyon pou lannen 2024, pou nou fer sir ki *any* eleman ki letan nou fer sa revizyon, *as early as possible*. E sa in ganny entegre ki nou pa vin devan Lasanble pou nou demann *supplementary budget*. Me i en provizyon ki nou'n mete *once* ki nou konplet sa legzersis.

E osi travay ki nou pe fer avek ASP parey zot konnen, sa nouvo sistenm ki nou pe mete. E an menm tan apre ki nou pe travay lo sa *social registry*, ki nou pou fer sir ki bann entegrasyon bann sistenm avek lezot lazans. Savedir ki ava ed ASP osi letan zot pe fer zot *assessment*, annan bann lenformasyon sorti kot bann lezot lazans. Zot pa pou fer li manyelman me i pou entegre direkteman avek lezot sistenm.

So nou panse avek sa osi *this is why* ki nou'n met sa provizyon. Me an menm tan letan nou, nou fer nou revi dan Bidze *Mid-year Review*. E nou a donn zot kote ASP i ete e baze lo bann sa nouvo revizyon dan *weight* ki nou espekte fer lannen prosenn, nou a donn zot kekfwa ki kantite *actual* pou ete a sa moman.

So nou Minister Finans nou'n kit sa provizyon. Nou'n vwar li ki i nesese aköz sa travay ki nou pe fer. Aköz nou pa ankor konplet li pou konn son *quantum*. Me selman nou panse avek sa *current* provizyon ki nou'n mete i kapab ase. Mersi.

### **MR DEPUTY SPEAKER**

*Financial Controller* i annan en lot pwen.

### **EX-FINANCIAL CONTROLLER CHIARA CULTERI**

Mersi Mr Chair. Mersi Onorab. *With regards to your comment kot bad budgeting*, mon kapab konfirman ki ler nou ti asize nou ti fer Bidze pou *Social Safety Net*, nou ti enkorpor en ta keksoz.

Premyerman *uncertainties* lo marse. *Ok as you may be aware Ukraine war and all the uncertainties* ki annan lenflasyon, *ok*, pri komodite i kapab ogmante, so nou toultan nou bezwen annan en *gap* dan Bidze ki nou *cater* pou sa bann keksoz.

Dezyenmman *with regards to logmantasyon saler dan public sector - 10poursan*, ASP in also forecast ki in view ki *private sector* ba ti nesese man *increase* saler,

Bann dimoun dan *private sector* ti pou vin devan.

*So, it's not a question of bad budgeting, be rather nou pe forecast for uncertainties even if trend pa pe reflekte sa. Mersi.*

**MR DEPUTY SPEAKER**

Mersi. Mon krwar konmsi i annan en pwen lo rezilta *partnership*. *Minister* ki le reponn sa?

**MINISTER PATRICIA FRANCOURT**

Mersi Mr Chair. Onorab, mon krwar Departman Lanplwa *is in the best hands ever. The best hand ever* akoz nou'n vini dernyen fwa nou'n donn zot *statistics* ki zot pa le krwar, zot dir pa kredib. Me solman la *realite out there speaks itself*.

Nou montre poudir – ou konnen ou en dimoun i ganny *refer* 5 fwa. Pa arive sa bokou dan lemonn. En dimoun i ganny *refer* 5 fwa pou en louvraz. *This is more than the average*.

Nou parey nou kontinyelman dir nou pa donn louvraz. Nou donn loportinite pou sa dimoun, fasilite pou sa dimoun, fasilite pou sa dimoun kapab al ganny louvraz.

Kekfwa ou pa le krwar nou *statistics* letan nou dir ou konbyen dimoun nou'n plase

dan louvraz. *Look at it. Look at it. Again, the facts tell the story.*

Ki nou pe fer vreman byen, se ki nou pe ankouraz sa dimoun ki le pran lanplwa, pou kapab donn li en *starting point, right?*

*So, starting point is ou napa lanplwa? Ou'n anrezistre. Si ou'n anrezistre ASP otomatikman i konnen. Kantmenm manually nou pe fer sa vreman byen, i konnen. I pou siport li ou li as long ki ou pe kontinyelman actively al kot sa bann referrals ki demann ou. Parey mon dir 5 fwa pou en dimoun.*

Ou al ou *referrals*. Si i annan rezon akoz ou pa pe ganny louvraz, i annan *counselling* ki *take place*. *Most of the time*, sa bann dimoun i ganny siporte *throughout the duration* ki pe *actively looking for a job*. Ler in pran sa louvraz osi parey *CEO* in dir. I *still* siport ziska i a ganny son premye *salier at least, right?*

*So nou pe fer nou very best and you know that.* Departman Lanplwa avek son bann *partners* e ASP avek son bann *partners*, i travay vreman byen. Napa landrwa ki en *agency* ki sipoze zis peye.

Akoz li i pa fer sa bann louvraz al *in depth* pou sa endividi, me i *refer*. I *refer*. *The*

*referral system works. The referral process works. Petet zot pa konpran ki savedir referral.*

Mon war Onorab pe *frown*. Petet ou pa konpran me solman *this is what happens. This is what happens. You refer, and the person gets the support and the intervention that the person needs*. Be mon pa konnen ki manner zot dir zot pa konnen. Me solman zot napa levidans pou montre.

### **MR DEPUTY SPEAKER**

Mersi *Minister*. Ou annan klarifikasyon lo *no new arising point*. Klarifikasyon.

### **HON WALLACE COSGROW**

Non, Mr Speaker, napa nanryen nouvo *arising*. Konmsi fodre pa nou emosyonnel Mr Chairman. Mon kestyon i enn ki *genuine*. Mon'n demann Minis an se ki konsern bann *referral agencies*, bann *partnerships*.

Minis, mon krwar in emosyonnel. Mon anvi konn en pti pe lo bann diferan *partnership* zot annan. Zot annan bann labank, zot annan SRC, zot annan bann manner i apele sa *Pension Fund* kot zot gete si en dimoun in deza pe travay. *So how are the partnership working Minister?*

Pa zis *referral* kot ou. Konmsi mon ti a kontan ganny

bann *partnership* ki manner i pe marse.

Aprè en klarifikasyon ankor Mr Speaker ankor avek Minister Finans, i paret ki dan Bidze i annan bokou provizyon. Nou war provizyon 25 milyon pou saler. Nou war provizyon triple pou *contingencies*.

*Madam you are an accountant you triple pou contingencies*, sorti 20 milyon *actual* pou ariv 61 milyon *budget*. Konmsi mon pe war bokou bann *contingencies* partou. Be eski semenn pase i annan zofisye ki'n dir nou napa *fiscal space*. *Be this is where we can get fiscal space, by properly met kantite larzan ki nou bezwen e les lespas pou bann lezot landrwa.*

So, mon krwar ou ava dakor avek mwan SS, ki nou pe fer tro bokou provizyon ki redwir *fiscal space*, pou nou kapab donn *scheme of service*, donn isi, donn laba, donn benefis travayer. Si zot kapab reponn mwan sa. Mersi.

### **MR DEPUTY SPEAKER**

Mon ti ava apresye ki *panel* i retourn lo sa zafer *partnership*. E SS mon pa konnen si oule koz lo sa zafer *contingency*, me limit ou lobzervasyon lo alokasyon ASP. Akoz la nou pa pe koz lo *contingency or any other*





donnen nou bann *partners*. Mon'n dir Lanplwa lot lot. Bann *links* ki nou rod lenformasyon *of course* akoz nou *link up* avek labank.

*So, we will get the information* avek labank. Bann *links* ki nou pou rod lenformasyon avek *Housing*. *Linking up* zot *housing loan* par egzanp ki zot annan *and so on*. Si zot annan en *business loan*, *rental agreement* ki zot annan avek *PMC*. *These are the links* ki nou bezwen annan avek zot.

Sa i enn bann ki mon pe nonmen. *So, partnership* mwan dan mon enterpretasyon, *is bann referrals* ki nou fer sa *is the partnership*. Mersi.

### **MR DEPUTY SPEAKER**

Mersi *panel*. Mon ava apel Onorab Porice.

### **HON DOYACE PORICE**

Mersi Mr Chair. Bonn apre midi Minis avek ou delegasyon. Minis, mon vreman apresye zot travay ki zot pe fer sirtou - espesyalman *CEO* sa bon relasyon travay ki nou annan pou zabitan Baie Ste Anne, Praslin.

E mon annan zis en pti kestyon konsernan *office building rent*. Kot i annan en besman en pti besman. Kekfwa mon ti a kontan ganny en pti

lesplikasyon lo la silvouple? Mersi.

### **MR DEPUTY SPEAKER**

Mersi Onorab. *Panel, office rent*.

### **EX-FINANCIAL CONTROLLER CHIARA CULTERI**

Mersi Mr Chair. Mersi Onorab. Sa *decrease* anba Kod *office rent* i akoz *Home Care Agency* ti pe *occupy* de lofis *at Oceangate House* and zot in transfer *Unity House*.

*So that's why* ou pou war sa *reduction ASP* pa pe *accommodate* pou sa *bill*. *It's under Home Care Agency budget*. Ok,

. Mr Chair, mon ti annan en komanter pou Onorab Cosgrow, eski ou donn mwan permisyon *please*?

### **MR DEPUTY SPEAKER**

Wi, i referans avek en kestyon in demande?

### **EX-FINANCIAL CONTROLLER CHIARA CULTERI**

Mersi. *Ok*. Onorab Cosgrow, *with regards to your statement* lo kote provizyon. I enteresan pou note ki an 2016 *ASP* ti fer provizyon R135 milyon - *ok* pou *welfare payment*. Sa ti ogmante an 2020 kot ti annan R135 milyon anba *welfare* e an 2020 ti R125 milyon.

E kwa ki enteresan osi Mr Chair, an 2017 provizyon i desann R81 milyon. I desann ankor R53.1 milyon. I desann ankor R49.8 milyon. An 2020 i mont ankor R125 milyon. So, Mr Chair, petet lo kote provizyon Onorab Cosgrow i kapab eksplik nou. Mersi.

**(APPLAUSE)**

**MR DEPUTY SPEAKER**

Mersi. Onorab Pillay.

*(Interruptions)*

**HON SEBASTIEN PILLAY**

Mersi Mr Chairman pou donn mwan loportinite pou demann mon kestyon. Mr Chairman, avan mon demann mon kestyon, mon le met en keksoz lo rikord Lasanble.

E pou fer kler ki - toutaler ler Onorab Cosgrow in demann son kestyon, ou'n diriz *panel* lo ki son porsyon son kestyon pou reponn. Savedir i montre poudir ou annan en kantite pouwar konman sa dimoun ki asiz dan sa Sez.

Malerezman ler ou, ou demann en kestyon dan sa Sez, personn pa kapab kontrol sa ki ou demande. E se pour sa rezon ki Lasanble in etabli sa premis ki'n ganny etabli. I *up to you* pou fer pli byen ki bann ki'n pas

avan ou. Or pou decide pou fer parey, sa i ou swa Mr Chairman.

Mon vin lo Bidze ki devan nou. Premyerman Mr Chairman, mon le retourn lo sa pwen ki Onorab Cosgrow in fer. E mon pou adres serten sa bann sif ki'n ganny nonmen.

An 2022, nou *actual* depans pour *Social Safety Nets* i 9.5 milyon. An 2023, nou *end of year* was 61.769 million. Me mon war li drol selman an 2023 la kot nou ete la, nou pe depans zis 18 milyon. Menm si nou miltipliy sa par 2, nou pou depans o *maximum* 36 milyon.

Ki pou fer ki nou riske annan nou en balans *around* R40 milyon. E mon ti a kontan konnen ek Minister Finans, ki arive ek sak balans R40 milyon?

Akoz Mr Chairman, nou konsernen avek serten fason *budgeting* ki pe *go on* depi detrwa zour. I paret Minister Finans in abandonn *zero-based budgeting* e zot pe fer *historical budgeting* prezan.

Akoz par egzanp, zis mon ava eksplik mon pwen si ou permet mwan Mr Chairman, nou'n ganny lenformasyon avek SIA taler ki'n dir nou i annan 284 proze, ladan 209 pe ganny enplimante, 155 konplete e 22

pe al konplete. Ki fer ki i annan en 38poursan *completion rate*.

Ki fer ki 38poursan larzan – *well* i kapab en pti pe plis, in ganny servi. Me lamazorite larzan pe ganny retenir. Savedir nou'n abandonnen *zero-based budget*. Savedir Gouvernman pe pran sa larzan pe *park* dan en *suspense account* prezan.

So *actual budget* ki nou pou al antre dan lannen 2024 avek, i pa sa 10.2 bilyon. I plis. Mon met sa devan ou Mr Chairman, ki sa i en vyolasyon privez Lasanble, aköz nou pa konnen konbyen larzan vreman nou pe donn Gouvernman. E prezan si nou vin lo sa size ASP, i vin menm zafer. *Ok?*

Ler nou regarde ki pou arive, sa 40 milyon pou retourn dan Bidze Gouvernman. Sa ki mwan mon konsernen avek se kote sa 40 milyon pou ale? Pour kwa ki i pou ganny servi? Ki manner nou pou kapab *account for?* Aköz i pa lafot ASP. ASP pou swiv son prosedir. I pou pey lakantite peye ki i devret peye.

Me lot problem i vin lo Minister Finans. Nou *issue* i pa avek ASP nou. Nou *issue* i avek Minister Finans. Se ou ki fer prozeksyon. E ou ki pe donn sa larzan baze lo serten analiz ki – mon'n tann ASP dir nou lenflasyon, bann keksoz

koumsa. Me *still* lakantite dimoun ki pe ganny asiste i pa arive lo sa *threshold*, sa R61 milyon.

So kekyon pour nou, se kote ou pou al met sa larzan? E aköz alors, vi ki ou'n dir pou dir in annan labi dan lepase. Ou'n nonm plizyer gro sif. E nou konnen poudir ler ou'n nonm sa bann sif. Par egzamp pour 2020, nou tou nou konnen poudir ASP ti osi pe asiste avek COVID.

PS ou konn sa – SS Payet ou konn sa tre byen. E sa sonm ki *Financial Controller* pe nonmen pour 2020, ou konn tre byen poudir *part of* sa sonm ti ganny servi avek COVID. So annou pa *mislead* Lasanble pou fer krwar en lot keksoz.

*(Interruption)*

### **HON SEBASTIEN PILLAY**

Dezyenmman-dezyenmman Mr Chairman -

*(Interruption)*

### **HON SEBASTIEN PILLAY**

Dezyenmman Mr Chairman, nou'n koz bokou lo Bidze *approved programs*, me personn pa pe koz lo en Bidze ki mon krwar i osi enportan. E sa se Bidze lazans li menm. E lazans ler mon pe regard son Bidze avek sa kantite travay ki i

annan. Sa kantite efikasite ki tou Manm...

Zot tou zot dir tou keksoz pe marse. Apre zot konplent ek CEO, zot dir CEO i pran tro bokou letan. Zot dir CEO met kontrol, apre zot dir CEO tir kontrol. Zot pa konnen ki zot oule. Mon kestyon...

*(Interruption)*

### **HON SEBASTIEN PILLAY**

(Zot be konport ou mon frer! Relax ou!) Mon kestyon ki mon annan pour Minis; Dan prozeksyon ki ASP in fer, e avan ki ASP ti ganny son *ceiling from* Minister Finans, *what was the request made by ASP* pour son Sekretarya avek Minister Finans?

Mon pa krwar – mon ti a kontan...Mon pa ti a kontan krwar ki i 10 pwen ekek milyon. Mon ti a kontan ekspekte ki ASP ti'n demann en pe plis, pou li kapab swa fer *recruitment*. Swa pou li kapab *improve* son bann striktir ki i annan an plas. Mon remersi ou pour ou pasyans Mr Chairman.

### **MR DEPUTY SPEAKER**

Mersi. Mon'n *note* 2 pwen; ki pou arive avek sa balans 40 milyon? Avek, ki *request* lazans ti fer avek Minister Finans pour son Bidze? Mersi.

### **SS PATRICK PAYET**

*Thank you* Mr Chair. E mersi Onorab. Mr Chair, kekfwa zis mon a mansyonnen ki lafason striktir Bidze, e lafason ki kekfwa letan nou pe enplimant Bidze.

Tou le mwan – *every quarter budget* i ganny *released* sorti kot Trezor. E osi parey zot konnen ki nou annan reveni ki nou kolekte par SRC ouswa bann lezot lazans. E osi i annan bann depans ki Gouvernman i fer.

E si nou vwar ki pandan en mwan, ouswa pandan en semenn Gouvernman i dan *deficit*, nou ale nou al *borrow* - parey zot konnen, *Treasury Bill*. Ouswa *every quarter* nou fer *borrow Treasury Bond*.

E parey zot okouran, ki menm si larzan i dan sistenm - Si par egzanp sa Lazans, par egzanp la nou pe koz lo sa *Social Safety Net*, si sa larzan letan i ariv lafen Desanm pa'n ganny servi - i pa larzan ki'n ganny servi. So, pour nou letan nou pou rikord li, nou pou rikord zis sa *actual*.

So, letan ou regard *Social Safety Net*, i pa pou al ganny transfer dan en *suspense account* ouswa lo en lot kont. Akoz i pou *actual* ki'n ganny

depanse letan ou *close fiscal year* ki le 31 Desanm.

E osi ki nou fer, nou regarde si par egzanp i annan letan ou regard son vot total. Par egzanp letan ou regard benefis *and approved program of ASP*. Si i annan bann *areas* par egzanp si i annan *deficit*, nou *allow* li pou li *vire funds within* sa *code* ki egziste ozordi. So tousala i bann striktir ki nou mete.

Pour nou retourn *back* ankor lo kote *forecast* ki nou nou'n fer, parey mon'n mansyonnen, nou nou'n fer sir ki *at least* – akoz nou pa ankor konplet sa travay final. Parey zot in konnen ki i annan revizyon ki'n ganny fer sa lannen. Me i annan revizyon ki nou ekspekte vin avek pour lannen prosenn.

*So, this is why* pour nou, nou *feel* ki sa provizyon ki nou'n mete - 61.8 milyon, *we feel* konfortab ki *once* ki nou konplet sa legzersis, ki nou kapab vin devan Lasanble pou dir; be *ok*, baze lo ekspektasyon e baze lo nouvo travay ki nou'n fer, *this is the cost* realis ki nou pou vwar ki i pou kout *ASP*.

Si par egzanp, ozordi ki nou fer, zis nou koupe nou dir; akoz *ASP* ti pe servi zis apepre 20/22 milyon par lannen. E *once* ki nou konplet sa legzersis

nou vwar ki nou bezwen larzan adisyonnèl – 8 a 15 milyon. Nou pou bezwen koup *somewhere* si napa reveni adisyonnèl.

*So, this is where* ki nou *feel* ki sa *forecast* ki nou'n fer, les nou konplet sa legzersis. E *once* ki nou konplet sa legzersis, nou a donn zot lenformasyon baze lo ki kantite kekfwa nouvo *recipients* ki nou'n gannyen adisyonnèl. E baze lo reform ki nou pe travay lo la. Mersi.

### **MR DEPUTY SPEAKER**

Ms Morin?

### **CEO ASP BRENDA MORIN**

Chair, mersi. Onorab mersi pour ou kestyon. Lo *in terms* ki i pe dir ki; eski nou annan ase *staff* pour *process* bann laplikasyon e tou sa? Pour mwan mon dir, lo kantite *staff* ki nou annan, nou ase.

Problenm se sa mannyel. Sa fason fer laplikasyon. Sa fason ki *ASP* pe *operate* ki devret modernize. E mon war ki en fwa ki nou annan nou sistenm an plas ki nou sanz sa, nou pou ase avek nou resours. Me moderniz nou sistenm ki pou *fast track* sa.

Akoz si non, si nou pou met en ta *human resources available* ki pou fer zis pe ranpli *form*, papye, sa is *not the best*

*way to use limited resources* ki nou annan.

So, *the best way* is pour nou reviz nou sistenm, met an plas. Apre regarde lo *human resources* si nou pou bezwen ankor. Be souvan, ler ou pe met en sistenm. *Actually*, ou pou bezwen *deploy other places* oubyen i *sufficient* pour ou kontinyen. Mersi.

### **MR DEPUTY SPEAKER**

Mersi. Ou annan klarifikasyon?

### **HON SEBASTIEN PILLAY**

Mersi Mr Chairman. Mon annan klarifikasyon lo sa tou le de pwen. Lo premye pwen ki ou'n donn mwan lo *forecast budgeting*. Ok? Mwan mon annan en problenm avek sa ki ou pe dir mwan akoz ou pa kapab vin donn mwan lenformasyon, apre ki ou'n fini fer mwan pas Bidze. Ou bezwen donn mwan lenformasyon avan.

So, la pour lemoman mon pa konnen ki kantite larzan ou annan, ki vremen ou annan ou pe al depanse. So sa ki ou'n dir mwan la *basically*, ou'n dir mwan ou napa 69 milyon ou?

Ou dir mwan – akoz manner ou'n eksplik mwan, i pa larzan ki ou annan. I pa parey konmsi i annan en kont ki annan sa 69 milyon ladan. I

zis ki sa larzan in ganny mete la.

So, mon pe zis – mon konsernen ki nou pe fer bann *book entry*. Ou konpran ki mon pe dir ou? Mon pe konsernen ki nou pe fer *book entry*. Akoz ou'n dir mwan *by the time* ki ou pou al *raise Treasury Bond* pou finans sa Bidze, mon lekspektasyon i se ki ou annan sa larzan e sa larzan i la.

E ki *at any moment* parey *FC* in dir nou, annan en *force majeure* Sesel kot nou *actually* bezwen R30 milyon pou ed dimoun avek, nou annan sa larzan. Me sa ki ou pe dir mwan se ki ou napa, sa *come to a force majeure*. Akoz ou pou bezwen al *raise* sa larzan.

So, *the question which begs itself* Mr Chairman se; eski Gouvernman pe fer nou aprouv en Bidze – mon pa le servi sa term 'kabri dan sak', me aprouv en Bidze ki en Bidze *fictitious*, en Bidze ki pa reel, *as apposed to* en vre Bidze?

Akoz si mon ekout largiman *FC*. E mon kontan son largiman ki in fer. Mon kontan in reponn Onorab Cosgrow in dir sa ki in dir. Be sa ki pa'n realize, *IMF* in assess nou Bidze pandan tou sa bann lannen e pa'n war okenn problenm avek sa bann Bidze.

*(Interruption)*

**HON SEBASTIEN PILLAY**

So nou kestyon – nou kestyon ki nou, nou annan pou demann Minister Finans Mr Chairman se; kote – kote sa bann prozeksyon ki ou pe mete; par egzanp 25 milyon pour *Constitutional Appointees* - saler Prezidan, saler Minis? Kote sa bann larzan pe sorti pour sa bann prozeksyon ki...? Eski i reel oubyen eski i zis koumsanmenm dan ler?

E lo kote kestyon pour – mon klarifikasyon pour Minis Mr Chairman; kestyon ki mon ti annan se ki; mon konnen Minister Finans i donn zot en *budget ceiling within which* zot bezwen prepar zot Bidze.

Mon kestyon ki mon ti annan pour zot se; *what was your actual forecast? Where is the actual forecast* ki li ASP ti pe demande avek Finans pour son Bidze?

Prenan kont ki nou pa'n koz ditou lo ni *Schemes of Service* pour bann – ou bann travayer. *Whether or not* ou annan revizyon dan ou *schemes of service*. *Or whether or not* ou annan revizyon pou fer ou bann – pou *provide* lezot benefis adisyonnèl pour bann travayer dan ASP. Mersi Mr Chairman.

**MR DEPUTY SPEAKER**

Mersi Onorab. SS Payet?

**SS PATRICK PAYET**

Mersi Mr Chair. Mersi Onorab. Onorab, mon krwar en keksoz ki nou bezwen *get it right* i se lo kote Bidze *versus the cash flow needs*.

En keksoz ki nou travay tou le lannen parey ou konnen, se nou travay lo Bidze. Apre tou le – baze lo travay ki nou pe fer la. Par egzanp sirkiler in fini sorti ki *by* le 30 Novanm, tou Minister baze lo *forecast* Bidze, i bezwen anvoy zot *monthly forecast*.

E *once* ki sak Minister in anvoy kot nou, baze lo *monthly* ki mannyer zot pe al depans zot Bidze - nou, nou vwar ki bann *cash flow needs* ki nou pou bezwen. Si nou pou bezwen al dan marse. Ouswa baze lo bann pret ki nou pe fer.

Par egzanp letan ou regard Bidze 2024, si kekfw nou al dan *summary table* li menm, nou pou vwar ki nou balans primer nou annan en sirplis 331 milyon. Me selman letan ou regard son total *overall balance*, i en *deficit*. Overall i 406 milyon.

So, definitivman 406 milyon, Gouvernman ou bezwen al prete lo marse. E sa definitivman pour nou, nou regard li i baze lo mwayen, term



soutenabilite fiskal Bidze Gouvernman mwayen term. E i en travay ki nou fer tou le lannen ki nou fer revizyon pou nou regarde kote nou ale.

Annou get Bidze 2025, Bidze 2026, ou pou vwar ki *overall cash flow needs* ki Gouvernman i bezwen i redwir. Savedir Gouvernman pou pe repey en pe plis sa bann *loan* akoz i pe kolekte plis reveni.

So, sa i en travay ki nou fer Mr Chair, tou le lannen e avek bann Minister. I pa zis akoz ozordi ki nou'n met en provizyon. I ganny revize tou le mwan, tou le semenn baze – i en travay ki nou'n fer pandan 2008 baze lo striktir *fiscal management - public finance management* ki nou'n met an plas.

So, i en travay kontinyel mon krwar ki nou pe fer. Mon krwar *engagement* ki nou fer avek FPAC, Onorab i okouran striktir ki nou travay lo la. Mersi.

**MR DEPUTY SPEAKER**

*Financial Controller* i annan en komanter?

**EX-FINANCIAL CONTROLLER CHIARA CULTERI**

Mersi Mr Chair. Mersi Onorab. *With regards to wages and salaries* pour *staff*, ASP in met

dan Bidze en *total* R405 mil pour *salary enhancement* pour bann *staff* ki pe konplet zot *bachelor in social work, effective next year*. So i annan. Mersi.

*(Interruption)*

**EX-FINANCIAL CONTROLLER CHIARA CULTERI**

*What was the forecast for Social Safety Net? For ASP? En pti moman. Parey...*

*(Interruption)*

**EX-FINANCIAL CONTROLLER CHIARA CULTERI**

*Ok.*

*(Interruption)*

**MR DEPUTY SPEAKER**

*Please proceed Financial Controller.*

**EX-FINANCIAL CONTROLLER CHIARA CULTERI**

*Ok. Mr Chair, sa ki nou'n demande i sa ki nou'n gannyen avek Finans. Thank you.*

**MR DEPUTY SPEAKER**

Ms Morin i le azout en keksoz?

**CEO ASP BRENDA MORIN**

Chair, mersi. Onorab, mersi pour ou kestyon. Onorab, mon pou bezwen fer en koreksyon lo

sa ki ou'n dir *regarding* ki *IMF World Bank* ti napa okenn problemm avek bann Bidze lepase ki ti pour *ASP*.

Wi, zot pa'n fer okenn komantr sa letan akoz ti napa okenn odit ki ti ganny fer kot *ASP*. E lo dernyen *investigation* ki ti ganny fer, Onorab se mwan ki ti ganny sa bann rapor pour mwan kapab met sa bann kontrol an plas baze lo 2 odit ki ti fer.

*So, it took me a long time* pour mwan kapab pre...

*(Interruption)*

### **CEO ASP BRENDA MORIN**

Mon ti ganny demande pou met tou sa bann kontrol an plas ki *IMF*, pour nou kapab retourn nou lo nou program. E zot ti le vwar ki kalite kontrol nou pe met an plas ki pa ti la. Pour tou sa letan, ki ti annan 2 odit ti ganny fer *internal* avek *external auditor*. Mersi.

***(APPLAUSE)***

### **MR DEPUTY SPEAKER**

Mersi. Onorab Arissol?

### **HON SANDY ARISSOL**

Mersi Mr Chair. Bonn apre midi tou dimoun ki a lekout. Mon ti a kontan premyerman dir mersi. Mon ti a kontan dir mersi

parske mon kontan letan Gouvernman in donn en logmantasyon *across the board* bann travayer - dan travayer Gouvernman. E sa 10poursan logmantasyon ki zot in gannyen.

An menm tan in fer provizyon pou osi elev bann *weight*, pour en pe letan ki pa'n zanmen ganny eleve kot *Welfare*. So, mon ti a kontan dir mersi pour sa e asire ki tou larzan i ganny distribye byen dan tou kours nou sosyete.

Mon ti a kontan demann 2 kestyon an relasyon avek; par egzanz bann *weight* ki'n ganny eleve, sirtou pour bann *orphan*. Eski sa bann dimoun pou bezwen fer nouvo aplikasyon pour sa, oubyen i vin otomatik depandan si zot annan en kont i al lo zot kont?

Mon premye kestyon.

Mon dezyenm kestyon ki mon ti a kontan demande se; toultan letan nou koz *welfare*, nou koz benefis pour bann dimoun ki nou dir i dan problemm drog, lalkol. Oubyen bann dimoun ki pa travay.

Be eski kot *Welfare* i annan benefis pour bann dimoun ki responsab dan sa sosyete? Eski i annan benefis pour bann travayer ozordi dan sa ki mon pe vote? Eski sa travayer ki travay byen onnet i

santi li in bite pandan le mwan, eski i kapab al kot *Welfare* par egzanz; si i annan en lanmor, si son lakaz i brile ek dife, si i ariv en keksoz avek li?

Parske toultan nou asosye *Welfare* avek zis bann dimoun ki pa travay. Be mon ti a kontan konnen pour bann dimoun ki pe ekout nou deor ki travay, ki fer kontribisyon, eski i annan en keksoz ki zot kapab zot osi gannyen dan sa zafer ki mon pe al vote la? Mersi bokou Mr Chair.

#### **MR DEPUTY SPEAKER**

Mersi Onorab. *Panel?* Ms Morin, *proceed*.

#### **CEO ASP BRENDA MORIN**

Chair, mersi. Onorab, mersi pour ou kestyon. Lo sa bann *statutory benefits* ki'n ganny revize la pour tou sa bann ki deza pe ganny benefis, se zot otomatikman zot benefis i ganny *increased* baze lo sa bann *rate*. E la bann nouvo ki antre lo la, zot antre lo sa ki nouvo.

Lo sa enn *foster care*, sa Sosyal ki – akoz i annan gran sanzman. Se Sosyal – *Social Services* ki pou fer sa bann *assessment* pou dir nou lekel pou peye e konbyen, parey boner nou'n eksplike. Mersi. Lot kestyon?

#### **MR DEPUTY SPEAKER**

*Minister* i annan en keksoz pou azoute?

#### **MINISTER PATRICIA FRANCOURT**

Mersi Mr Speaker. Onorab, wi, *supplementary benefit* i egzaktaman la pour sa. I annan en kantite dimoun ki travay e zot travay dir. Me selman petet sa *income* ki antre kot lakour i pa *sufficient*, i pa ase.

E *this is* – e mon pran sa lokazyon pou dir avek dimoun. Letan ou war poudir - *the welfare and the supplementary*. Letan ou war ou dan sa sityasyon, *this is what* lazans i la pou fer.

Ou bezwen servi sa *process*, vin devan. E i annan kriter, i annan kalkilasyon ki ganny fer, pour nou kapab *supplement* sa bout ki ou pa gannyen. E partou, *this is how the Welfare System and the supplementary system* i marse.

Dife nou'n war, wi. Nou annan bann larzan ki kapab kouver sa. Nou'n war poudir i kapab annan en *drastic change* dan lakour, oubyen lanvironnman kot sa dimoun i reste. Ki i fer ki i annan en lenpak lo son *income* ki pe antre. E tousala i bann

konsiderasyon ki nou fer lo sa Bidze pou nou kapab regarde.

E mon met en lapel la. Dimoun pa bezwen ezite pou *come forward* pou zot *apply You go through the process. You apply like anything else*. E si ou merite, e si kriter ki'n ganny servi i byen e i *accordance* avek ki *manner* regilasyon pe demande, si ou merite, ou pou gannyen. Sa Bidze i la li.

*Actually*, nou la pou nou kapab soulaz e ed bann fanmir. E i annan fanmir i travay vreman byen e vreman *for out there. And if they are struggling or within the budget* ki pa ase kot lakour, *this is what they are for*.

Aprè osi Onorab, sa fason ki nou pe ede, i pa zis dan en laliny *benefit*. I *across the board*. So si ou regard tou sa bann laliny *benefit statutory* ki nou'n donn *increase* ladan, i *still* pe annan en lenpak pozitiv *financially* lo tou sa fanmir.

Letan nou dir nou fer *benefits* zanfan, *foster*, lot, lot i monte. I *still* i annan en *increment* dan sa lakour, dan sa fanmir. Letan nou dir en lot *statutory benefit* in monte, nou'n sorti la pour en zanfan ki - *maternity* par egzanp ki nou pe regarde, i *still* en larzan adisyonnèl ki antre dan sa lakour.

So i annan fason *right across* sa bann, *statutory benefits* ki sa fanmir pou *still* benefisyè. So i pa dan en laliny *benefits*. I annan i plizyer laliny *benefits*. Mersi.

### **MR DEPUTY SPEAKER**

Mersi *panel*. Nou get ler, i 4er mwen 20. I annan ankor 5 Manm ki'n endike zot le koze. Sa i enkli 4 Manm *LDS* avek en Manm *US*. Malerezman mon pa pou kapab pran sa bann kestyon, parske nou bezwen pran en *break* pou nou retournen 4er pou *deal* avek Bidze Zidisyer. E ankor enn fwa nou bezwen *manage* letan.

I annan en Manm dan nou konversasyon. Ler in konmanse ek *by the time* ki *panel* i fini reponn li, in pran 16 minit. So, zot kapab mazine. Nou merit konsyan letan nou *on the Floor*. Get revey e mazine i annan lezot Manm osi ki le demann kestyon. Mersi.

So, in ariv ler aprezan pou nou pran en *vote*. I annan 2 *vote* anfet pour nou pran. Dabor pour *Agency for Social Protection* ki lo paz 502 a 506 pour en sonm R29 milyon 304 mil. Mon ti ava demann tou bann Manm ki an faver pou endike silvouple? Mersi. Okenn Manm ki kont? Mersi.

Nou ava – So, *vote* pour *Agency for Social Protection* pour en sonm R29 milyon 304 mil, i annan 25 Manm ki'n *vote* an faver, 1 Manm in *abstain* e okenn Manm pa'n *vote* kont. Donk sa *vote* in pase.

Nou ava aprezan pran *vote* lo *Benefits and Approved Programs of Agency for Social Protection*. E li i trouve lo paz 34 dan Seksyon 2. Sa i en sonm R1 bilyon 252 milyon. Mon ava demann tou bann Manm ki an faver pou endike silvouple? Mersi. Okenn Manm ki kont? Mersi.

Rezilta *vote* pour *Benefits and Approved Programs of the Agency for Social Protection* pour en sonm R1 bilyon 252 milyon, i annan 26 Manm ki'n *vote* an faver, personn pa'n *abstain*, personn pa'n *vote* kont. Donk, baze lo lakantite Manm dan Lasanble Nasyonal, sa *vote* in pase par linanimite.

**(APPLAUSE)**

**MR DEPUTY SPEAKER**

I reste mwan pou mon dir mersi *panel* ki'n zwenn nou depi 2er apre midi. Delegasyon ti dirize par Minis *for Employment and Social Affairs*, Mrs Patricia Francourt. I ti akonpanyen par *Chief Executive Officer Agency for Social Protection*, Ms

Brenda Morin. Ti osi annan Ms Chiara Culteri, *ex Financial Controller*. Mrs Vaishali More ki *Financial Controller*.

E nou ti osi annan 2 zofisye Minister Finans avek nou ki pe reste pour kontinyasyon letan Zidisyer i vini. Donk, mersi pour zot partisipasyon avek nou. Bonn kontinyasyon *la soirée*. Nou pou rebran travay apartir 4er.

**(BREAK)**

**THE JUDICIARY**

**MR DEPUTY SPEAKER**

*Welcome back* tou Manm Onorab pour nou dernyen sesyon travay pour sa Merkrede. E prosennman pour nou Staz Komite lo *Appropriation Bill 2024* se Departman – non, plito *The Judiciary*. Nou ava demann madanm raporter pou ganny bann zofisye.

Zidisyer i trouve lo paz 96 a 101. Bon nou ava swet la byenveni *panel* ki fek zwenn nou; pe dirize par Mrs Juliana Esticot ki *Registrar*. E akonpanyen par Mrs Peggy Gill, *Financial Controller*; Ms Nicole Mathurin ki *Director of Human Resources and Administration*. E Mr Paul

Derjacques ki *Director of Operations & Logistics*.

Nou touzour annan 2 zofisyè Minister Finans avek nou. Sa i Mr Patrick Payet Sekreter *d'État* avek Ms Agnes Madeleine ki *Senior Finance Analyst*. Donk, nou ava envit *Registrar* pou fer en rezimen. E apre nou ava pran kestyon *from the Floor. Proceed?*

**REGISTRAR JULIANA ESTICOT**

Mersi Mr Chairman. Bonn apre midi Mr Chairman, tou Manm Onorab, delegasyon sorti kot Minister Finans e tou dimoun ki a lekout. An 2023 Bidze orizinal Zidisyer ti 94 milyon 465 mil. E nou Bidze revize ti ariv 93 milyon 565 mil, ki en rediksyon 900 mil.

An 2024, nou alokasyon Bidze i 97 milyon 662 mil ki reprezant en logmantasyon 4 milyon. Sa logmantasyon i aköz *wages and salaries* i annan 1.7 milyon. I azisteman dan *inducement allowance* anba *scheme of service* ki ti ganny revize an 2020.

Sa provizyon ti ganny mete tou le-z-an me pa ti'n ganny finanse. Apre provizyon pour saler pour bann *housekeepers* ki baze kot Zidisyer ki tonm anba *Cleaners' Cooperative*.

Apre i annan logmantasyon dan servis sekirite ki 300 mil. E sa i finansman pour servis sekirite kot en Ziz Lakourdapel ki ti napa sekirite kot li. Apre *maintenance lift* i 264 mil. Sa i pou *maintain* bann *lift* ki i annan dan *Palais De Justice* avek dan Lakour Mazistrar.

*Digitalization* dan bann Lakour i 120 mil pou enstal bann nouvo *camera* dan bann Lakour, pou kapab fer *virtual hearing*. Apre i annan komansman renovasyon mazer lo *Palais De Justice* avek *Supreme Court Annex*. E sa i 1.1 milyon.

Sa Bidze i pou deservi 5 Ziz Lakourdapel permanan ki enkli; en etranze, 2 non rezidan. 2 Ziz Lakourdapel *Ad hoc*, non rezidan e etranze. 9 Ziz Lakour Siprenm, 1 *Master*, 1 *Registrar*, 8 Mazistrar ki enkli 2 etranze. 200 *staff* ki enkli 9 etranze. E 37 manm Tribinal ki enkli lafanmir – Tribinal Lafanmir, Lanplwa, *Fair Trading*, *Rent Board* e *Juvenile Court*. Mersi Mr Chairman.

**MR DEPUTY SPEAKER**

Mersi *Registrar*. Mon ava envit premye entervenans, Onorab Georges?

**HON BERNARD GEORGES**

Mersi Mr Chair. Bonn apre midi *Registrar* avek ou tim. Avek ou permisyon Mr Chair, mon pou demann *Registrar* egzakteman menm kestyon ki mon ti demann avek Clerk Lasanble Nasyonal ler i ti'n vin prezant Bidze Lasanble Nasyonal.

E sa se; ki'n arive avek sa program pou donn Zidisyer plis lotonomi finansyel ek administratif? Mon pa vwar naryen dan sa enn Bidze.

Eski sa set en keksoz ki ou brans Gouvernman e ou departman dan sa brans Gouvernman pe etidye? Eski i annan okenn *forward movement* lo la? Oubyen eski zis zot in kit li apar e zot pa pe esey negosye avek Minister Finans ki reprezante la par SS Payet apre midi. I ava konpran mwan tre byen aköz i tann mwan demann sa kestyon tou le-z-an.

Pour zot lenstitisyon ansanm avek sa ki pour nou, pran zot lendepandans. E kapab debout gal, gal avek Legzekitiv. Annan sifizaman larzan pou zot depanse manner zot kapab – manner zot anvi depanse. I annan natirelman kontrent nasyonal.

Me, ki lespas ki i annan pour sa diskisyon pou annan plis letonomi finansyel ek letonomi administratif? Mersi.

Avan ki mon fini, mon pa konnen si ou konnen *Honorable Registrar* Lakour, ki resaman i annan en zizman Lakour Konstitisyonnel *Zambia* ki dir ki sa i enperatif. E ki zot in met Minister Finans *Zambia* Ankour, aköz Minister Finans *Zambia* pa ti pe donn zot, zot lendepandans ki garanti anba Konstitisyon. Mersi.

### **MR DEPUTY SPEAKER**

Mersi Onorab. *Registrar*?

### **REGISTRAR JULIANA ESTICOT**

Mersi Mr Chairman. Wi, mon okouran i annan en zizman. Mon'n ganny sans get en pti pe konsernan ki ou pe dir Minis *Zambia – Zidisyer Zambia*. Apre nou lo kote Zidisyer, i *pillar* No. 8 dan nou plan stratezi, i pour nou – plan stratezi 2021/2025, i pou nou annan otonomi.

E nou an diskisyon kontinyel avek Minister Finans, aköz nou krwar ki lendepandans Zidisyer i devret sofgarde plennman avek en lotonomi finansyel, parey plizyer pei dan larezyon zot annan.

Apre dan nou dernyen kolog ki nou ti fer a lokazyon nou 120enm laniverser. Sa *issue* otonomi ti osi enn bann size ki ti monte e ti ganny

diskite *profondément*. E nou pe kontinyen koz ek Gouvernman lo sa size pou nou gete ki mannyer keksoz i kapab ganny aranze, kwa ki kapab ganny fer.

Akoz parey mon'n dir, nou senserman krwar ki nou osi nou bezwen annan nou lendepandans otonomi finansyel. Mersi Mr Speaker – Mr Chair.

### **MR DEPUTY SPEAKER**

Mersi *Registrar*. Mon ava apel Onorab Mondon?

### **HON TERENCE MONDON**

Mersi Mr Chair. Avan mon al lo mon keston, an repons Rezistrar lo sa size ki Onorab Georges in leve. I annan sa *consortium* ki Lasanble Lezislatif i ti fer ansanm avek Zidisyer. Kot pou nou travay an kolaborasyon.

Pour nou kantmenm met plis lafors ansanm, pour nou ler nou koz ek Egzekitif pou zot konpran nou pli byen. Akoz nou annan en kantite pouwar, ki mon krwar nou kapab servi petet parey *Zambia* zot pe servi. Be selman i neser ki nou travay an kolaborasyon.

Mon keston Mr Chair i sa Bidze elektrisite ki mon vwar i 2.9 milyon ki tonm apepre R242 mil par mwan. Zot ti annan en plan pou enstal *PV*. Petet dir

nou ki difikilte zot pe gannyen pou zot kapab fer sa demars? Mersi Mr Chair.

### **MR DEPUTY SPEAKER**

Mersi Onorab. Mon ava envit *panel* pou reponn.

### **REGISTRAR JULIANA ESTICOT**

Mersi Mr Chairman. Konsernan elektrisite; *photovoltaic* nou ti'n deza parey oparavan ler mon ti vin Lasanble, mon ti dir. Nou ti'n deza dir ki nou ti pe ganny difikilte. Nou pa ti kapab ganny *Grant* aköz zot ti dir nou *building* ki mannyer i ete, i difisil pou kapab enstal sa bann *photovoltaic* anler lo la.

E, me selman la pou apre sa, nou kontinyelman antre dan diskisyon avek bann diferan lorganizasyon ki enplike dan sa bann demars. E nou'n ganny dir ki i annan posibilite ki nou pou kapab mete prezan. E zot in vini – i annan vizit ki'n ganny fer. Bann *assessment* ki'n ganny fer.

E zot in vwar poudir i posib dan serten landrwa pou mete. E nou ti'n met li dan nou bann lalis *issues* ki nou annan. Par egzanp nou bann *NSP*. E vi ki keksoz in ganny prioritize, sa in ganny pouse pour 2027.

E nou pe swete ki i ganny fer, aköz definitivman i pou ed



nou pour nou kapab redwir lo lakantite elektrisite. Parey ou konnen, nou annan en kantite *building*. E sa i ava ede pou redwir en pe nou kou ki nou depanse lo elektrisite. So i pe vini, me selman in ganny pouse baze lo priyorite. Mersi Mr Chairman.

**MR DEPUTY SPEAKER**

Mersi *Registrar*. Onorab Pillay?

**HON SEBASTIEN PILLAY**

Mersi Mr Chairman. Bonn apre midi delegasyon sorti kot *Registrar*. Mr Chairman, mon le vin lo size bann - size *wages and salaries*. Lannen pase pandan deba lo zot Bidze, ti annan diskisyon lo – zot ti koz ek nou lo revizyon *schemes of service* pour bann travayer dan *Judiciary*.

So ki mon ti a kontan konnen se, ler mon pe vwar, mon pe vwar serten logmantasyon *across* bann diferan *heads*. Me selman mon pe – mon ti a kontan klarifye...

Zot klarifye pour mwan si sa bann logmantasyon i annan pou fer avek sa 10poursan *salary enhancement* ki Gouvernman in donneren? Oubyen si sa i annan pou fer avek sa revizyon sa *scheme of service proper*?

Apre Mr Chairman si ou a permet mwan, i annan en sonm apepre 15 milyon anba *security*. Mon ti a kontan ki *Registrar* i donn nou – mon'n war en pti logmantasyon ladan, me *still* i en sonm konsiderab.

Mon ti a kontan ki *Registrar* i donn nou en leksplikasyon si sa i sekirite pour bann Ziz e bann *Mazistrar*? Oubyen si sa i annan pou fer avek sekirite? Mon pa krwar i annan pou fer avek sekirite Lakour li menm. So, mon ti a kontan ganny klarifikasyon lo sa 2 pwen.

Zis an pasan Mr Chairman, mon le siport sa pwen ki'n ganny fer par mon 2 koleg lot kote latab an relasyon avek pouvwar e koz ek Legzekitiv. Me selman pa pran li mal ler mon dir, zot aksyon i montre mwan diferan, kot zot tonm dakor ek tou sa Legzekitiv i fer.

Alors, mon war zot pe konplent Egzekitiv, me selman zot tonm dakor avek. Pour mwan mon war li en pti pe drol. Mersi Mr Chairman.

**MR DEPUTY SPEAKER**

Mersi Onorab. *Panel*?

**REGISTRAR** **JULIANA**  
**ESTICOT**

Mersi Mr Chairman. Konsernan *scheme of service* pour bann *staff* Zidisyer. So, nou'n konmanse revizyon *scheme*. Sa lannen nou'n fini konmanse akoz revizyon i tou le 5an, e i sipoze pran lefe 2025.

So nou'n deza fini konmans travay lo revizyon.

Nou'n ariv *quite* en bon zistans akoz nou'n menm fer en *job analysis* tou bann keksoz ki devret fer, ganny fer. E komite in fini konmans travay lo la. So nou pe prevwar ki i pou pare *by* – finalize *by* Mars 2024, ki i pou antre dan Bidze pour Bidze 2025 ki nou normalman vin Lasanble lafen lannen.

E lo kote sa logmantasyon ki ou'n trouve i 1.7 milyon i sa logmantasyon - e ki partou lo bann diferan program. Sa i pour bann *staff* konsernan *inducement allowance*.

Akoz parey mon'n dir o komansman, i ti deza la konman en parti nou *scheme* ki *currently* nou annan. Be selman pa ti pe ganny finanse. E la Minister Finans in finans sa bout. E sa i fer ki zot pou war en logmantasyon dan zot *inducement* konmansman Zanvyé. Apre la nou *scheme* ki sipoze pran lefe an 2025.

#### **MR DEPUTY SPEAKER**

Mersi. I annan en kestyon konsernan *security*.

#### **REGISTRAR JULIANA ESTICOT**

Ok. Apre lo kote sekirite, i – sa logmantasyon i pour en Ziz Lakourdapel ki oparavan i ti napa sekirite kot li. E apre bann lensidan ki'n arive, nou'n vwar poudir i neserer ki tou bann Ziz e bann *judicial officers* mon kapab dir, zot ganny sekirite pou vey zot fanmir kot lakour eksetera. Evite annan sa bann lezot problemn.

So se pour sa rezon ki ou vwar i annan sa logmantasyon anba sekirite. Mersi Mr Chairman.

#### **MR DEPUTY SPEAKER**

Mersi. Ou annan klarifikasyon Onorab?

#### **HON SEBASTIEN PILLAY**

Mersi Mr Chairman, pou donn mwan loportinite pour sa klarifikasyon. Mon klarifikasyon petet si ou a permet mwan mon ava adres li avek Minister Finans.

Mon ti a kontan konnen ki modalite ki ganny servi pou zot fer en desizyon? Par egzantp mon vwar sa logmantasyon ki zot in mete dan *scheme* pour - dan *inducement* pour Zidisyer. Me mon ti a kontan konpran -

pa dan gran detay, me ki manner zot swazir antite pou zot donn sa bann logmantasyon?

Par egzanp – par egzanp mwan mon'n la dan *meeting* avek Minister Finans ler nou ti pe diskit pour Lasanble Nasyonal. Ti annan pa mal difikilte pou nou fer konpran nesosite aköz nou bezwen annan sa revizyon pour bann *staff* Lasanble Nasyonal. Enkli bann lezot keksoz ki Lasanble Nasyonal i bezwen fer.

Me mon vwar ki nou nou'n bezwen fer en kantite leksplikasyon. So, mon pa ti a kontan krwar ki i annan lenstitisyon ki zot pour zot i pas dan en serten fason, e pour lezot i pas dan en lot fason. Mersi Mr Chairman.

**MR DEPUTY SPEAKER**

Mersi. *Panel?* SS Payet?

**SS PATRICK PAYET**

Mersi Mr Chair. Mersi Onorab. Onorab, kekfwala lo kote sa revizyon ki Minister Finans in aprouve, i deza egziste dan zot striktir *scheme*. So zot *Scheme of Service* ki egziste ozordi. Me selman letan nou'n regarde an diskisyon avek *Judiciary*, zot pa ti pe aplik *to the fullest of a scheme*.

Nou'n vwar ki si ou ti'n met en *scheme* an plas, *its only fair to the* travayer pou ou kapab aplik sa *scheme*. So, sa diskisyon ki nou'n gannyen avek *Judiciary*.

Me selman lo kote revizyon *of zot scheme, this is where* parey *Registrar* in mansyonn-en ki sa pe ganny fer dan *second phase*. E sa dan diskisyon pour nou vwar modalite an diskisyon avek bann lezot antite Gouvernman. Mersi.

**MR DEPUTY SPEAKER**

Mersi. Mon ava pas laparol avek Onorab Labonte.

**HON ANDY LABONTE**

Mersi Mr Chair. Mr Chair, mon zis annan en pti klarifikasyon. I an relasyon avek bann manm *employment tribunal* ki ti ranplas – fer bann ranplasman dan bann *Sitting* kot Lakour depi lannen pase. Eski sa Bidze pe fer provizyon ki sa bann manm pou ganny peye zot reminerasyon?

**MR DEPUTY SPEAKER**

*Panel*, i annan en larepons pour sa?

**REGISTRAR** **JULIANA**  
**ESTICOT**

Mersi Mr Chairman. Mon konpran kestyon Onorab, e mon konnen spesifikman i annan en ka an partikilye ki i pe koz lo la. So, sa dimoun letan bann ranplasman in ganny fer, i annan en prosedir ki lafason keksoz i ganny fer.

So, nou'n zis ganny dir pou dir sa dimoun ti pe ranplase. Me selman nou napa okenn dokimantasyon pou dir nou ki mannyer zot in ariv lo sa konklizyon. E nou'n menm zwenn avek – mon'n ganny sans zwenn avek kot Linyon Travayer.

E mon'n annan en rankont avek sa *monsieur*. Nou'n diskite e nou'n agree ki i bezwen prodwi avek mwan bann dokimantasyon ki'n fer zot ariv lo sa konklizyon pour nou kapab pey sa manm.

Nou rekonnet sa manm i en manm ki vreman dedye son letan Minister - Tribinal Lanplwa.

Me selman nou bezwen fer keksoz drwat pou li pa vin en *audit query in the future*. Alors apre ki mon'n zwenn avek li, mon pe atann li anvoy serten dokimantasyon pou nou kapab pey sa dimoun baze lo son bann reprezentasyon ki'n vin fer.

E an menm tan, nou pe fer provizyon pou nou kapab ganny en lot dimoun pou ranplas sa

enn ki'n arete. Pou ki i fer tou keksoz i balanse. E lo tou bann *panel* nou annan ase dimoun pou kapab ganny reprezante. Mersi Mr Chair.

### **MR DEPUTY SPEAKER**

Mersi *Registrar*. Mon ava apel Onorab Herminie?

### **HON WILBERT HERMINIE**

Mersi Mr Chair. Bonn apre midi *panel*. Mon annan zis en pti kestyon lo an kontinyasyon avek sa size *scheme*. Mon pou koz spesifikman pour bann drayver Ziz, ki zot bann *working hours* i pa *fixed*. Annandler zot fini 11er diswar. *You name it* ler fini.

Eski ladan i annan okenn provizyon pou donn zot en ogmantasyon dan zot *allowance*, vi ki sa ki zot pe gannyen pour lemoman i pa ase pou zot ariv kot zot aswar dan sa bann letan ki travay i fini?

Or si pa menm en *allowance*, me manke kekfwa Zidisyer i kapab *provide* en transpor ki kapab anmenn zot kot zot? Mersi.

### **MR DEPUTY SPEAKER**

Mersi Onorab. *Panel*?

### **REGISTRAR JULIANA ESTICOT**

Mersi Mr Chairman. Konsernan bann drayver Ziz parey zot apel li, so ki arive se ki zot, zot annan zot *package*. I annan osi en *allowance* ki al avek. E sa *allowance* i osi fer provizyon pou prenon kont ki bann diferan ler ki zot travay, e i fer li difisil. I diferan avek bann lezot drayver.

So letan par egzanp nou annan *scheme* ki ganny revize, tousala i ganny pran an kont e i ganny mete dan zot *scheme*. So sa ki zot pe resevwar aktyelman i osi annan pou fer avek sa ler ki zot, zot travay.

Par egzanp nou konnen parey nou'n ganny mansyonnen ki zot pa konmans 8er-4er. Zot pa parey lezot *staff* ki konmans 8er-4er. E i annan de letan ki zot al *beyond* sa or zot konmans pli boner.

So zot *scheme* i osi pran kont tou sa bann ler ki zot travay. So, letan nou pou reviz bann lezot *scheme* la, e i a fer ki parey nou pe revwar pour bann lezot *staff*, zot osi pour zot i a kapab ganny revwar pou re balans li petet avek kondisyon.

Si mon kapab servi sa term, petet kondisyon konmela i pa vremen diferan. Me selman i annan serten varyasyon. So ler nou fer pour bann lezot *staff*, nou pou osi fer pour zot. E sa pou osi pran kont zot bann ler

travay e bann lezot an plis ki zot fer. Mersi Mr Chairman.

### **MR DEPUTY SPEAKER**

Mersi *Registrar*. Onorab Lemiel?

### **HON SYLVANNE LEMIEL**

Mersi Mr Chair. Bonn apre midi *Registrar* avek ou lekip. Anba Zidisyer, sirtou Sekretarya Sef Ziz nou war i annan en logmantasyon dan son *office expenses* presizeman anba son *hospitality*, sorti 15 mil pou vin 140 mil. Petet mon ti a kontan konnen akoz sa gran logmantasyon?

E apre mon ti a kontan en pti bilan lo ki kantite *staff* zot annan kot Mazistrar Anse Royale kot sa Lakour? Mersi.

### **MR DEPUTY SPEAKER**

Mersi. *Panel*?

### **REGISTRAR JULIANA ESTICOT**

Mersi Mr Chair. Konsernan sa *hospitality*, i pa vremen en ogmantasyon *per se*. I – ok, i ganny servi par egzanp i annan bann diferan *dignitaries* eksetera ki vini ki ganny *hosted by* Sef Ziz. I zis en – si mon kapab servi sa term, debalansman.

*Sorry* – rebalansman dan sa *code* ki fer ki letan ou pe get

li, i reflekte koman en logmantasyon. Akoz sa larzan ti dan en lot vot. Prezan nou'n remet li dan son vot spesifik kot i devret ete. Prezan avan sa ou pa ti pe war li la. E la ou pou war li konman en logmantasyon. Me selman in zis remet li dan sa *code* apropiye kot i devret ete.

Konsernan lakantite *staff* Anse Royale, nou annan nou - apard Mazistrar, nou annan nou 5 *staff*. E sa i en asistan rezistrar, en *law clerk*, en enterpret, en *housekeeper* avek en *Court Orderly*. Mersi Mr Chairman.

### **MR DEPUTY SPEAKER**

Mersi *Registrar*. Ou annan klarifikasyon Onorab?

### **HON SYLVANNE LEMIEL**

Mr Chair, mersi, wi. Mon ti anv konn sa lankantite *staff* aköz – mon krwar Rezistrar ou konn tre byen ki mon pe vin dir ou? Lanvironnman sa landrwa e lofis mannyer i ete pou *accommodate* 5 *staff*.

Ki zot pe mazin fer - petet mon pa konnen si 2024, aköz mon pa vwar naryen dan Bidze pour lo kote Mazistrar Anse Royale. So, ki zot pe mazin fer pou anmenn en pli bon lanvironnman travay pour sa bann dimoun ki laba? Mersi.

### **MR DEPUTY SPEAKER**

Mersi Onorab. *Panel?*

### **REGISTRAR JULIANA ESTICOT**

Mersi Mr Chairman. Lannen pase letan mon ti vin Lasanble, mon ti ganny demann menm kestyon. Annefe plizyer lannen. E nou ti dir ki nou pe vin avek, pour sa lannen 2024, nou pou vin avek serten keksoz pou ede konsernan Lakour Mazistrar Anse Royale.

Me selman apre ki nou'n sorti nou sesyon Lasanble, nou'n konsilte avek propriyeter sa batiman, si mon kapab apel li, e lapolis se zot ki mandate pou okip sa *building*.

E nou'n ganny dir ki ti sipoze annan serten keksoz ki ti pou mete dan Bidze 2024, me pa'n ganny materyalize.

E pou ede pour – i annan serten defi ki i annan pou ede pou adrese. E nou an deba avek Departman Lapolis. E nou annan serten vizit ki pe ganny fer pou nou gete ki mannyer nou kapab ede.

Par egzanp bann diferan defi ki nou annan apard lespas pour *staff* travay, nou osi napa fasilite twalet. Par egzanp bann manm piblik ki vin kot Lakour, nou napa en landrwa pour manm piblik kapab servi twalet.

Zot pou bezwen pas anndan kot *staff* pe travay pou zot al dan twalet, ki i pa apropiye.

E nou osi annan par egzanp letan lapli i tonbe, bann dimoun ki vin Ankour zot napa landrwa pou zot kasyet lapli. E zot bezwen antre dan Lakour. E sa i fer ankonbre Ankour.

E menm i annan bann basen delo ki reste ater, ki i fer ki sirtou bann dimoun en pti pe aze i en lenkonvenyans pour zot.

E nou annan bann dimoun ki vin Ankour, nou pa kapab *screen* zot parey nou pe fer dan bann lezot landrwa, akoz nou'n vwar poudir nou napa lespas pour nou met en masin. Or menm si nou annan en zofisye sekirite. Me nou napa lespas pou met en masin pou *screen* sa bann dimoun.

E nou osi annan par egzanp bann dimoun ki vin Ankour. Par egzanp bann ki lo rimann ki zot vin Ankour. E zot, zot vin swa ek lapolis ouswa zot vin avek prizon. E bann zofisye Prizon ou war zot, zot reste dan zot transpor ziska ler zot *case* i ganny kriye.

E letan zot *case* i fini, zot re ganny mete dan zot transpor e esper lezot ki zot *case* pa ankor pase. E sa i en risk pour nou. So, i en lenkonvenyans.

So, i bann pti keksoz koumsa. Pour lemoman nou pe zis fer bann pti, pti travay ki nou pe kapab fer. Me - par egzanp sanz *tiles* eksetera. penn, bann keksoz koumsa. Me selman nou swete ki osi Gouvernman i donn nou en sipor.

Par egzanp si nou vwar poudir nou pa pou kapab fer gran travay lo sa *building*, then petet konsidere pou donn nou en lot landrwa dan Anse Royale pou nou kapab ganny en batiman pour nou. Kot la nou pou kapab...

Ou konnen, nou bann *staff* i en pti pe pli konfortab. E osi bann manm piblik ki deservi sa Lakour la, zot a santi zot en pti pe pli konfortab. Mersi Mr Chairman.

### **MR DEPUTY SPEAKER**

Mersi *Registrar*. Prosen entervenans lo lalis i Onorab Zialor.

### **HON NADDY ZIALOR**

Bonn apre midi Mr Chair. Mersi. Bonn apre midi Rejistrar. Bon Mr Chair, mon kestyon i plizoumwen vize ver zot *current challenges*. Ankor, i en pti pe parey kestyon ki mon ti demande avek ASP.

Boulet nimero 4 zot dir ki enn zot bann defi se ki zot pe

ganny serten defi pou moderniz teknolozi *to improve user experience*. Mon kestasyon se, eski zot annan en sistenm deza an plas? Si wi, ki zot plan pou fer sa modernizasyon arive?

Dezyenmman mon tann bokou koze lo *staff*. E letan mon pe get detay zot Bidze, mon vwar ki i annan alokasyon pour *uniform*. Me par kont, serten *staff* i dir ki pa neserman parfwa letan zot fer *request*, i annan *available*.

So, eski lannen prosenn zot annan en plan ki tou zot *staff* i ganny *adequate uniform* - ki swa ler in ariv ler pou *renew* pour ki i ganny *allocate* avek zot, baze lo Bidze ki'n ganny *allocate* isi ki nou vwar dan *budget book*? Mersi Mr Chair.

### **MR DEPUTY SPEAKER**

Mersi Onorab. Mon ava envit *panel* pour en larepons?

### **REGISTRAR JULIANA ESTICOT**

Mersi Mr Chairman. Lo kote lenfrastruktir *digital*, ki nou pe fer se sa lannen nou'n ganny R720 mil dan Bidze pour 2024. E sa i pour nou *digitalize* nou bann lenfrastruktir Ankour. Nou pe *install* bann *camera* pou nou kapab fer bann *virtual hearing*, aköz pa dan tou Lakour ki annan.

Aprè nou osi annan nou sistenm *for the record* kot nou rikord bann *case* ki pase Ankour. E nou annan en nouvo sistenm ki nou'n santi poudir i pou ede fer keksoz mars en pti pe pli vit. E sa i en sistenm *speech to text*.

E nou'n met dan Bidze pour lannen 2024 pou nou komans avek. E pou nou vwar ki mannyer i marse, baze lo bann lenformasyon ki nou'n gannyen, bann leksperyans ki nou'n ganny dir bann dimoun in pas atraver, i en bon sistenm. So nou pe swete ki sa i pou ed nou en pti pe.

Par kont lo kote *uniform*, tou nou bann *staff* i ganny 3 *set uniform* par lannen. E osi zot ganny *allowance* soulye 2 fwa dan en lannen. Savedir i tonm tou le 6 mwan.

So, i annan bann *staff* par egzanp si zot fek antre dan lanplwa, zot pa otomatikman ganny *uniform* aköz nou bezwen esper zot fini pas zot probasyon. E fer sir tou keksoz in *ok* avan ler nou donn zot *uniform*. Me nou pa kite en stok *uniform* per se parey pe dir. Aköz parey ou konnen nou annan serten sonm ki ganny *allocate* avek nou pour *uniform*.

E letan nou'n bidzet pour sa, nou pran kont bann nouvo *staff* par egzanp ki nou pe



rekrute, avek bann *staff* ki aktyel - bann ki pe ganny ranplase. E nou fer koud sa kantite *uniform* letan ki nou'n *go through the tender process*. So nou pa kapab apre azoute.

Me selman nou vwar poudir laplipar *staff* ler nou donn zot, zot 3 *set uniform*, zot kapab *manage at least* pour en lannen avek zot 2 *allowance* soulye. Mersi Mr Chairman.

### **MR DEPUTY SPEAKER**

Mersi *Registrar*. Onorab Loze?

### **HON JOHAN LOZE**

Mersi Mr Speaker. Bonn apre midi Mr Speaker. Bonn apre midi tou dimoun lo *panel*. *Registrar*, mon ti anvi gete, eski ou annan okenn *challenges* konsernan *staff retention*? E si wi, eski ou annan okenn provizyon dan Bidze pou ed ou *retain staff* lonterm?

Mon annan mwan en dezyenm pwen. Zis parey Lasanble, ou lorganizasyon pe viz *towards* lotonomi. E parey Lasanble, Labank Santral, ou dan en domenn spesyalize. En domenn spesifik ou.

Mon pe mazine si lonterm zot ti kapab komans fer provizyon bidzeter pou *form* zot *staff* lo en nivo ekselans, dan sa *field* legal ki zot, zot ladan?

Zis parey Labank Santral i ofer *scholarships* pour dimoun dan Finans. Si zot osi zot ti pou kapab mazin servi zot lotonomi - sa lotonomi ki zot pe vize *towards*, pou enzekte konesans dan lasosyete dan en domenn, ki pou benefisyete zot menm dan le fitir? Mersi Mr Speaker.

### **MR DEPUTY SPEAKER**

Mersi Onorab. Mon ava envit *panel* pour larepons?

### **REGISTRAR JULIANA ESTICOT**

Mersi Mr Chairman. Annefe pour lannen 2024 nou annan plan – nou *staff retention plan* i la. E zis pou note, nou poursantaz *staff turnover* i reste parey avek lannen pase, ki 6poursan *staff* an total.

Nou pe – nou pa pe anploye, me nou vwar pandan prosedir, nou anploy bann kandida ki zot, zot annan talan. Apre nou devlop zot. Apre pli tar nou vwar ki zot sorti kot nou e zot al kot lezot lorganizasyon. E sa i en *challenge* pour nou.

E nou pe fer bann prosedir pour nou kapab ed sa bann *staff* pou – bann *staff* ki *currently* la, pou nou sey kit zot dan lanplwa. Parey nou *scheme of service* i enn bann keksoz ki nou pe vin avek pou nou kapab kontinyelman *retain* bann *staff*.

Ki letan zot vwar poudir kot nou i annan bann serten benefis ki zot gannyen an plis ki lezot landrwa, e parey ou konnen, pou *train* en dimoun pou travay dan Zidisyer, i pa parey pou travay dan lezot departman.

I annan serten keksoz spesifik ki bann dimoun i bezwen - ki sa bann *staff* i bezwen pou zot kapab fer sa bann serten louvraz – diferan louvraz ki nou annan.

So nou kontinyelman annan en Bidze *training* tou lez-an kot nou *train* sa bann diferan *staff*. Menm si zot deza dan lanplwa, nou kontinyelman pous zot pli devan. E ofer bann lezot kour ki ede pou zot kapab devlop zot bann abilite, pou zot kapab *perform* pli byen. E an menm tan pou nou kapab retenir zot.

Aprè nou annan osi *course* pour par egzanp letan ou'n antre ou pa – pour letan ou'n antre, ou pa toultan reste lo menm nivo. Nou pe osi fer provizyon ki, par egzanp si nou annan en dimoun en pti pe o ki'n kite - en *senior*, nou toultan pous sa bann ki la pou zot monte pou kapab ranplas sa *senior*.

Pou zot vwar poudir dan le fitir i annan *prospect* pou mwan reste dan Zidisyer, pou mwan

kapab kontinyen travay. E nou la nou ranplas bann ki pli anba letan nou fer monte sa bann dimoun.

E an menm tan parey mon'n dir, nou kontinyelman devlop zot bann abilite, sa bann ki la. E zis an menm tan avek sa dezyenm keston; nou'n devlop en *course paralegal* avek Minis Liniversite Sesel.

E nou'n vwar ki i enportan ki nou bann *staff*, *at least* zot annan debaz dan Legal, dan Lalwa. Serten poursantaz ki pou kapab ed zot pou kapab *perform* en pti pe pli o.

Me pour lemoman, nou pa'n ganny finansman, me selman nou ankor an konsiltasyon avek Minister Finans. Akoz nou vwar poudir sa i ti pou ed nou bann *staff* pou zot vwar poudir; letan mon antre dan Zidisyer mon rod en louvraz, mon annan kontinite e mon annan progresyon kot mon kapab monte. E demen ou kapab pran bann lezot *post* en pti pe pli o.

So, i sa bann keksoz ki nou pe fer. Me selman parey sa kour *paralegal*, vi ki parey ou konnen Bidze ki mannyer i ete; bann keksoz in ganny re prioritize. So, nou pe swete ki a en pwen i ganny enplimante. E sa i pou ankouraz nou bann *staff* akoz ti annan en kantite

ki'n fini deza montre lentera pou partisipe.

Par egzanp nou annan nou bann *supervisors*, nou bann *heads*, nou ti'n swete ki nou kapab anvoy zot e zot demen zot, zot kapab ranplas bann lezot dimoun ki en pti pe pli o. Parey nou annan bann Asistan Rezistrar, ki zot osi nou pe pous zot pou zot monte. Mersi Mr Chairman.

**MR DEPUTY SPEAKER**

Mersi *Registrar*. Ou annan klarifikasyon Onorab?

**HON JOHAN LOZE**

Yes Mr Speaker. Mon ti pe zis get avek SS si posibleman ti a kapab konsider ouswa rekonsider zot Bidze *paralegal during Mid-year Review? If not, then* posibleman *for next year*.

Aprè mon kontan ki ou, ou kapab *of the top of your head* donn nou ou *staff turnover percentage figures* ki lezot dimoun dan Legzekitiv pa kapab. Mersi Mr Speaker.

**MR DEPUTY SPEAKER**

Mersi Onorab. SS, ou annan en komanter?

**SS PATRICK PAYET**

Mersi Mr Chair. Mersi Onorab. Onorab, i en diskisyon definitivman ki nou pe gannyen

avek *Judiciary*, pou nou vwar ki mannyer nou striktir kekfwa finansman sa *training*. Mersi.

**MR DEPUTY SPEAKER**

Mersi Onorab. Mon ava apel Onorab Labrosse?

**HON RICHARD LABROSSE**

Mersi Mr Speaker. Mr Speaker, mon ti bezwen zis en pti leklersisman avek Madanm Rezistrar. Mon pe vwar – mon'n get en pe dan zot Bidze la. Mon pe koz lo *legal aids* ki bann dimoun i ganny asiste avek.

Mon pe gete ki kantite larzan ki zot in depanse ziska la si ou annan avek ou? E pour lannen ki pe vini la, ki kantite larzan ki zot in prozekte ki zot pou kapab depanse ankor pour 2024? Mersi.

**MR DEPUTY SPEAKER**

Mersi Onorab. So, ou le sonm pour 2023/24?

**REGISTRAR JULIANA ESTICOT**

Mersi Mr Chair. Pour lemoman mon napa sa sif konbyen nou'n depanse anba *legal aid*. Me selman mon kapab dir ki nou'n preski fini tou sa ki nou ti'n demande, e – nou'n fini tou sa ki nou ti'n demande. E nou annan – mon konnen i en pti pe kontrovers, *sort of*.

I annan bann Avoka ki'n deza fini *submit* zot bann *claim*. E sa i pou ganny peye lannen prosen akoz nou'n fini nou kantite larzan ki nou ti'n ganny donnen.

Nou annan en kantite dimoun, bann Avoka ki avan zot ti en pti pe tarde avan ler zot *submit* zot bann *claim*. E sirtou nou annan bann Avoka en pti pe pli nouvo ki'n vini. E zot, zot vremen konman zot fini, zot fer zot *claim*.

So, sa i fer ki sa lannen konpare ek lezot lannen, tou nou larzan ki nou ti'n ganny donnen in fini. E menm i annan ki pa pou kapab resevwar zot peyman ziska lannen prosen.

E konsernan lakantite ki nou ti'n demande pour lannen 2024. *Ok*, so pour 2023 nou ti'n demann 2 milyon 225 mil. E pour – savedir nou'n fini tou. Prezan pour 2024 nou ti'n demann R2 milyon 226 mil. Me selman mon kapab pli tar apre fer Lasanble - *Anyway*, nou'n fini tou. Savedir nou'n depans tou sa larzan ki ti donn nou.

Me selman zis an pasan, nou ti menm demann an plis ki nou'n demann pour 2023. Mersi Mr Chairman.

### **MR DEPUTY SPEAKER**

Mersi *Registrar*. Prosen entervenans, Onorab Cosgrow?

### **HON WALLACE COSGROW**

Mersi Mr Chair. Bonn apre midi, *welcome* delegasyon Zidisyer. Mon *wish* sa lannen mon ti annan bann kestyon en pti pe pli tape, me selman pour serten rezon mon napa bann kestyon – i tape li, me selman i pa pou kontrovers.

Rezistrar, si mon kapab anmenn ou lo *current challenges bullet 2*. I annan en *saying* ki dir '*justice delayed is justice denied*'. La mon pe koz direkteman sa zafer *slow court processes*.

Si ou kapab dir avek nou ki zot pe fer? Ki bann mekanizm zot pe fer, akoz i annan en kantite dimoun ki konplent ki dir ki zot annan bann ka devan Lakour e i pran sitan kantite letan.

Sirtou bann ka – pa bann ka kriminel. Me selman bann lezot ka sivil ki pran sitan kantite letan pou kapab donn lazistis, donn en finalite ek sa bann ka.

So ki zot pe fer pou kapab bouz en pti pe dan sa kote, e fer sir ki lazistis i ganny donnen dan en letan en pe pli kourt dele posib?

Apre an pasan i annan; ler nou pe koz lo si sa ki Onorab Georges in dir lo kote lotonomi, mon war kekfwa ki Minister

Finans i get – fer referans ek Lasanble osi, Lasanble avek Zidisyer en pti pe parey konmsi 2 departman Gouvernman ouswa 2 Minister.

San get zot konman 2 Lensitasyon Leta ki annan son lendepandans, son lotonomi; ki sipoze annan son lotonomi finansyel. Akoz ler mon get par egzanj Bidze, ozordi mon konpran i annan en problemm transpor. Or i annan en pe problemm transpor dan Zidisyer.

Me ler mon get zot Bidze, zot Bidze i annan rekomandasyon pour zis en transpor R800 mil ki mon prezimen i en transpor pour en Ziz or en dimoun ase o. Me i annan lezot *issues* transpor dan Zidisyer ki petet pa pe ganny adrese. So mon ti kontan konnen ki zot pe fer, ouswa si zot annan serten diskisyon avek Minister Finans?

Akoz zis *President's Office* in ganny larzan pou aste 4 transpor. So i montre ou konmsi napa sa – sa, *well* en *lift* tou. Be selman i montre ou konmsi ki poudir napa sa – sa balans dan lafason ki larzan i ganny aporsyonnen. So si zot kapab pran sa 2 pti *issue*. Mersi.

### **MR DEPUTY SPEAKER**

Mon envit *panel* pou fer komanter silvouple?

### **REGISTRAR JULIANA ESTICOT**

Mersi Mr Chairman. Konsernan prosedir Lakour i dousman, akoz rediksyon dan lakantite Avoka ki pe vin Ankour. Nou annan en *issue* ki en pti pe – nou pran li en pti pe alarman, akoz nou pe vwar poudir i annan serten Avoka ki pe aret zot *practice*. Or zot pe deside al dan *offshore* kot *according to* zot i annan plis rannman.

So prezan i fer ki lakantite Avoka ki nou annan ki vin Ankour i limite. Par kont nou osi pa zis lo kote Avoka, me nou osi annan bann diferan ka ki ganny anrezistre devan Lakour. E sa i fer ki i pran en pe bokou letan pou konplete. Par egzanj nou annan bann *case* kot nou annan bann ka mert ki ganny *set* pour en mwan.

So pandan sa en mwan letan sa ka mert in ganny *set*, sa Ziz ki pe ekout sa ka pour en mwan i pa *available* akoz i pe ekout sa ka mert. E sa i fer ki bann lezot *case* ki ti'n kapab mete dan sa lespas letan, i ganny pouse en pti pe pli devan.

E osi sa bann Avoka – i annan de lenstans kot nou annan – nou'n vwar sa lannen kot in annan plis ki en lakize

dan ka. E sa i fer ki i annan *at least* 2 Avoka. I annan de letan i annan 3 Avoka. E sa bann Avoka zot osi zot bann lezot ka i ganny pouse akoz sa en mwan zot atase ek sa Lakour dan sa ka mert.

So, sa i osi ede pou fer ki bann ka i retarde. I pa vreman 100poursan ganny retarde akoz okenn *issue* entern lo kote ekrir zizman eksetera, lo kote Lakour. Me lafason ki keksoz i ganny fer.

Par egzanp, pour lannen prosen nou annan ankor 3 ka mert ki pe vini 2024. E 3 Ziz. E ladan i annan 3 a 4 Avoka. Wi, nou annan 3-4 Avoka dan sa bann *case*. E an plis ki sa nou annan bann lezot *case* ki pe ganny ekoute ki en pti pe gro, kot i annan plis ki 3 ou 4 Avoka ladan. E ki pou kontiny-en an lannen 2024.

E la nou vwar poudir lafason peryod letan ki sa bann ka in ganny *set* devan Lakour, sa bann Avoka pa pou *available* pou pran bann lezot *case*. E ankor sa bann *case* pou ganny pouse akoz Avoka pa *available*. E sa bann Ziz zot pou *busy* dan sa bann lezot ka.

So, i pa vreman en *issue* kot i annan pou fer strikteman avek lafason Lakour i fonksyonnen, me i plito annan pou fer avek bann lezot keksoz

*external* parey mon'n dir ki nou bezwen pran kont tousala.

E sa i fer ki i annan serten ka ki prezan bann – sirtou bann ka sivil, bann dimoun zot vwar li poudir zot ka pe retarde. Me selman i an deor nou kontrol akoz bann kalite *case* ki nou gannyen. E lakantite lakize *or* Avoka ki *involve*. So, i fer ki nou prose i en pti pe retarde.

Lo kote transpor, wi nou annan konstrent transpor, si mon kapab servi sa term. Par egzanp pour – nou pa'n demann zis transpor pour Ziz. Me nou osi nou ti demann en transpor pour bann *process servers* akoz lakantite somonn i ogmante. Nou annan *Fair Trading Tribunal* ki'n vin *onboard*.

Lakantite somonn ki'n sorti konmela i bokou plis akoz bokou plis *case* pe anrezistre. Nou ti osi demann 2 transpor pour *admin*. Enn pour Lakourdapel avek enn pour *Supreme Court*. E nou osi annan *issue* avek nou bis. Be selman malerezman nou pa'n ganny finansman.

So nou pa pe mazin selman bann *judicial officers*. Me nou pe osi mazin dan bann lezot domenn. Me selman parey ou konnen, i annan serten sonm ki ganny donnen dan Bidze. So nou bezwen *go*

*according to sa ki nou'n ganny donnen. Mersi Mr Chairman.*

**MR DEPUTY SPEAKER**

Mersi *Registrar*. Mon ava apel aprezan Onorab William?

**HON WAVEN WILLIAM**

Mersi Mr Chairman. Bonn apre midi *Registrar* avek ou lekip. Mr Chairman mon ti a kontan demann avek *Registrar* vizavi sa size Lakour Anse Royale. Enn se ki letan ou pe regard dan sa – *well* Anse Royale i ganny konsidere konman dezyenm lavil e modernizasyon pe arive.

So, ki degre proaktiv zot proaktiv, pou fer sir ki en nouvo Lakour ouswa nouvo sit avek en Lakour i ganny konstrir? Akoz ler ou regard devlopman dan sa lanvironnman. Epi par lefe ki nou pe promot osi nou Lendistri tourizm ensidswit. Servis laba li menm li i pa vreman *conducive*.

So ki degre proaktiv zot proaktiv lo la? E konbyen letan ki zot pe demande ki zot ganny nouvo fasilite, pou ed nou kapab konpran en pti pe ki letan ankor i vini pou nou kapab regarde ki Lasanble i kapab dir lo la. Mersi.

**MR DEPUTY SPEAKER**

Mersi Onorab. Mon ava envit *panel* pou fer en komanter?

**REGISTRAR JULIANA ESTICOT**

Mersi Mr Chairman. Lo kote Lakour Anse Royale parey mon'n dir, wi i en konstrent pour nou. Akoz nou bann *staff* zot *as* konpetan parey tou nou bann lezot *staff* dan Zidisyer. Me malerezman i annan serten defi ki annandler i anpes zot *perform* alaoter ki nou pe ekspekte zot *perform*.

So, la ki nou'n annan sa deba avek lapolis. E nou'n vwar poudir nou pa asire kan okenn renovasyon mazer pou ganny fer, *or* bann lezot keksoz pou ganny azoute pou kapab ed nou pou nou sirmont nou bann defi.

So nou'n deside ki nou pou bezwen antre dan serten diskisyon en pti pe pli profon e pli serye, avek Gouvernman. Lo kote modernizasyon par egzantp, i annan serten keksoz ki nou ti a kontan fer. Me selman lafason ki nou batiman *or* lafason ki nou annan lespas, i pa permet nou pou nou fer.

So nou pou bezwen antre dan en deba dezorme pou nou kapab vwar si nou pa kapab agrandi sa landrwa kot nou ete *or* donn bann lezot lasistans par egzantp nou pe demande.

So pou Gouvernman kapab parey mon'n dir oparavan, pou donn nou en landrwa spesifik pour nou. E la

i ava ede pour nou kapab fer keksoz konmsi pou balanse avek bann lezot Lakour ki nou annan dan pei. Me non pa lezot Lakour i bouze, e Anse Royale i reste deryer. Mersi Mr Chairman.

**MR DEPUTY SPEAKER**

Mersi *Registrar*. E dernyen entervenans lo sa *heading* – mon pa pe pran ankore apre sa, se Onorab Philip Monthy.

**HON PHILIP MONTHY**

Mersi Mr Chair. *Registrar*, ou'n koz lo bann ka ki retarde. Mon'n zis ganny en kestasyon la. Mon'n dir mon a demande *for the sake* sa zabitan. Dan ka kot en endividi in *file* en konplent kont en Avoka. Ki bann peryod letan ki sa prosesis i pran? Akoz dapre li sa pe pran en leternite e i pe perdi lespwar. Mersi.

**MR DEPUTY SPEAKER**

Mersi Onorab. *Panel*?

**REGISTRAR JULIANA ESTICOT**

Mersi Mr Chairman. Nou annan en sistenm an plas kot nou *deal* avek – kot nou disiplin bann Avoka letan parey ou pe dir, i annan bann *issues* ki'n ganny leve. Bann konplent ki anrezistre avek Avoka. So nou annan en prosedir an plas.

E letan sa dimoun in fer son konplent, nou bezwen balanse pou nou vwar poudir wi i annan en konplent aktyel e i zistifye. E la sa Avoka i ganny ekrire e i ganny donn en dele letan pou li eksplik son lekor konsernan sa konplent ki'n ganny fer. E i menm ganny en kopi sa konplent.

E apre ki in eksplik son lekor, i annan en komite ki ganny *chair* par mwan menm. Parey ou konnen, bann Avoka zot *license* i ganny donner par *Registrar* Lakour. So...

E la letan komite in *meet* e nou'n vwar poudir malgre leksplikasyon ki sa Avoka in donner, i pa ase pou zistifye *whatever* konplent ki'n ganny fer. So nou anvoy li lo nou *Judicial Committee* ki disiplin bann *legal practitioners*. E sa i ganny *chaired* par bann Ziz.

E la bann Ziz zot, baze lo sa zot annan zot prosedir ki zot fer. E ou bezwen osi parey lezot *case*, donn sa dimoun en sans pou li vin devan e eksplike. So, zot fer en *hearing*. E ler sa dimoun in fini eksplike, e la zot pran en desizyon.

Me selman mon pa pou kapab donn ou en letan spesifik. Akoz i annan de lenstans kot dat in ganny *set* pour en rezon ou en lot pa'n kapab petet, swa pran sa



konplenan. Ouswa nou pa'n kapab pran sa dimoun ki konplent i kont li.

Or i annan lezot – enn ant zot 2 zot annan lezot temwen ki zot oule vin anmennen pou kapab prouv zot *case*. So, mon pa pou kapab donn ou en letan spesifik. Me selman dan lepase nou ti annan en pti retar akoz nou ti annan en Ziz ki pa ti ankòr ganny apwente.

Me la ki tou Ziz in ganny apwente, e i pe al ase vit. Mwan mon vwar li i pe al ase vit. Petet sa dimoun zis petet ganny kontak avek mon biro. Nou ava zis verifye. Nou a kapab donn li en lenformasyon *as* ki zistans i ete.

Akoz letan sa *panel* – sa komite pe *sit*, so zot annan bann lenformasyon ki zot anvoye. Par egzanp *update* pou fer nou konnen ki zistans i ete. Me selman nou selman ekrir sa dimoun letan konplent in fini, pou nou dir li ki *outcome*.

Me selman si zot telefonnen nou kapab dir zot *at least* ki staz in arive. I dan staz ekoute *or* in fini, pe ekrir - komite pe ekrir zot rapor eksetera. So mersi Mr Chairman.

### **MR DEPUTY SPEAKER**

Mersi *Registrar*. Donk sa in anmenn nou lafen nou

enteraksyon avek *Judiciary* pour zot Bidze ki trouve lo paz 96 a 101 pour en sonm R97 milyon 662 mil. Mon ava demann tou bann Manm ki an faver pou endike silvouple? Mersi. Okenn Manm ki kont? Mersi.

*Vote* pour *The Judiciary* pour en sonm R97 milyon 662 mil, i annan 26 Manm ki'n *vote* an faver. Okenn Manm pa'n *abstain*. Okenn Manm pa'n *vote* kont. Donk, baze lo lakantite Manm prezan dan Lasanble, sa *vote* in pase par linanimite.

I reste mwan aprezan pour mwan remerci *panel* ki'n avek nou apre midi, dirize par *Registrar* Lakour – *Judiciary*, Mrs Juliana Esticot. E i ti pe akonpanyen par Mrs Peggy Gill ki *Financial Controller*. Ms Nicole Mathurin ki Direkter pour *Human Resources and Administration*. E Mr Paul Derjacques ki Direkter pour Loperasyon avek Lozistik.

Nou ava osi dir mersi SS Payet avek Ms Agnes Madeleine, *Senior Finance Analyst* sorti kot Departman Finans pou zwenn nou apre midi. Nou ava eskiz zot parmi nou pou nou kapab pandan - apre retourn dan staz Lasanble. Donk mersi pou zwenn nou e bonn kontinyasyon *la soirée*.

*(The Judiciary delegation was excused from the House)*

**MR DEPUTY SPEAKER**

Mon ava aprezan demann *Sergeant-at-Arms* pou remet nou dan Staz Komite – dan staz Lasanble plito. Demen bomaten nou pe zwenn 9er. E demen pour bann antite ki nou pou konsider zot Bidze.

Dabor i annan *Ministry of Investment, Entrepreneurship avek Industry*. I annan osi *Seychelles Investment Board*. I annan *Industrial Estate Authority, Seychelles Licensing Authority, Enterprise Seychelles Agency*.

E nou pou osi pran *vote* lo *Seychelles Bureau of Standards*. Sa i bann travay ki annan demen. Mon war lanmen *Leader* Lopozisyon anler.

**HON SEBASTIEN PILLAY**

Mersi. Chairman, petet si ou kapab *update* nou lo si ou annan lenformasyon. Pour lemoman mon'n regard Gazet e mon'n vwar 2 Lalwa ki'n arive. E mon'n vwar en Lalwa ki Minis Ferrari ti pe koz lo la konsernan *Aquaculture*.

Mon ti a kontan si ou ti kapab *liaise* avek Minister Finans, pou vwar si sa Lalwa i annan en *bearing* pour Bidze. Apre i annan sa 15 lezot Lalwa

pour nou konnen si i annan en *bearing* lo la Mr Chairman. Mersi.

**MR DEPUTY SPEAKER**

Mersi. Mon ti ava demann Vice-Chair *Bills Committee* dan labsans Chairman *Bills Committee* pou verifie sa lenformasyon lo kan bann *Bills* pou ganny Gazete. Me mon'n *note* lanmen *Leader of Government Business*.

**HON BERNARD GEORGES**

Yes, mersi Mr Speaker. Mr Speaker, mon'n koz avek SS Payet lo bann *financial bills*. E i dir mwan ki zot pe *liaise* avek Atorni Zeneral pour ki Lasanble i kapab ganny sa o pli vit posibil. Mersi.

**MR DEPUTY SPEAKER**

Mersi *LGB*. I annan en size ki mon bezwen *deal* avek ki'n leve bomaten. Letan ki Onorab Uranie ti pran laparol lo Bidze Minister Gouvernman Lokal. Mon pou sit dabor sa ki Onorab Uranie ti dir;

“Ler ou la anler ou Chair e ou pa *MNA* Mont Buxton. Selman apre mon vwar ou pe demann *kestyon*. Mon ti a kontan konnen si *Standing Orders* i aplik zis pour en kote”. Fen sitasyon. Sa ki ou ti dir mwan.

Ou ti pe refer avek en komantr ki mon ti fer ler mon ti pe asiz dan mon plas anba, le 16 Novanm. Setadir pres en semenn pase, letan Bidze Minister Gouvernman – plito Lanvironnman ti vini. E mon ti pe fer referans avek lakantite larzan ki zot pou met dan Bidze pour ledikasyon piblik. Akoz lakantite larzan ki nou pe depanse dan zesyon salte konman en pei.

Me, mon le re dir sa ki mon ti dir ou, ki ou ti pe demann mwan ler mon ti dan *Chair*.

*“Your comment is uncalled for. Ler mon asiz dan sa sez la anba, mon MNA Mont Buxton. Ler mon la anler, pa vin fer en largiman ouswa en deba avek mwan. Zis demann ou keston”.* Fen sitasyon. Ou a vwar poudir sa ki ou’n dir, mon ti dir konpletman diferan.

Aprezan Onorab, mon'n ale pou al fer en pe resers lo bann presedans lo bann pratik dan bann pei *Commonwealth*. Nou *Standing Orders* i silans lo partisipasyon Deputy Speaker dan deba. I silans. Napa okenn par ki ekrir, malgre Lopozisyon in ale avek sa zafer *Standing Orders*. I konpletman silans.

Me, referans avek bann pei *Commonwealth* i egzize ki koman en Manm Lasanble,

personn pa kapab *challenge* en Deputy Speaker lo en keksoz ki in dir lo *Floor* ler i pe *deputize*. *This is* etik louvraz. Nou pa kapab fer sa. Nou bezwen esper li retourn laba pou *challenge* li.

E anfet pou *quote*, standar *New Zealand* i dir;

*It’s improper for MPs to refer to Deputy’s comment when on the Floor when presiding.* Aprezan in lev sa zafer Depite Speaker demann keston. In vin 2 zafer la. Eski nou kapab partisip dan deba?

Mon le zis aport latansyon piblik Seselwa, ki dan sa dernyen 16 an in annan 6 Deputy Speaker ki tousala ti bann Manm Elekte. Apartir 2007, ti *MNA* pour Pointe Larue. 2007 a 2011 ti *MNA* pour Baie Lazare. 2011 a 2016 ti *MNA* pour Anse Boileau. 2016 a 2018 ti *MNA* pour Bel Ombre. 2018 a 2020 ti *MNA* pour Anse Etoile. E 2020 ziska la i *MNA* pour Mont Buxton.

E pour tou dimoun ki'n swiv travay Lasanble, ouswa bann Manm ki'n dan Lasanble, nou a rapel poudir a plizyer repriz sa bann Manm in demann keston lo lapar zot distrik. Me non selman zot in osi demann keston, zot in osi partisip dan deba pandan *State of the Nation Address* e dan Bidze.

Me ki zot pa ti fer se abiz *the mic* pou fer en lentervansyon dizon 30 minit ki zot kapab fer ler zot anba. Me zot in koz forse a pepre 5 minit lo bann size ki konsern zot distrik. Alor i annan pratik – i annan presedans ki determinen ki Deputy Speaker i kapab koze ler i dan sa sez. Sirtou, sirtou ler i en Manm Elekte.

Me pli enportan se *best international practice*. E nou konpa i merit vize ver *Commonwealth Parliamentary Association* ki nou, nou en Manm. Mon le zis sit legzanp 4 pei ki permet zot Deputy Speaker koze letan i pe *preside*. Sa i enkli;

Langleter, *House of Commons. Canada, l'Australie* avek *New Zealand*. E i dir ki zot partisipasyon i bokou pli mwens ki en Manm. E dan ki size ki zot koze, i depan lo zot zizman personnel.

Donk mon santi poudir konplent Lopoziyon i pa zistifye. Mon krwar poudir i ti senpleman en latak politik dirize par rankin ouswa laenn ver mwan Gervais Henrie koman en endividi...

**(APPLAUSE)**

**MR DEPUTY SPEAKER**

E alor mon pe dir pou dir mon napa okenn *apology* pou fer avek Lopoziyon. E zot swadizan protestasyon bomaten ti al *kont Standing Orders 57(7)*. Avek sa, nou ariv a lafen nou sesyon pour ozordi. Nou pou rezwenn demen bomaten apartir 9er. Mersi.

**(APPLAUSE)**

**(ADJOURNMENT)**